



6

21-f

18



liotheca

oll. Rom.

. Jesu


20.6.27  
20  
25



5-21-18














BALDVINI  
CABILLIAVI  
E SOC. IESV  
MAGDALENA.



ANTVERPIÆ,  
EX OFFICINA PLANTINIANA,  
Apud Balthasarem Moretum, & Viduam  
Ioannis Moreti, & Io. Meursium.

M. DC. XXV. +

*Coll. Rom. Soc. Iern  
Bibl. Iern. Col. inu.*



3  
ILLVSTRISSIMO  
ET  
REVERENDISSIMO

S. R. E.



CARDINALI  
FRANCISCO  
BARBERINO.



LIM felicissima illa  
Domini sui hospes,  
ab inhospitali Ioppes  
litore, nescio, maiore  
periculo, an feliciore successu, Mas-

A 2

siliam

*siliam appulerit Nunc eadem, securiori, trans Alpes, contendit itinere, & à solitudine ad Urbem omnium Principem audaci cœpto properat : è tenebris nimirum, ad lucem; è squallore, ad amœniora gaudia; è Pœnitentiæ suæ carcere, ad Illustrissimum publicæ famæ theatrum : &), ut olim Magdalenæ illa cymba, apparatu nautico & armamentis destituta, nequidquam ventis indignantibus, barbari elementi spumantes euicit minas; ita nunc, nullis licet septa præsiidijs, sola in Italiam hætenus sibi ignotam, per Alpinos scopulos, cursum dirigit; atque adeò exclamat:*

—Per



— Per tot discrimina rerum

Tendimus in Latium.—

*Verum ne in portu naufragium.  
Vereor enim ne ubi, in sacrosancto  
illo Purpuratorum Patrum senatu,  
omnium oculis se intuendam obtu-  
lerit, iterum, ut olim, inuerecundiae  
suae damnum referat; ut quam cul-  
tus venustior nullus exornat: à quo  
imparata & naufraga, rubori suo  
praesidium ab Illustrissimâ BAR-  
BERINA Purpurâ mutuatur.*

*Patere itaque, ut fimbriam Tuam  
verecunda hac MAGDALE-  
NA, manu & ore, verrat; & in  
tantâ peregrinorum turbâ, hoc lu-  
bilei anno, pias, non iam Pœniten-*

A 3 tis,

*tis, sed amantis, non dico gemmas,  
sed lacrymas, PURPUREAE  
TVAE inspergat.*

*Ita voueo, Deumque Opt. Max.  
obtestor*

Illustriss. PURPUREAE TVAE

Humillimus in Christo seruus

Balduinus Cabilliauus.

7  
LIBER PRIMVS.  
MAGDALENA  
PECCATRIX.

ELEGIA



*Sub Amorum myrto MAGDALE-  
NA se comit.*



ERNE, puellares inter Dux incly-  
ta turmas,

Illa Dionæi gloria prima chori,  
Magdala myrtigenâ desidit in-  
cruma sub vmbra,

Et Cypriâ doctas erudit arte manus:  
Crinali dispungit acu, fingitque capillos  
Ad speculum, & crispo vibrat in angue comas:  
Et minio mentita rosas, verisque pudorem  
Purpureum, pictis floret amœna genis.  
Aut fusco stibio candentes fascinat orbes,  
Cerussâve novas spargit in ore niues:  
Aut frontis dispungit ebur viridante smaragdo,  
Armataque onerat diuite torque manus.  
Dux Amor hæc inter vinctis trahit otia pennis,  
Quæque leuem sequitur ludicra turba ducem.  
Tot sese agglomerant lateri, chorus ales, amores,  
Quot breue Cecropiæ ver populantur apes.

A 4

Susti-

Sustinet hic speculum, dentem ille ministrat eburnum :

Hic pigmenta vouet, ille stabella ciet.

Pars teretes vittas, pars textile sufficit aurum :

Vnus odoris opes suggerit, alter aquas.

Deniq; suppeditat gēmas genus omne, vel aurū,  
Cyprigenæ fallax turba satelles heræ.

Vidi ego, qui vario plectens è flore corollam,  
Illinit infidis toxica blanda rosas.

Vidi ego, qui picto prætexens ora stabello,  
Ventilat arsuras ima per ossa faces.

Vidi ego, qui dans plectra, necis det sceptrâ sagittas.

Vidi ego, qui miscens vina, venena dedit.

Vidi ego, qui speculi clypeū dans, expedit ensem.

Sic cum blandus amat, perfidus odit Amor.

Vidi ego qui torques dās, spargat vincula plantis,  
Quæ textit tacitis noxia longa moris.

Est, roseas viridi qui misceat angue corollas :

Est, qui purpureis senta det arma rosas.

Sic dolus armatis intexit retibus enses :

Armat enim sæuis blanda pericla minis.

O miseros ! quos dulce nefas, Cypris ambit, & error,

Quosque capit blandis ille vel illa malis.

Magdalin in primis; quæ dum colit orgia mundi,

Oppetit igniuomis præda relicta feris.

Sic mala dum sequitur fallacis præmia mundi,

Funeream in taxum Cypria myrtus abit.

Et quisquam vsque adeo demens, qui gaudia vitæ

Carpat, vt hinc mortis spicula dira legat?

Dona,

Dona, vel infidis lege mista pericula donis;  
Hinc luctum, inde leges gaudia, vtrunque  
neccem.

## E L E G I A I I.

*Cupidines in myrteto Amorum MAGDALENÆ insidias struunt.*

**L**ux erat, argenteis cui flamma coruscat ab  
armis,

Quâ vibrat infestâ tela Cupido manu.

Hic vbi celsa leues posuere cubilia fratres,

Maternâ in siluâ queis torus arbor erit,

Myrtus amœna viret, Solymæ laus inclyta siluæ:

Hospita silua lupis, myrtus amœna viret.

Hic omni folio, folijque sub omnibus umbris,

Ludit in arboreis turba petulca comis:

Et tremulâ pennâ leue palpitât agmen Amo-  
rum,

Quos parit è conchâ Cypride spuma sali.

Hic fundit socio mistas cum baccare baccas,

Idalioque pluit munera lecta solo.

Pars violis sua tela, crocoque, rosisque coronat

Pars fera miscet apum spicula tincta fauo.

Pars laqueos tenui textos de vellere spargit:

Aurea mala cauo grandinat ille sinu.

Pars memori sculpsit victurum in cortice nomen,

Sera diu vt viridem Magdalin hora legat.

Forſan & ora proci iungit, sponsive figuram.

Alter vt alterius ducat ab igne facem.

Est & Acidalio qui tela minatus ab arcu,

Sæua sagittiferas vertat in arma manus.

A 5

Hic

Hic pluit Eois intexta monilia gemmis,  
 Ast alibi mortis tela Cupido ferit.  
 Forsitan his vrit iam Magdalin ille sagittis,  
 Forsitan auratâ compede dulcè rapit:  
 Ignaramque doli cæcis, heu! occupat armis  
 Sons Amor, & fonti natus Amore furor.  
 Et certè myrti passim insidiantè sub vmbra,  
 Ceu scopus his iaculis obuius, illa sedet.  
 Cyprisenim diro iucunda pericula ludo  
 Ludere docta, nocens vulnera mille ferit:  
 Igneaque vrendis defigit tela medullis,  
 Sed quibus vda mero cuspis, & vncta fauo est.  
 Seu potius dulci mors armat acerba veneno,  
 Vnde rapit præceps error, & ardor edit.  
 Sic propior propiorque nigro desidit Auerno,  
 Cui flammat teneras Cypris arundo fibras.

## E L E G I A I I I.

*Amorum insidia.*

**P**ROPTER aquæ riuum myrti frondente  
 theatro,  
 Dum sedet arcani nescia Nympha doli,  
 Et speculi mimo meditatur in æquore vultum,  
 Arridet nitidâ fronte polita Charis.  
 Hæc inter tremulis chorusales oberrat in alis,  
 Alternâque redux fraude recurſat Amor:  
 Et micat articulis, trepidâque loquacia carpit  
 Fila manu, & surdas erudit arte lyras.  
 Tale Si non infidus Amor dat ab arbore signum,  
 Et piceâ è taxo flammat, agitque facem.  
 Quin etiam, æniâ mors ardua de cyparisso

Into-

Intonat horrificas ad sua tela faces,  
 Septenas ramosa vias vbi compita scindunt,  
 Hac & septenas mors iubet ire feras.  
 Effera turba truci circum bacchata tumultu,  
 Heu! malè securum cingit vbiq;e latus.  
 Hinc sæui ira lupi, premit inde draconis hiatus,  
 Hinc pardi rabies, tigridis inde furor:  
 Omnigenùmq; vlulât circum horrida sæcla ferarû,  
 Quas parit è Stygio Cypris oborta lacu,  
 Cocytusq;e nigrans pascit liuente veneno,  
 Aut picco nutrit torua Megæra sinu.  
 Quidquid & incesto sibi mundus adulter ab Orco  
 Parturit, exacuit dente vel vngue minas.  
 Hîc scelus omne, timorq;e, dolorq;e, necisq;e, libido,  
 Et furor, & cæco nata furore lues.  
 Quin etiam locus insidiis cæcisq;e periclis  
 Opportunus: obit fraus malè fida nemus.  
 Ecce, leui spargunt nebulâ caua retia myrtum,  
 Quæ textit tereti Cypria lena comâ.  
 Quot tennes animas filo capit aucupe nubes  
 Textilis, & cæcis implicat illa dolis!  
 Nec satis hoc: laqueos pedibus subtexit avaros:  
 Rete caput, fallunt vincla dolosa pedes.  
 Quis locus effugio est, Cælum si militat Orco,  
 Et parat æriis Styx fera bella plagis?

## E L E G I A I V.

*Proserpina Timoris diuini, arcen-  
 tis Cupidinem.*

**M**ILLE per ambages quacumq; volubilis error  
 Me rapit incertum, deuia regna sequor.

Sed quisnam strepit hinc, strepit inde susurrus ad  
aures?

An nemos Aeolidum ludicra bella sonat?

An crepirat saliens altis de rupibus amnis,

Argutove canit plumea turba choro?

Vox hominē sonat ista, meas quæ ludit ad aures.

Fallimur? humanis vox sonat ista modis;

Alternumque ferit concordi murmure murmur:

Quæ licet, arcanos insinuabo pedes.

Quis scit an hîc fors præda meis sit idonea votis,

Et fera, quam miti mulceat ore Deus?

Iamq; ibam penetrare gradum: ter reppulit hostis

Nescio quis; dextrâ tela facesque gerit.

Scilicet ille suis me finibus improbus arcet:

Cypridis hîc, dixit, myrtea regna virent:

Hîc & Cyprigenûm sua regia frondet Amorum,

Scenaque festiuis plaudit amœna iocis.

Quin etiam hoc luco pulchris stat arena duellis,

Qualia lascivius prælia miscet Amor.

Flammarum est, quodcumque vides, belli que  
supellex,

Vnde suas domitant Cypria castra feras.

His ego de myrtis, simul his ego de cyparissis

Mille lego tædas, spicula mille lego.

Vnde Cupidincis accendo pectora flammis;

Mollia dum molli vulnera figo manu.

Dixit, & intentat armata pericula ferro,

Ac mea fumantes flammat ob ora faces.

Melicer umbroso ferus arceat hostis asylo,

Intrepido rumpam frondea septa pede.

Quod non currit iter sanctus timor ille, timoris

Nescius, inuiso spes cui nixa Deo est?

Ex



Ex aliis alias victor transcurrit in oras.  
 Non timet vlla sacer fata vel arma timor.  
 Ni prece vel pretio perrumpat ahenæ victor  
 Pectora, fulmineis subruet illa minis:  
 Atque adeo hunc viridi depellet ab arce tyrannus,  
 Qui flammæ iaculis myrtea regna suis.

## ELEGIA V.

*Timor diuinus MAGDALENAM  
 mortis admonet.*

**M**AGDALIS ad myrtum (Veneri gratissima myrtus)  
 Sedit, & ab vitreo parturit orbe decus.  
 Assurgit turritus apex, fastumque superbâ  
 Fronte struit, stringit lactea bacca comas.  
 Osque atro stibio, sputoque venenat & ostro;  
 Mentitusque genas fucus adulter obit.  
 Sæpè genas Dryades, vultus hos sæpè Napæ  
 Miratæ; hinc celeres sustinuère choros.  
 Formosæ Dryades, formosâ fronte Napæ:  
 Sed pretium formæ Magdala sola tenet.  
 Hæc inter fuscâ quis nescio canus in umbrâ  
 Astitit: an fallor? mortis imago fuit:  
 Seu potius leti timor; ales arundo sinistra  
 Cui tremit, & dextrâ clesydra fracta sedet.  
 Ille manu mulcens humeros comētis, & umbrâs  
 Ora, leui dixit murmure: Come caput;  
 Magdala come caput, variisque refinge figuris.  
 Vnica te mortis pallida larua manet.  
 Pinget caput violis, variisque repinget lapillis;  
 Nil faciet cineri picta corolla tuo.

O quantum est auri, pereat : ne splendeat auro  
 Ifacis, Ifacios fallere nata procos.

Quid iuuat aurato formæ decus addere mundo?  
 Ut decor abstiterit, ruga recurret anus.

Omnia mutantur, formæ & mutantur honores:  
 Quod modò flos, floris mox cinis ater erit.

Quid fidum infidâ voueat flos vernus in aurâ,  
 Cui tremitt è tremulo pendula vita pilo?

Nunc vbinâ Rachel, Rachelisque aureus heres?  
 Nunc vbinam Saræ iuncta Rebecca suæ?

Nunc vbinam Iudith, & gloria Perfidos aula?  
 Aut vbi nunc æui gratia prima tui?

Arbor ut ista comans virides iam ponit honores:  
 Sic abit & formæ gratia fluxa tuæ.

Non est de nihilo (vah quàm sapit inscius error!)  
 Crystallo è fragili picta quòd ora legas.

Cerne, tuæ speculum stat imago parissima vitæ:  
 Tunde manu; vitrei dissilit orbis honos.

Te simul attigerit nigra falx necis, aura, vel ignis;  
 Illicet icta cauâ vita recumbit humo.

Sis memor; est aliud mens quod præfaga futuri  
 Augurat, & fati conscia cura legit.

Tempus erit, cùm de lacrymis tibi fusile duces  
 Crystallum, ac calidis te dolor vret aquis.

Teque nouo speculo contemplans pallida, dices:  
 Vah ego quàm soli discolor vmbræ meo!

Et quàm non hæc forma meo respondet I E S V?  
 Pulcher honor I E S V S: Magdala tota probrū.

O quoties torto cirratos angue capillos,  
 Monstraque, & horrificis ora perusta notis,

Arguet hic vitreus Momus sub sole magistro,  
 Et dicet: Tepidis dilue spectra genia.

Dilue;

Dilue, monstificaſque feras erade ſeuerum  
 Ad ſpeculum: caſtis flumina funde genis,  
 Scilicet eſt aliquid puro ſibi quærere ſletu  
 Balnea, dum Stygio vita ſtat hauſta luto.  
 Forſitan extinguet calidis mors Magdalin vndis;  
 Sed fœdam, vt niueis viua reſurgat aquis.  
 Tunc demum poteris puris innectere labris  
 Oſcula, vt innectas vincula caſta Deo.  
 Sicalium ex alio mens induet altera vultum;  
 Et tibi te reddet, qui benè perdit, Amor.  
 Hæc inter docili cryſtallo conſule vultum,  
 Et dic: Par fragili forma ſtat iſta vitro.  
 Nil mihi cum ſpeculo, ſpeculiſque fugace figurâ:  
 Mox ſpeculum è lacrymis ſtabo perenne meis.

## E L E G I A V I.

*Timor diuinus MAGDALENAM periculis ſeptam eripi rogat.*

**M**AGDALA myrtigenâ vultum dum fingit  
 in vmbra,  
 Prætexit ſpeculo retia cæcus Amor.  
 En tacitæ ſerpunt captiuo in corde catenæ,  
 Quas ſerit infidâ Cypris amica manu,  
 Nectitur, & nescit, ſidens in compede leti  
 Magdalis, anguineis pectora capta dolis.  
 Nunc erat infeſtis ferus hoſtis vt occupet armis  
 Magdalin, aut blandis induat ille plagis.  
 Iamq; hiat in morſum rabido tigris aſpera riſtu,  
 Et falcem allidit mors violenta ſuam:  
 Ac vaſtam labes dirumpit hiulca Charybdim:  
 Oſcitat ad Stygias ianua panda domos:

Le:

Letæusque latex imo prorumpit Auerno,  
 Quem nigra Cerbereis spumæ venenat aquis:  
 Quæque ruit ripâ Phlegethontide liuidus amnis,  
 Alluit, & lambit flamma proterua pedes:  
 Sollicitumque latus tacito fax ambedit igni:  
 Illa tamen mediis hæret inusta rogis.  
 Vincula manu, fert vincula comis, fert vincula collo  
 Magdala, & ipsa merum iam sibi rete iacer:  
 Prædaque ieiunis occurrit idonea monstis,  
 Irritatque truces in sua damna feras.  
 Ah! perit ah! sæuis obnoxia Nympha periclis,  
 Mille petita dolis, mille voranda lupis.  
 Ergon' in horrendos nunc Magdalis ibit hiatus.  
 Monstri paræ lernæ, flammæ uolæque specus?  
 Tun' finis hæc, ô vna Salus, Mensque arbitra rerû,  
 Aurea qui torques astra potente manu?  
 Ergo triumphato spoliū tam nobile Cælo,  
 Detrahēt in Stygias victor Auernus aquas?

## ELEGIA VII.

MAGDALENA *fulmine tacta ad Siloën  
 sacrum fontem confugit.*

**H**AS ubi sollicito Timor occinit ore querelas,  
 Et supplex audas voluit ad astra precēs:  
 Illicet ab læuâ dextrum Deus annuit omen;  
 Intonat ardentes ad sua bella minas.  
 Densa coit nubes, crebris micat ignibus æther,  
 Horrificumque Polus mugit in excidium.  
 Sylua tremit, tremit æthra, solum tremit, adtre-  
 mit Orcus,  
 Cypris, & in trepidâ Cypride Diua tremit.  
 Ecce

Ecce repens rapidis fragor ignibus increpat orbē;  
Icta flagrat myrtus, flagrat & ista Venus.  
Flagrat Acidalius grex omnis, & aliger hostis,  
Monstriferæ lernæ, lerniferæque feræ.  
Deflagrat & mundus, mundiq; superba supellex;  
Magdaleumq; cremat flamma corusca caput.  
Nabla, lyræ, miniû, speculum cû pectine, torquis,  
Omnia nunc vnus cassus honore cinis.  
Quin etiam & mediis collucet Magdala flammis,  
Sollicitatque procax ignis inerme latus.  
Bis voluit sæuas depellere pectore flammæ:  
Bis voluit frustra pellerè vana faces.  
Quid faciat? passis vt erat non comta capillis,  
Ardenti speculo Magdalis vsta fugit:  
Quaque pedes Solymos rapit error & horror in  
agros,  
Effugit arsurum fulmine tacta nemus:  
Donec anghela sacras Siloës deuenit ad vndas,  
Quas toties puro contigit ore Deus.  
Hic teneras elumbe latus submittit in herbas;  
Hic gemit, & gelido temperat amne faces.  
O quoties agros attollit ad æthera vultus,  
Et cum voce pias tollit ad astra manus!  
O quoties imis reuocat sua lumina terris,  
Rursus & in tepidis ora supinat aquis!  
O quoties auidas ardenti pectore flammæ  
Discutit, & gelidâ mersat inerme caput!  
Vritur, & nescit vario in discrimine leti,  
Quæ via prima spei, quæve secunda patet.  
An fugiat, sedeâtve, pari mens fluctuat æstu;  
Hinc timor ire, iubet stare salutis Amor.

## ELEGIA VIII.

*Tres Calites Nympha MAGDALE-  
NAM exanimem recreant.*

**S**ic vbi funestâ mœret sub nube doloris  
Magdalis, & pectus turbida cura grauat;  
Vndantescq; vomunt immensa volumina fumos,  
Myrtea vbi dio silua sub igne cadit:  
Inuoluit nox alta caput, seu noctis imago,  
Et medium abruptunt nubila cæca diem.  
Ecce autem Cælo labi lux visa sereno:  
Diffundit piceos flamma corusca globos.  
Spesq; , Fidesq; , Charisq; pari iubar afflat  
ab astro,  
Irradiatq; nouum Diua ter vna diem.  
Cuiq; caput tremulo sua stella coronat in auro,  
Municâq; manu dos sua cuique micat.  
Hæc inter Solymis palatur Magdala campis,  
Pulueremq; leui turbine verrit iter.  
Sic vaga palantem per plana, per ardua rerum,  
Occupat Isacio triga beata solo  
Obuia, & effræni quâ proripit impete cursum,  
Sustinet. illa stetit conscia, & erubuit.  
Cui tribus è Nymphis, vox nuntia læta salutis,  
Spes interpret, ait: Quò rapis ægra fugam?  
Cura sit, ô! teneros via ne tibi deterat artus,  
Aspera tot saxi, totq; vlulata feris:  
Né te tuum nudâ detergas fronte pudorem,  
Cui sua stat sparsis frons inhonora comis.  
Siste precor: reducis spem collige & omina vitæ:  
Auspicio C H R I S T I stat tibi fida salus.

Vt

Vt quid adhuc tot anhela trahis suspiria, ques-  
tusque,  
Et fibra sollicito palpitât ista metu?  
Si qua pericla tremis, vel ouantia nubila flammis  
Fulmineis; hosti sint precor illa tuo.  
Spes æui secura sui, spes tuta pericli,  
Versat inoffensas in noua sæcla rotas:  
Vnde nouum dextris voluatur in orbibus æuum,  
Quale trahunt superis aurea regna plagis.  
Interea ambusto fumantes pectore flammâs,  
Qui medico succo leniat, auctor erit.

## E L E G I A I X.

*Terna Diuæ MAGDALENAM sa-  
cro munere donant.*

**S**A V C I A vbi blandis demulsit pectora dictis  
Spes, quam Cælituum prouida cura parit;  
Restitit, inque gradu stetit obuia Magdala Diuis,  
Attollens Cælo triste supercilium.  
Ilicet intonuit læuûm Deus, alba sereni  
Lux micat, & cingit pura columba caput.  
Insper & cyano stola cui nitet æmula Cælo,  
Et Dux prima viæ de tribus vna soror,  
Munus habe, dixit; en annulus obses Amoris,  
Qui propriam clausus signet in orbe fidem.  
Dos ea non simplex. Sequitur soror alma sororẽ,  
Cui semper viridi frondet oliua manu:  
En, tibi pignus, ait, termes medicantis oliuæ:  
Ille vouet lætâ fronde doloris opem.  
Tertia quid spondet, gemmis auroque coruscans?  
Dat tibi diues, ait, grande monile Charis.

Quæ

Quæ decus ut dotale sui transcripsit honoris,  
 Permulcens tenerâ vulnera dura manu;  
 Terna soror Solymis procul auolat, auolat oris,  
 Et Superûm pennâ remige carpit iter.  
 Ut lux hæc oculis euanuit admirantis;  
 Magdala suspirans hæsit, & obstupuit:  
 Attonitisque oculis latè æthera circumspexit,  
 Et tandem molli gramine decubuit.  
 Hic tremit, hic suspirat, hiatque in vota, querelasque;  
 Inque ærumnosas labitur, heu! lacrymas.  
 Multa gemit, & multa suo cum corde volutat,  
 Versat & alternâ dona ter vna manu:  
 Illacrymatque super, vultumque; supinat Olympo,  
 Rursus & immergit ora supina solo:  
 Desurgitque toro, & reuoluta recumbit in herbas;  
 Denuò surgit humo, denuò prona cadit.  
 Quid faciat, nescit, tor fluctuat ebria curis:  
 Cunctaque cum faciat, nil tamen ipsa facit.

## E L E G I A X.

*Fides MAGDALENAM hortatur ad Spem.*

TRISTE virens Solymas cyparissus inum-  
 brat arenas,  
 Incestatque nigrum silua maligna nemus. (brâ,  
 Hic gemit, exspiratque; graui rea Nympha sub um-  
 Et laxat querulis anxia frena modis:  
 Fixa caput trûco; Scythicâ ceu rupe Prometheus,  
 Cui rodit lacerum præpes adunca iecur.  
 Ambustumque latus, teloque tricuspide fumans,  
 Versat in herboso cespite semianimis.

Quam



Quā propē flāma repens imo proserpit Auerno  
Ebullitque nigro feruidus amne latex!  
Sollicitumque latus sēuos admordet ad ignes  
Flamma prēcax: dirus serpit in ossa latex.  
Oppetit, & sicco luctantur verba palato,  
Imbricitorque trahit nubila mœsta dolor.  
Astrigero ab folio Deus aspicit expirantem,  
Et leuat arato libera colla iugo.  
Ecce, repens Cælo fundi lux visa sereno:  
Discutit auratum noctis opaca iubar.  
Tum demum in niueâ stetit obuia Diua coronâ;  
Cui nitidis oculis Ir̃is amœna nitet:  
Aurea cæruleo cui vibrat inauris elencho,  
Sapphirusque sacris stellat in articulis:  
Et stola sidereis perlucet amœna pyropis,  
Ac radiat canis flaua corona comis.  
Eloquio os dulci, dulci sua lumina risu  
Temperat, & blandis annuit alma genis:  
Hæc quā progreditur, Superūm stipata cateruâ;  
Et comes ambrosio de pede fragrat odor.  
Mensilli non dura, sed exorabile numen,  
Et facili crudos aure bibit gemitus.  
Læta spei placido si quem delibat ocello;  
Mox leuat horrifico libera corda meru.  
Aspice; Magdaleas simul attigit illa catenas,  
Vincula ferratâ dissilière manu.  
Noxa vetus cadit, ira cadit, cadit ansa doloris,  
Vt posuit sēuas Vindicis ira minas.  
Quæ ferrum vt rupit anguinis textile nodis;  
Cælitum suadet aurea sceptrâ sequi.  
Eia, quid incestâ moribunda recumbis in vmbra?  
Et violas viuo funere triste solum?

Me

Me duce sidereas noua subuehe vota per arces;  
 Hâc via, securum curre salutis iter.  
 Magna via it Cælo; magnis huc passibus itur;  
 Et tua spes modico repit ad alta gradu?  
 Aut potius dirâ te compede derinet Orcus;  
 Vel timor ingenti pectora mole grauat?  
 O vtinâ scelus hinc, hinc nobile pondus Amorē,  
 Libra biceps iustis temperet æqua modis!  
 Sit licet immensum scelus, & cor deprimat Orco;  
 Vincet adhuc maior gratia grande nefas:  
 Si modò concordi tibi fœdere iungat I e s v m  
 Vna Fides, vnum pectus, & vnus Amor.  
 Iunge manū: tibi dedo fidem, tibi sancio Numen:  
 I, tenui radio quâ trahit, astra sequi.  
 Antè tamen puro tua crimina dilue fletu,  
 Quæ tibi mors piceis illinit atra notis.  
 Vt Siloë Solymos illimis oberrat in agros,  
 Feruida quæ egelido temperat arua vado;  
 Cur & non oculus fontis fluit instar in artus,  
 Semusum quæ tepens frigerat vnda latus?  
 Dixit, & vt digitum Siloës intendit ad amnem,  
 Magdaleum ambrosio spargit odore caput:  
 Libauit quæ sacrâ virgâ, spem quæ omine firmans,  
 Sancit alternâ fœdera pacta manu.  
 Illicet ardentes gelidâ sibi temperat artus  
 Magdalis, vt fidâ combibit aure Fidem.  
 Iam quæ vigil vibrat illa, graui iam libera nexu,  
 Emicat in superas ardua Dina plagas:  
 Diffundit quæ pares gemino de lumine riuos;  
 Quæis salit irriguis bina scatebra genis.  
 It Siloës lymphis oculo non parciore amnis;  
 Magdalis vnde nefas delet, alit quæ decus.

Fortè

Fortè suburbanis si quis spatatus in hortis,  
Viderit has oculis ire viator aquas;  
Hic quæret : Gemino quâ manat in agmine  
fletus?  
An Siloë ad Siloen alter & alter eat?

## E L E G I A X I.

*Spes obuia MAGDALENAM solatur.*

**M**AGDALA fulmineis latus undique cincta  
sagittis,  
Ut satis incubuit cespitem gramineo:  
Ter conatur humo fessum sustollere corpus,  
Ter rursus viridi lapsa recumbit humo.  
Et tandem accumbit pacatæ acclivis oliuæ,  
Nescia quâ flectat languidulo latere.  
Nunc hac triste caput, nunc illac languida versat,  
Multa grani meditando pectore, multa gemens.  
Vidit (vtri palmæ tum fortè sedebat in umbrâ)  
Spes ægris animis non malè grata comes.  
Quæ simul ac mœsto tot legit in ore dolores,  
Impulit argutæ plectra diserta lyraë:  
Et sua vocali chely verba maritat & aures,  
Tinnula cui tremulum stamina crispant ebur.  
Quæque canit, resonis concors vox accinit antris,  
Argutantque pares æmula saxa sonos.  
Nymphæ quid infelix tantis ah vrere curis  
Saucia? Spes leni murmure blanda canit.  
Diuidiæ, ærumnæque, catenati que dolores,  
Ac dolus, & mundi te labor asper habet?  
Ac fallit Cypriis te myrtus adultera tadis,  
Teque premunt diro feta pericla metu?

Fulmi-

Fulmineisq̃ue minax terror circumuolat alis,  
 Et laniant tenerum flammea tela sinum?  
 Mitte graues luctus, tot & excute Numinis iras:  
 Qui tibi vindicias afferat, auctor erit.  
 Ille tuos oculos oculo propiore serenans,  
 Dexteriore tuum iam pede radet iter.  
 Ille Ariadnæi ducet compendia fili,  
 Ille trahet sparsis stamina longa comis.  
 Quà trahet, i, sequitor duce crine per auaia mundi:  
 Te labyrinthis eruet illé dolis.  
 Et mundi leget exuias, Superûmque superbis  
 Postibus affiget, hoc duce, victor Amor.

## E L E G I A X I I.

*Amor diuinus se MAGDALE-  
 NAE insinuat.*

**M**AGDALIS VI dextrâ bibit aure tot omi-  
 na Diuûm,  
 Tandem ærumnosum sustulit alta caput:  
 Suspiransq̃ue residit, & omnia lustrat in orbem;  
 Defigitq̃ue oculos palmifero nemore.  
 Vda suauè liquens pertentant gaudia pectus,  
 Exsultimq̃ue fibræ corde micante vibrant.  
 Ast iterûm dextram quid nescio tinnit ad aurem,  
 En blandus tacitâ voce susurrat Amor:  
 Mitte metus, curasq̃ue graues, & Vindicis iras;  
 Irrita qui Diuûm fulmina vincat, erit.  
 Ille nouam fundet medicata per oscula vitam,  
 Quem claudis gremio Magdala pænè tuo.  
 Ille potens franget, pacalîcinctus oliuâ,  
 Vltiores gladios, fulmineasq̃ue faces.

Ille,

Ille, subæratas quas cudit noxa catenas,  
 Rumpet, vt aurato torque monile geras:  
 Et quoscumque dolos, seu tela minatur Auernus,  
 Ille potens dextrâ bellipotente premet.  
 Dixit, & æratis stridentia pectora vinculis  
 Attigit: attactu vincula visa rapi.  
 Vincula leuat certè læti Spes conscia fati,  
 Vincula catenatâ decutienda manu.  
 Iamque graui è nodo gelidas respirat in auras,  
 Libera, & exsertat Magdala læta pedes:  
 Erugatque graues tranquillâ fronte querelas,  
 Inscribens oculis gaudia pura suis.  
 Ante alios vnum suspirat & ardet I E S V M:  
 Et tamen hunc nescit, quem suus ambit amor.

## E L E G I A X I I I.

*Timor diuinus M A G D A L E N A M  
 venatur.*

**F**ORT E suburbano Solymæ spatiabar in agro,  
 Lustrabamque vago ruris amœna pedes:  
 Errabunda trahens variis vestigia campis,  
 Dum sequor errantes picta per arua vias,  
 Limus in obliquos trames me seuocat agros:  
 Quò vocat, inflecto deuius erro gradum.  
 Hic Dryadum frondosa domus viret ardua Cælo,  
 Plurimaque vmbrosam myrtus opacat humû.  
 Hic cedrus alta cedris, ornoque admurmurat  
 ornus,  
 Et miscent sociis brachia vincta comis.  
 Succedo, tacitoque incertus oberro vireto,  
 Quà trahit ignaros semita curua pedes.

Hei mihi! quò rapior? quò nescius auocat error?

Curro, recurro, redux me labyrinthus habet.

Sic certè est, clamat quis nescio, credo viator:

Fraus labyrintheo calle retexit iter.

Scilicet hìc mundus, mundi què fugacis imago;

Qui fugit, & vario ludit in orbe fugam:

Anguineoque rotat malesuada volumina gyro,

Illequeans cæcis credula corda dolis.

Sic licet insidias via deuia texat in vmbriis,

Frondea non trepido regna subibo pedè,

Irrumpam què nigros audaci indagine saltus:

Cuncta facer vincit damna timenda timor.

Huc ades ô diu fida meis fiducia cœptis;

Te duce, fallaces victor inibo vias.

En vigil exploro tacitis venator in vmbriis,

Si qua venit votis obuia præda meis.

Ite sacrimæ vota canes, & amica timori

Turba, sagace vagas quærite mente feras.

Ite piæ curæ, probri pudor, horror Auerni,

Angor alens diras in rea corda faces.

Et tu Terror agens irato Numine fulmen,

Illustra radiis frondea regna tuis:

Et comes i mortis metus, omnibus ocyor auris,

Omnibus ille meus vertagus ito locis.

Ito, sub his taxis, & funereis cyparissis,

Quæ redeccrantes in sua damna feras:

Præcipuè eximiam siluâ Bethanide Nympham,

Torua sub humano cui fera corde sedet.

Cui grauè spirat adulter odor malè olentis

amomi,

Quem sibi mox nardo virgine verter Amor.

Quamuis, ô! si vera fides, & in omine pondus,

Omi-

Omine quod signant sidera pacta fidem.  
 Pardalis hæc modò bruta, feros quæ spirat a-  
 mores,  
 Nil nisi crimen olens, sponsa Tonantis erit.

## E L E G I A X I V.

*Timor diuinus MAGDALENAM  
 capit.*

**I**LLE Stygis domitor, debellatorque ferarum,  
 Sanctus, ab astringerâ qui tonat arce, Timor;  
 Magdaleo pede pressa legens vestigia, tandem  
 Restitit, & Solymos lustrat anhelus agros:  
 Deprenditq; feram (fera Magdalis apta Tonanti)  
 Dum Siloës gelidis aggemit illa vadis;  
 Permistosque suis lacrymis bibit ægra liquores,  
 Iam satis ut Solymis fessa cucurrit agris.  
 Illicet arma Timor, casti venator Amoris,  
 Expedit arma necis nescia, & vncta fauo;  
 Vocalique sonans implet caua cornua vento,  
 Illicò sîma phalanx prona per arua ruit.  
 Vnâ angor, terrorq;, dolorque, pudorq;, timorq;  
 Mortis, & ab Stygiis anxius horror aquis,  
 Præcipitè glomerant volucris sub puluere cursum:  
 Quadrupedante sonat agmine putre solum.  
 Alter in alterius miscet vestigia curas;  
 Concurrentq; pares, hinc pudor, inde dolor.  
 Obsidet insidiis iter omne, plagisque coronat  
 Cura memor vitæ, vincere nata necem.  
 Pars ad septa dolos struit, insidiâsve sub vinbra,  
 Pars ad fila sedet, pars vaga rura terit.  
 Grandè sonans terror, fremebūdâ voce molossus,

Horrificas aspro voluit ab ore minas.  
Hinc graue latrat Hylax, illinc adlatrat Hylactor:

Hinc pudor, inde premit turbida cura, dolor.  
Elatratque pares mortis metus anxifer iras:  
Præcipue in prædam conscius angor hiat.  
Cor petit is, vetito sed iussus parcere morsu:  
Victor enim victum cor sibi seruat Amor.  
Purpureâ hæc inter formidine Magdalin ambit,  
Acroseis pennis angit inerme latus.  
Sic captiua suis irretit pectora votis;  
Illaqueant cæcos lina dolosa pedes.  
Forfan & hamatis sese fera saucia spinis  
Induit, vnde nouus serpat in ossa dolor.  
Et certè Solymis rubus asper inhorret arenis,  
Magdaleumque secant spinea tela pedem.  
Innumeros gemit ægra dolos, gemit ægra dolores  
Magdala, queis vrit noxia corda timor.  
Sed dolus hic dolus absque dolo, & dolor absque dolore:

Si fugias, mors est; sin capiare, salus.

## E L E G I A X. V.

*Amor diuinus telo igneo sauciat*

MAGDALENAM.

**D**ivs Amor Solymis dū fortè vagatur arenis,  
Venaturque nouam prouidus erro facem,  
Auribus accepit, celsâ stans rupe, querelas,  
Quas Siloë ad fontem Magdalis ægra sonat.  
Ilicet huc rapidis pueraduolat igneus alis,  
Quaque volat, rutilo spargit ab ore iubar:

Menti-



Mentiturque diem puro æmulus ignis Eoo,  
 Nubilaque vmbroso discutit atra solo.  
 Vt propius stetit, aspexit (lacrymabile dictu)  
 Magdalin in lacrymis, Magdalin in gemitu,  
 Dura catenatis cui liuent vincla lacertis,  
 Septenaque grauat compede noxa pedes,  
 Et latus horrifonâ cui cingit inerme coronâ,  
 Mille trahens curas ad sua tela timor;  
 Ille timor sæuasqui Numinis asperat iras,  
 Fulmine iam fracto pacis vt Iris eat.  
 Aerumnas variosque alto sub pectore fluctus,  
 Inclusosque metus vidit, & ingemuit.  
 Ecquid agat? quod semper agit Amor, auctor  
 Amoris  
 Nunc agit; & Nymphâ quâ prius odit, amat.  
 Plus nusquam quod lædat, habet, quàm pectus  
 amantis;  
 Magdaleum in primis, cor cui molle fluit.  
 Ter pharetram lustrat, ter spicula lustrat, & arcû;  
 Enumeratque suas aureus hostis opes:  
 Eximiamque manu legit armipotente sagittam,  
 Cui proba dos auro nobiliore micat.  
 Vnde sibi felix aureum promittit Amorem,  
 Qui nitet auratâ cuspide victor Amor.  
 Irrorat iaculo lacrymas, irrorat oliuum,  
 Quale suis stillat nardus odora comis.  
 Quin etiam binos radios aspirat, & ignes,  
 Quos Amor ex oculis ducit vtrimque suis.  
 Insuper inscribit: Hoc Magdali vulnus I E S V S  
 Mittit amans, & amans vulneris addit opem.  
 Et tandem volucris calamo & face Magdalin icit:  
 Icit, at ignaram: Magdalis icta flagrat.

Magdalisi cœta flagrat, & quas alit inscia tædas  
Nescit, vt ignorâ saucia dama manu.

Pascit in expleto viuaces pectore flammæ,  
Nec reperit flammæ semina prima suæ.

Et mage quod miratur, amat quæ nescit amante:  
Sic illam dubiis ignibus vrit Amor.

Se quæ trahi sentit, sequiturq; ignara trahentem,  
Quâ rapit inuitos orbita cæca pedes.

Errat, & erroris causas sibi fingit inanes;  
Omniaque vt didicit, omnia nescit amans.

Se varias trahit in partes, variâsq; figuras,  
Quas vaga meatito nomine cura parit.

Quærit amans, vacuasq; gemens interrogat auras  
Magdalis, incerto vulnere visâ rapi.

An furor est? nû febris Amor? vel mortis imago,  
Viua quidem, at lentam pascere nata necem?

An sacra fax Diuûm, vel inuitabile telum?  
Vitalisq; dolor, dequæ dolore salus?

An noua dos Superû, vel lux sacra Numinis astro?  
Siue rogus, fontes quo Deus vrit amans?

Nescio. quidquid id est, arcanos vror ad ictus:  
Vror, & exustis ossibus ignis abest.

Quod genus hoc flammæ est? Aetnaos excitat  
æstus;

Et procul absenti me face tæda coquit.

Dixit, & huc illuc oculos in morte natantes  
Flectit, & obliquo lumine figit humum.

Fors aliquis dicet Solymâ de rupe viator,  
Humida si mœstis viderit ora genis:

O miseram tristi pallentem in gramine Nym-  
pham,

Cui flammant teneras ignea tela fibras!

Sospes

Sospes ab aduerso sed Spes sonat obuia saxo,  
 Et lato auspicio triste rexit opus:  
 O nimium felix, sua si bona Magdala norit!  
 Quo modò visa mori est vulnere, vita redit.

## E L E G I A X V I.

MAGDALENA *miratur ignotam  
 Amoris flammam.*

MAGDALEVM pectus dominâ face flam-  
 mat I E S V S,

Et rapido radio nubila densa secat.

Magdalis icta flagrat, ignotæ nescia flammæ:

Pascit inexpertas in noua vota faces.

Itque, reditque, vagisque deerrat & ardet arenis,

Nescia stare loco, nescia stare gradu.

Cernua nunc terrâ, nunc ardua spectat Olympû,

Et volitante oculo Solis oberrat iter.

Quærit, ubi gemini volitat per inania mundi,

An tenet affectus terra vel æthra suos?

Vritur, & nescit, se qui sic vrit, I E S V M;

Et gemit illacrymans, quæque vagatur, ait:

Nescio quid sit Amor, furit, vritur, æstuat, vrit:

Sistit, agit, reuocat; nescio quid sit Amor.

Ambigo nû sit Amor volucris, fax, sidus, an ignis,

An fuga par ventis: errat, & error abest.

Sic tamen ignaram pulchros rapit ardor in ausu:

Quà rapit ille, sequar; rapta, bis apta rapi.

Vsq; adeò propriû nihil est, ubi sceptrâ gubernat

Rex Amor: ille meas occupat vnus opes;

Et mea corda regit, diu non sua regna: sequemur,

Quà vocat affectus ad sua frena meos.

Iam scio quid sit Amor; nolensque, volensque,  
trahentem.

Quem sequor, & fugio : est blanda tyrannis  
Amor.

## ELEGIA XVII.

*Pœnitentia MAGDALENAM hor-  
tatur DEVM adire.*

**M**AGDALA surge, tuo simul obuia tende  
parenti.

Per sua nosco Deum lumina: Christus adest.

Fulmina num palles? toruo blandeque seucro

Ignem micant oculi; spemque metumque seca.

Cæca quidē surdis scelus opprobrat ira querelis;

Sic tamen ut dextrum spondeat omen Amor.

Id sensit Paphio quondam malè saucius arcu

Iesseides mœchus, Iesseidæque nepos:

Idque Semiramij sensit Rex carceris heres;

Sensit & id læso Numine quisquis amat.

Cernis, uti placidis radiis argutat Iesus,

Transpiratque suas in tua corda faces.

Grata Deo, puris ardebis victima flammis,

Quæ vixti anguiferis fœda Medusa comis:

Si modò de tristi sale des libamen Amoris,

Deque tuis lacrymis ceu mola salsa fluat.

Promptius an quidquā fletu, liquidâve scatebrâ?

Et tamen immensum parturit illa decus.

Scilicet inuitat pietas lacrymosa Tonantem:

Quaque it fletus, Amor mox iubet ire Deum.

## ELEGIA XVIII.

*Binium* MAGDALENAE.

**P**RÔ quàm tetra tuos turpant contagia vultus ?  
 Et quàm monstrificis larua stat atra genis !  
 Ite genis lacrymæ. cessas ? rea Magdala cessas ?  
 Quod petitur, gutta est. guttula nulla venit ?  
 Si fluit hæc, modico scelus omne piabit in imbri ;  
 Ni fluat, in pectus confluet omne nefas.  
 Cerne, biceps bifido secat hîc iter orbita ramo :  
 Hac pietas, illac impius error abit.  
 Hinc scelus in sicco te calle reuoluet Auernos ;  
 Inde dolor madidâ ducet ad astra viâ.  
 Elige : dexter Amor Superis iter explicat oris ;  
 Ad Styga sed præceps læuus aberrat Amor.  
 Ille viam lustrat tranquillo candidus astros ;  
 Hic pronum piceo turbine cæcat iter.  
 Cura redux gemino tibi cor an diuidit æstros ;  
 Incertisquæ vetat stare vel ire modis ?  
 Pallentesquæ vetus mundi trahit orbita curas ?  
 At noua lux alio tramite pandit iter.  
 Si cor in gemini diuortia scindis Amoris ;  
 Quem sequeris ? curas alter, & alter habet.  
 Num via sidereo te subuehit ardua mundo ?  
 An rapit ad Stygios te viâ prona lacus ?  
 Haud adeò, pia Nympha, tibi est auersa Deco-  
 mens,  
 Sponte sequi vt læuo tartara calle velis.  
 Digna magis Cælo, mage Cælite digna corô-  
 nâ es :  
 Dexteriore potes surgere ad astra viâ.

LIBER SECVNDVS.  
MAGDALENA  
P O E N I T E N S.

ELEGIA I.

*Detestatio vitæ antè actæ.*



NEMORA! ô valles! ô sidera,  
pontus, & aër!  
O cælum! ô tellus! ô necis atra  
domus!

Et quicumque meis vos testes antè  
piaculis,

Accipite, ah! nostri conscia signa probri.

E loquar? includit vincto dolor ore querelas.

Prô pudor! ah, quantû Magdalis ausa nefas!

Ah! vbi mens? animi me quò malus impulit error?

Quò rapit in præceps me malesuadus Amor?

Ergo tot incestis ego fax malè pronuba flammis?

Sic, sic, hunc violant impia monstra sinum?

Innumera quæ meo mundus de crimine crimen

Parturit, eque meâ dar' nece mille neces?

Quà me cumq; reis oculis hinc lustro, vultu hinc;

Omnia noxa, dolus, probra, libido, scelus.

Vix libo viridem primæuo in flore iuventam;

Et mihi iam visij noxa senescit anus.

O vbi

O vbi vos lacrymæ, suspiriaque interrupta,  
Cum gemitu, & muto conficius ore pudor?  
Quid vetat, his oculis purum fluat agmen aquarum,  
Vnde meum felix deleat vnda nefas?  
Si blandæ insidiæ, dulcisque tyrannis amorum,  
Fallaces lacrymæ tot peperere faces;  
Quid ni iam crudor militet ille dolori,  
Quosque parit, perdat lympha pudica rogos?  
Heu! quot ego infelix intexo his ossibus artus,  
Tot mihi turpis Amor vincla, vel arma ferit.  
Heu! quoties crispas se cirrus adulter in angues  
Vertit, & in laqueos abdidit insidias!  
Ah! oculus, iam non oculus, sed tæda furoris,  
Blanda quidem, at sæuam pascere nata facem!  
Et lacrymæ gratum de Cypridis igne venenum,  
Vincla quot in guttâ pellice corda trahunt!  
Quid loquar, ut pectus lævis scelus omne cernatis  
Induit? ô diris triste cubile feris!  
Lingua meo quoties rea subdidit ore flabellum,  
Vnde Cypris Stygio conflatur in igne faces!  
Et quoties alios, alios suspirat amores  
Cor, aliis, aliis discolor opprobriis!  
Ah! cor hoc scelerum nisi mundus, & alter Auernus,  
Qui capit angusto crimina cuncta globo;  
Et Cælum depolco meo venale dolori?  
Antè Polus Stygio misceat astra lacu.  
Sic tamen audaci mihi spes temeraria cæpto  
Ambit adhuc Diuum, non mea, regna sequi?  
Astra sequar; dolor illa mihi vouet augur Amoris:  
Qui rubet ore pudor, purpura digna Deo est.

## ELEGIA II.

MAGDALENÆ *cultus in neglecto cultu.*

INCLYTA spectabam summi conuiuia Regis,  
 Nescio quæ nostrum femina radit iter.  
 Aspexi propius, fallunt me lumina? fallunt?  
 Magdalis est, spurcis illa tot atra probris.  
 Non vîquam teretibaccata monilia collo,  
 Aut sapphiratis lucida spira comis.  
 Non Tyrio succo stat cultus amœnus & auro;  
 Vna sed hîc nudis purpura nata genis.  
 Nil opus hîc pictis dispuncta monilia gemmis,  
 Quæque tument Tyrio texta superba mari.  
 Quid nisi inops sanies conchæ Sidonidos ostrû?  
 Quid nisi formosus limpida gemma lapis?  
 Ipse sibi iâ torquis Amor, sibi & ipse smaragdus;  
 Ipse sibi speculum, mundus & ipse suus.  
 Non sic suaue-rubēs, violâque, crocoq; , vel auro  
 Pingit humum, aut cyanum marmor inaurat Eos:  
 Ac vultum niueo de rore venustat, & ostro,  
 Qui rubet ingenuo conscius ore pudor.  
 Ad tremulos Zephyri ludos crispante sub aurâ,  
 Vt tegit ac reteggit mobilis vmbra botrum:  
 Sic etiam alternâ ludens hinc inde figurâ,  
 Quæ pudor ora premit, nudat & ornat Amor.  
 Purus Amor, cui frons sine nube & diuite cultu,  
 E micat è roseis gemmea lympa genis.  
 Non tot Arabs, Sina, Persa, Cilix, Syrus, Italus,  
 Indus,

Gal.



Gallus, Iber, Iapo dinumerabit opes:  
 Quot tenui stillâ, gemmans vt fluxerit humor,  
 Diuitias cornu cœlite stipat Amor.  
 Quale decus pictis pellucens vnda lapillis,  
 Quale decus rubro candida bacca mari:  
 Quale decus glacies viuo flammata pyropo,  
 Quale decus nitido ridet imago vitro:  
 Quale decus radians adamas ardente coronâ,  
 Quale decus flauis lactea gemma comis:  
 Quale decus viridans flauête smaragdus in auro,  
 Quale decus pictis aurea stella vadis:  
 Tale decus lacrymę, quis pulcher inardet IESVS;  
 Hoc pudor, hoc pietas, hoc Charis imbre natat.  
 Scilicet ad Christi radios, nubemque doloris,  
 Pro micat è lacrymis discolor Iris Amor.

## E L E G I A I I I.

*Ægritudo MAGDALENÆ è Con-*  
*scientiæ terrore.*

**M**ILLE per infestos hydros, & mille per ignes  
 Deuia, quæ mortis triste cœurit iter;  
 Iam sibi præstituit Cæli ad sacra limina metam:  
 Hic sedet, hic longo fracta labore gemit.  
 Sudat, hiat, pallet, plorat, rubet, ardet, anhelat  
 Corde bibens flammæ, ore vomens gemitus,  
 Magdalis, & nescit, cur ardeat acrius omni  
 Illice, quam viuo sulphure busta cremant.  
 Pestis edax euincit opem; popularq; medullas,  
 Quæ flagrat arcana conscia noxa sinu.  
 Cui sæuas Metanœa faces accendit ab Orco,  
 Flammeaque ab Stygiâ mors pice busta struit.

Hac illac ceruix, nimiam sub mole doloris,  
 Et nimio capitis pondere lassâ labat.  
 Mordet humum nunc prona, polo nunc ora supinat,  
 Nunc fessum vario versat in orbe latus:  
 Nunc suspirat hians, singultusque ægra resorbet.  
 Cum gemitu, & mutas voluit in ore preces.  
 Iamque animam moriens tenues expirat in auras,  
 En labat ante Deum pectore semianimi.  
 Languida sic tristi conuiuent lilia somno,  
 Iussa mori in culmo lilia pallidulo.  
 Auspicio ni Christe tuo rediuiua resurgat,  
 Spes abit æternum non reditura mori.  
 Tange manu venam, venam sed tange sinistram,  
 Quæ de sollicito corde ter icta tremit.  
 Pulmonis bifido trepidum cor ecce flabello  
 Attremuit, ut dubio palpitat vnda mari.  
 Exsanguis letalis hiems surrepit in artus,  
 Et teneras vrit flamma proterua fibras.  
 Tisiphonia reum cor tædâ deurit, & angor,  
 Quem parit incestis anxia vita probris.  
 Iamque pedi falcem mors subdit, ut occidat  
 Orco,  
 Ceu cadit attonso cædua messis agro.  
 Magdalis icta, bis icta labat, præcepisque sepulcro.  
 Annuit, attonito pectore sollicita.  
 Ni leti hærentem falcato in dente magister  
 Eripiat, Stygiis opperet illa feris.  
 Sed sapit; in morbo quamuis cubat inscia vitæ,  
 Augusto ab medico languida poscit opem.

## ELEGIA IV.

*Gemitus MAGDALENÆ peccata  
deflentis.*

**H**EV ego! quos gemitus! suspiriaque hausta,  
querelas!

Ah pudet! ah quantis Magdala fœda probris!

**O** quàm sæpè mei sensi tot damna pudoris!

Damna nec illa tamen cor pupugère meum.

Ardentes quoties sensi ab Phlegethonte sagittas!

Nec tetigit sensus tæda cruenta meos.

At nunc heu! pauor, ira, rogos, serique labores,

Et mors, & si quid sæuius Orcus habet,

Oppressit durâ luctantem in mole doloris,

Mole grauate caput, mole grauate sinum!

Hei mihi! nunc tanti vi ponderis expirandum;

Ni sit qui vincat dira pericla Deus.

Me vetus antiquis adstrinxit noxa catenis,

Et noua (quæ noxæ est ultio) noxa grauat.

Vnde catenatos trahit ira renexa furores.

Sons quot alit culpas, tot parit illa minas.

Heu! oculis spectri feralis oberrat imago,

Spretaque fulminei Vindiciæ ara redit.

Scilicet ante scelus timor exfulat omnis, & angor;

Vt scelus admisit, mens rea serò timet.

Nil tremat ante facem Libycæ leo terror arenæ;

Fax vbi dira micat, iam leo ceruus abit.

Exultat leuipes securis hinnulus vmbreis;

Silua fremat bellis, anxius erro fugit:

Mobile tunc foliû fulmen, leuis aura procella est,

Et lepus in profugam torua fit vrsa feram.

Heu!

Heu! quid agam? querar, an fileam tot inermis  
timores,

Quæque grauant nocuum pondera cæca caput?  
Sole quot hiberno glomerantur in aëre nimbi,  
Tot fudit lacrymas nubila cura meas.

Væ mihi! væ miseræ! væ queis caput vmbro te-  
nebris!

Mille quibus noctes nox ego tota sequor.  
Quàm graue, quàm longum, pondusque, agmen-  
que catenarum

Implicat orbe pedes, implicat orbe manus.  
Anguineo, & lentos labor extendendus in annos  
Illaqueat duris tædia cruda moris!

Heu! sese sine teste reus, sine Iudice damnat;  
Supplicium ipse suum, carcer & ipse suus.

Insuper, ah! incumbit ineluctabile pondus  
In caput, & fontem Vindicis arma grauant.  
Ferreæ an in mediis sistam vadimonia vinculis?

An fugiam armatas in mea busta faces?  
An magis arcanis rimabor asyla cauernis?

Præsidium effugio sed tria regna negant.  
Nulla latebra mari est: resonis scelus exprobrat  
vndis.

Nulla latebra solo: pandit Auerna solum.  
Nulla latebra polo: sceleris memor intonat iras,  
Conspirantque pares cuncta elementa minas.

Quid sequar, aut fugiam, tot inermis in hosti-  
bus hostis,

Cui mare, cui tellus, cui sonat æthra metum?  
Quove caput condam tumulo? si lynceus ultor  
Ima soli, & radiis persecat astra suis:

Testis ubi Iudex, læsoque in Iudice vindex,  
Quem

nem latet arcani nulla latebra specus.  
 iuga, vos valles, testes, vos æquora testes:  
 dera vos testor; testis & omnis ager.  
 est quâ fugiâ, fallamvê tremête sub vmbra.  
 ego redux folio C H R I S T E recurro tuo.  
 ui fateor, pleno scelus eloquar ore,  
 uoluamque meo monstra reposta sinu.  
 enis igitur magnis mea crimina riuis,  
 rimina fluminibus turbida vena meis.  
 ij gemitus, & anhela volumina questus,  
 uæ dolor alternis dat remeare modis.  
 dala quâta stat! heu! stat tota-perêne duellū,  
 nde tot in clades tela recusa meas.  
 lius in superas bellant mage lumina sedes,  
 ullius os Diuis prælia plura ferit.  
 ! quoties redit illius mihi labis imago,  
 lora animo toties ingruit atra meo.  
 mors hæc sine morte, necis graue prorogat  
 æuum,  
 nde mihi lenti sæcla doloris eant.  
 is dabit abruptam longæui vincula luctus,  
 Quæque trahunt diros ferrea sæcla metus:  
 è mones Metanœa, tuas aduoluar ad aras.  
 hic nouus antiquat pristina damna dolor.

## E L E G I A V.

MAGDALENA *gestit adire*

C H R I S T V M.

V G V S T V M auspiciis felicibus apprecor  
 ausis:  
 lam noua non solitis labere vita viis.

Augustus

Aureus argenteis voluetur ab imbris orbis:

Currite fletiferis vitrea sæcla rotis.

Currite Amoris iter, nec erit mora longa saluti.

Quis teneat volucres, quos Amor vrget, equos?  
Hinc requies mihi nulla, comis ni vinxero

CHRISTVM,

Et fidis lacrymis sanxero pacta fidem.

Ibo celer, quocumque toro meus accubat ignis,

Effringamque tuas hospes auare fores.

Armipotens bellator Amor, ni limina pandas,

Surda triumphali claustra refringer equo.

Victor vt inuitis grassatur in atria valuis

Aeolus, & thalamis sceptrum sonora regit:

Sic vbi ferrato deuincta repagula nodo

Rupero, iam domitis imperiosa seris,

Opprobrij domitrix, debellatrixque pudoris,

Regnabo dominâ Regia Diua domo.

Si rigidi hîc vectes, surdusque in limine custos,

Et quadrupes pugnat ianitor ante fores;

Nil moror irato pugnantes cardine postes,

Et nimium duras ad mea vota seras.

Arceat (arceat enim) malus hospes, & hostis a-  
manti:

Durior illiso ter pede claustra ruam.

Et simul, Auster vt haurit aquas, & Aquarius  
imbres;

Sic & ego lacrymis Pleias aquosa pluam.

Fortè mihi surgent læti hæc post nubila soles:

Sirius è pluuiâ Pleiade feruet Amor:

Ignæque erumpet mœstis è nubibus æstas,

Deque doloris aquis vita serena fluat.

## E L E G I A V I.

*Æstus MAGDALENÆ euntis ad*  
CHRISTVM.

LOQVARE? incertum gemino cor distrahit  
hamo;

inc amor, inde rapit frigida cura timor.  
eo pari damno, votis discordibus ambo,  
or gelat hic, alter flammatur, vterque necat.  
are sic æstu glaciemque alternat & ignem,  
qui flagrat argenti mistus amore timor.  
c cor frigidius Scythicâ niue durat, & alget;  
crius Aetnæo deflagrat inde rogo.  
par lucta, pari luctatur vterque periclo:  
incere pugnat amor, pugnat & ipse metus.  
flammæ nil flamma, nihil cedrus obuia  
cedro,

nil Austro Boreas, nil aqua cedit aquæ:  
ubi iusta pari conspirat in armâ duello,  
nescia res vinci, vincere nescit Amor.  
arias sese quâ mens secat anxia curas;  
lagdalis ambiguo statque labatque gradu.  
bit, an ibit? amor trahit hinc, timor abstrahit  
illinc:

lor miseris scindit ille vel ille modis.  
b rea se flectet? mulier temeraria Numen  
ambiet, vt nectat vincula grata Deo?  
lataque fores excindet ouante securi,  
effundens hilari tristitia pocla mero.  
n ea mens, nec tanta suis fiducia votis:  
pes tamen impellit, quò vetat ire timor.

Nec

Nec tecum, aut sine te potis est rea viuere IESV:

Das animam, & dubio munere dando rapis.

Ah! cui nunc oreris vitæ alter Eous, an idem

Ambiguo in nimbo mortis eclipsiseris?

Quàm diu adhuc trepidam lis diuidet anxiam  
mentem?

Perpetue sub luctû viuere, nōne mori est?

Morte magis nocet, haud vitalem viuere vitam.

Mors vnâ, innumeras vita dat ægra neces.

## ELEGIA VII

*Amor diuinus fugat monstra conuiuialia*

MAGDALENÆ in limine Simonis  
occurentia.

**O**BNIXI tandem victrix animosa pudoris

Vt stetit æratas Magdalis ante fores,

Ilicet intremuit custos in limine Ianus,

Quique cliens Iano, ianuaque ipsa labat:

Anxiaque attonitis fugere repagula valuis;

Fracta triumphali sub pede claustra iacent.

Audiuit strepitumque seræ, strepitumque catenæ,

Latratumque canis, Magdaleosque pedes,

Comus, uti rum fortè sales miscebat Iaccho:

Emicat attonito limine sollicitus:

Cui dextrâ fax viua micat, fax cincta corollis,

Et sedet in læuâ tinnula lingua chely.

Lutea palla viret nitidis intexta smaragdis,

Et picturatis stat coma vincta comis.

Diues opum, diues pictæ vestis & auri,

Auratum sequitur ludicra pompa ducem.

Picta sinum gemmis, gemmis radiata capillos

Hic



hic Charis, & Charitos duxq; comesq; Iocus.  
ibrat hic thyrsos fallace dolosus Iacchus,  
uæque comes Baccho garrula pica canit.  
omes it Como Momus, cui dextra salino  
andet, ut urbane temperet ora sale.  
n & scurra procax nigro sale, & asper aceto  
iuor, idem rabido cum cane carpit iter:  
dida cui blando distillat lingua veneno,  
tra sed immiti pectore fella virent.  
nus ut aspexit antiquæ dotis inanem  
lagdalin in lacrymis, Magdalin in gemitu;  
it, & in vultum visus defixit hiantes:  
um grege lasciuo, nabra lyraque silent.  
trinxit stupor attonitum: at simul externato  
lens Como rediit, lumina torua rotat;  
ratque procax aspro fera iurgia rictu:  
riste caput limo lannio dente ferit.  
que trahens rugas, vincto conuitia naso  
rispat, & excusso vertice probra vibrat,  
fremens, frendensque: Quid hoc? sic ergo  
pudoris  
nmemor, ad Domini Magdala nuda torum?  
ecoris comes infamis pudor ibit honesto  
unc epulo, scedis spargere probra notis?  
gdalis ista fides? hæc vltima Bethanidarum  
loria, & antiquæ nobile stemma domus?  
puellarum clarissima Cyprigenarum  
ah ibit Solymo lurida larua foro?  
scelus indignum! Sed prælia plura parantem  
abruit attonito cum grege diuus Amor:  
gdaleasque faces lacrymis extinxit, & ignes,  
uos ferit hac Comi de face cæca Venus.  
Ex-

Extinctam gemit ille facem, euertasque corollas,  
 Nabliaque, & quidquid turba petulca trahit.  
 Et simul aligero pede turbinis instar in auras  
 Emicat, & Solymæ compita quadra secat.  
 At verò iam victor Amor, tremor ille Pudoris,  
 Ceu potius casto pulcher honore Pudor,  
 Victa triumphato Scribarum limina Como  
 Ingreditur, cui dux pro face stella præit.  
 It Timor, & nudo formosa Modestia vultu,  
 It Pudorelingui doctus in imbrè loqui.  
 It Dolor, it pullo cui plurimus vnio peplo  
 Cander, & includit Spes comes alba latus.  
 Quin etiam adserpit sparsis Metanœa capillis;  
 Læua quatit pectus, spicula dextra gerit.  
 Magdalis insequitur lacrymis suffusa ruborem,  
 Auspice quam ducit dux Metanœa manu.  
 Aligeri circum glomerant pia turba clientes,  
 Et tacitis agitant orgia festa choris:  
 Arcanoque sacras animant sub pectine chordas;  
 Cælestes tacitâ cor legit aure sonos.  
 Quaque subit sua regna novos Metanœa penates,  
 Inque toro solium iam locat ipsa suum.  
 Vela, stolas, torques, stellata monilia geminis,  
 Et Tyrias pallas vindice calce terit.  
 At chorus ætherius, casiamque, crocumque, rosamque;  
 Spargit odoratâ munera rara manu.  
 Dat costum casiamque focis, & thure vaporat;  
 Vnde piat castus claustra nefasta vapor.  
 Gratus odor oculis passim respirat eburnis,  
 Et vapidos afflat messis odora lares.  
 Mirantur Superi, Scribæ mirantur odorem  
 Insolitum, & si quis mistus odore liquor.

Plu-

mus ille sacro sese sed miscet oliuo,  
 uem sibi Magdaleo stillat ab ore dolor.  
 , piis oculis, oculis quos opprimit imber,  
 nec dux radios his Amor adde tuos:  
 ce pro Comi, fumoque nigrante Voluptæ,  
 uem nox Tærnario conflat opaca rogo,  
 daleis oculis æterni fideris instar  
 ox in Amore dabit aurea tæda diem.

## E L E G I A V I I I.

*Medicina MAGDALENÆ.*

H R I S T E saluber ades, nullis mihi cog-  
 te sæclis.

agdala quærit opem: Christe saluber ades.  
 ue mea lux, iterum lux aurea salue,  
 ristite mihi medicam prome salutis opem.  
 nihi! quot lunas, & quot mors annua soles,  
 : dat ærumnis astra maligna meis!  
 mihi tam longas mortis mora prorogat  
 horas?  
 ebuerat rapidas sol properasse rotas.  
 us an fractis currus consistit habenis?  
 ur adeò lento serpit in orbe dies?  
 ia quæ mutant, non mutant astra dolores;  
 ue redux vesper, siue recursat Eos.  
 rnos agitant sol & vaga luna triumphos:  
 t meus inmoto perstat in axe labor.  
 sapricis si decoquit ignibus herbam,  
 ecolor herba nouas mox bibit imbris aquas.  
 neram Boreæ vis sauciat aspera myrtum,  
 b mihi Zephyro myrtus adoptat opem.

Gnos-

Gnossia Dictæam capram si fixit arundo,  
 Dictamnus medico succida rore fouet.  
 Sollicito neptis Prognès pennata nepoti  
 Reddit adhuc teneris lumina raptæ genis.  
 Exuit hibernam serpens mors viua senectam:  
 Vnde myops lumen luceat, herba viret.  
 Laurus amara domat fastidia cruda palato,  
 Siue tuo perdix, siue palumbe tuo.  
 Quid loquor, vt calamintha feris stet amica  
 lacertis?  
 Et draco lactucâ dona salutis emit.  
 Mitto loqui, Palamedis auis quâ stirpe medelam  
 Hauriat, aut succos quos bibat æger aper.  
 Exprimit origano moritura ciconia vitam,  
 Et legit ab lauro coruus anhelus opem.  
 Denique cuique salus, vel spes sua nota salutis:  
 Magdalis ignotus sed sibi sola dolor.  
 Et cui cuncta fluunt refluuntque volubilis orbis,  
 Stat scopus innumeris Magdalis vna malis.  
 Nec dat longa dies crudas mitescere curas,  
 Quas alit ardenti pestis inusta sinu.  
 Scilicet infidiæque, necesque, metusque, doloresque,  
 Aerumnæque, pudorque, anxia corda coquunt.  
 Vnde breues populatur edax mihi flamma med-  
 ullas,  
 Quæque sara his flammis ferrea mortis hiems.  
 Hei mihi! quis tandē, post mille volumina luctus,  
 Vlcera Præoniâ claudet hiulca manu? (res,  
 Spes mea Christe, meos nunc negligis ergo dolo-  
 Morte premente caput, morte premente sinū?  
 O mea lux, & vita, nouæ nunc annue vitæ  
 Semina, & in laudes omina læta tuas.

Haud

Id ego posco sacras immenso è sidere flamas:  
 si satis è tanto lucida mica foco est.  
 mihi si tenuis radius delibet I E S V,  
 vel saltem radio quæ fluit aura tuo!  
 incasus Arctoon petra si cor staret ad Vrsam,  
 Nox flueret rapido Sicelis Aetna rogo.  
 mihi veraperi, Phryxæique arietis instar,  
 Adspira gelidis sidera blanda fibris:  
 iouus ardor Amor, cui mitior intepet æstus,  
 temperet affectus ad tua vota meos.  
 Magdalis egra Deum, medicâ Deus imbuît herbâ  
 Magdalin; vnde repens currit in ossa vigor.  
 irit inexpertos venis sitientibus ignes  
 Magdalis, & dulci deflagrat iusta face.  
 ex vapor, hinc oculi sudor vitalis, & ardor,  
 hinc veges è fletu manat in ossa liquor.  
 ægris incocta fibris, & frigidus angor,  
 mors, & morbus edax, vulnus, & vlcus abît.  
 iret aucta nouis iam succida vena medullis,  
 vnde fluat riguis lymphâ gemella viis.  
 ne pedes sine labe pedes redit; vnde salutis  
 consiit, hucritus dulce retorquet iter.  
 quæ retorquet iter, vehit vnda relapsa salutem:  
 letus enim medici de pede ducit opem.  
 idi medico tactu pedis ire salutem,  
 obstupui, & dixi: Pes medicamen erit?  
 liquor herbi potes stillat de simplice lymphâ,  
 et se pes medicâ vertit vterque manu?  
 quid ego cæcis anceps cor distraho curis?  
 Nonne salutiferas pes bibit vdu aquas?  
 me tuo fletus flagrat medicatus amomo,  
 et crocus his plantis officiosa natat?

Ambigis? ecce pio nardus comes affluit imbri;  
 Arabia his plantis, & seges Inda sedet.  
 Non tot odoratas messes legit vberē felix  
 Fruge Cilix, Indus diues, odoros Arabs;  
 Nardiferā quot spargis opes locuples alabaſtro  
 In caput ambrosium, liligerosque pedes.  
 Nardus enim, vel gutta croci, si tangit IESVM;  
 Nobilius medico sudat aroma croco.  
 Magdala tange pedes: Arabum felicia fundis  
 Balsama; quid mirum si fluat inde salus?

## ELEGIA IX.

*Remedia MAGDALENÆ peccatrici.*

**V**T quid adhuc erras infestis anxia siluis,  
 Soliuagis toties obuia præda feris?  
 Hic vbi Tænarios mors armat acerba dolores,  
 Humanisque gemens ossibus albet humus;  
 Mugitus, rabiemque, minasque, trucesque; furores  
 Tæmnis, & armatas in tua damna feras?  
 Vulnifico vidi sub dente dehiscere pectus,  
 Et vidi rigidā vulnera secta manu.  
 Nunc erat in sæuos ut tota leonis hiatus  
 Iret (& ibat inops mentis, & ægra metu)  
 Magdalis, & prono de sidere corperat Orco,  
 Iam data ter gemino victima dira canis;  
 Ni laceros artus iratis faucibus Orci  
 Bellipotens vindex eripuisset Amor.  
 Clamat iō, Leo cede, truces abscedite tigres:  
 Cedite. Cesserunt: faucibus sola gemis.  
 Quin etiam tradux mundi de peste venenum  
 Inspirat tacitam cæca per ossa luem.

Ah!

ubi vincta caulis Cypris illigat ora lacertis,  
 quale tibi blando virus ab hoste bibis?  
 fugis ab nocuo mundo, dulciq; periclo?  
 iste locus, nescis? damna salutis habet.  
 ignominia, noxæ, & fata vulnera noxis,  
 queis grauis exurit conscia corda dolor.  
 tuos serpit clàm pestis auara per artus,  
 rassaturq; cauo flamma proterua sinu.  
 mortē putre, cerne, gelat iam pectus; & isthic  
 stis adhuc? medicam faucia quære manum.  
 estas cui culpa fores recludit Auerni,  
 noxia vin' mortem pellere? pelle moram.  
 d trahis infelix lenti dispendia leti?  
 u si dulcè velis viuere, viuē Deo.  
 ne per illecebras, & blandi philtrea doloris,  
 elle pati morbos, mortis amore frui est?

## E L E G I A X.

MAGDALENA *desiderat per satisfac-*  
*tionem peccata expiare.*

DEVS immensis iam tandem parce piaculis:  
 Quamquam ô! sed mitis parcere iussit.  
 Amor:

mei sceleris vindex, sed nescius ira,  
 qui sine vindictâ plectit inane scelus.  
 e felicem! cui mite tribunal I E S V  
 at torus iste, meis iam torus vdu aquis.  
 idor! ô immane nefas! sic ibit inultum  
 rimen? & in pœnas ultor inermis erit?  
 etuo, & spero: veniam promisit I E S V S;  
 : veniam vindex abdicat ira reis.

Antè niuem blandis lambet fax Siria flammis,  
Et parcer niueo torua læna gregi:

Quàm Deus vlticis numeros non expleat iræ,  
Expendatque nocens, quas tonat æthra, minas.

Dextra vibrat fulmen; sed læua reponit oliuam.  
Si tonat ira faces, gratia spondet aquas.

Eia, niuem fidis lambat fax Siria flammis,  
Et parcat niueo torua læna gregi:

En meliore rotâ noua fingitur vrna salutis,  
Fulmineas vincit mitis oliua faces:

Si modò tristè gemens genibus prouoluar IESV,  
Et stiterim nudum supplice fronte caput.

Cæsaries promissa nouâ dabit arte catenas:

Frons benè nuda peplo, squallor & horror erit.

Noxia stabo toro; (solum torus ille Tonantis)

Lictor vtrimq; premet, hinc pudor, inde timor.

Ferre quid vinctis vadimonia fingo lacertis,

Hic vbi vindictæ nescius vltor adest?

Curia cui thalamus, torus absq; timore tribunal:

Hospes amans Iudex, pœna doloris Amor.

Supplicium lacrymæ; (lacrymis quis dulcior  
humor?)

O modò quàm felix vertitur vrna reis!

Vindicis arma, facesque, & inexorabile Numen

Vincit inexhaustus supplice fletus aquâ.

Sentio, me castis flammis vis enthea tædis;

Serpit inexpertus cæca per ossa vapor:

Et modò diuino tenerum cor vulnerat æstro:

Sed mihi quæ vulnus dextra dat, addit opem.

Quæ planxi antè gemensque, iacensque, tra-  
hensque catenas,

Libera tollo manus, libera tollo pedes.

O pie-



pietas! ô blanda manus! ô gratia Diuûm!  
 Quæ voueam iustis munera digna sacris?  
 tua millenæ cumulent altaria lances,  
 Et sacrôs oneret India tota focos?  
 taquæ thuricremis viuât Panchaia flammis,  
 Qualis ad Ifacios fumat acerra rogos?  
 te leues Arabum vitæ sine pondere fumo;  
 Vult sibi viuus Amor victima viuâ liter.  
 ales igitur cadat hostia iugis ad aras,  
 siue sit hæc turtur, siue sit alba bidens.  
 id tibi cum brutâ lanâ, volucrique fauillâ?  
 victima sola Deo, quæ benè libat, homo est.  
 neribus supremus honos, & idônea Diuis  
 hostia cor purum est, cui sacer ignis Amor.  
 c solo capitur vindex, qui nescit emaci  
 Nec prece nec pretio, thure nec igne capi.  
 erit is tenuem flagranti è corde vaporem;  
 Vox tetricis rugis quæ sedet ira, cadet.  
 ælibet esto minor tantis sit pœna piacis;  
 diluet immensum lacryma parua scelus.  
 eriles animæ, queis hic non liquitur hûmor,  
 Quo datur augustis ritè litare sacris!  
 o veni decus ille meum, spes ille salutis,  
 unde fluat vitæ lactea vena meæ.  
 iue tuo purus radius dio influat astro,  
 hoc de corde sacras qui tibi gignat opes.  
 tenui radio me si fors tangat I E S V S;  
 me felicem! qualia dona manent!  
 tetigit radius, flagrat entheus ardor in illo;  
 hoc ictum tepidas liquitur in lacrymas.  
 foret apta meis flagrans cor victima noxis,  
 Quique fluit læso corde per ora liquor!

Sed quora pars cor quæso mei est, fax pectoris  
ardens,

Quod calet vt paruo testa pusilla foco?  
Quò mihi mille boues, & millia mille bidentū,  
Quæ crepitant Solymis ignea præda focis;  
Vnica si vel gutta sat est, quæ temperat iras,  
Et de corde flagrans mica vel vna sat est?  
Opto tamen tumidos se cor effundat in auctus,  
Augustoque breues ampliet orbe sinus;  
Omnigenosque mei cor corporis induat artus,  
Omnibus vt membris victima tota litem.  
Aut oculus certè sim tota, volubile sidus;  
Clariùs vt spectem lyncea tota Deum.  
Ni satius foret esse. manū, quò Magdala sanctus  
Tota labor sacro militot obsequio.  
Quid prohibet verti vosali pectine linguam,  
Vt mea te solum lingua diserta canat?  
Sed quid ego infelix tanto me dignor honore?  
Illa ego tota præbrum, dos ero digna Deo?  
Non cor, non oculus, nec ego manus apta To-  
nanti;  
Sim nisi sub modico puluere, puluis humi.  
Tu capitis caput ille mei, lux lucis I E S V,  
Vita meæ vitæ, cor mihi cordis eris.

## E L E G I A X I.

MAGDALENA *lacrymis fucum*  
*omnem eluit.*

PVTIDA quam pyxis vomit ora per vncta  
mephitim,  
Et rea quod fictis illinit vmbra labris,  
E ma-

Emacula, pictumq; genâ male-olente venenum

Terge: subest lacrymis spongia pura tuis.

Fiebis; vti fons est oculus, quē crimina tangunt;

Informi formâ flere perenne tuum est.

Illacryma stibio: mendaci tincta figurâ

Ora volubilibus diluet imber aquis.

Ilicet en surdo cadit agmine riuus honesti

Obses, & illimi temperat imbre genas:

Et niucis expugnat aquis vis limpida fletus,

Quidquid adoptium frontis adumbrat ebur.

Nec satis hoc; castus rubor ardet in ore rosanti:

Qui stetit in peplo, transit in ora pudor.

Iam lego purpureâ depictum fronte pudorem.

O quàm flos Tyriæ discolor iste togæ!

Qualis ab auricomo Thetis icta rubescit Eoo,

Tale verecundo iam rubet ore decus.

Coralio qui floret honos, rutiloque pyropo,

Et flos Magdaleis purpurat ille genis.

O quātò hic melior liquor, os qui tingit & ornat,

Quàm sit ab Oebalio quæ rubet vnda cado!

Aut picci fuligo foci, conchæve salina,

Vel par creta niui, vel rubra bulla pitri!

Deniq; quidquid id est, pyxis quod lena pudoris

Inquinat, aut tincto capsa vomit gremio!

Euge, tuum nunc ingenuo caput imbue vultu:

Simplex nobilius floret ab ore decus.

Cerussam, stibium, fluxi tectoria vultus,

Diuiduo sulcans tramite riuus arat.

En aqua Sidonio concors it vena veneno:

Qui rubor ore stetit, is rubor ardet aquis.

Quæ lacrymas minio tingis, stibioque coloras,

Eluis, an mutas? denuò picta nites.

Vah! ea simplicitas quàm callida! nescia fuci  
Dum fucum expungis, maior adornat honos.

## E L E G I A XII.

MAGDALENA *lauando* CHRISTI  
*pedes se lauat.*

PVRIOR argento quàm labitur vnda doloris,  
Pellucet liquido candida cura vitro.  
Nimirum nitidis CHRISTVM stat tingere  
lymphis,  
Squallida cui niueos umbrat arena pedes.  
Lene-fluens tacito iam voluitur agmine riuus,  
Voluitur vndoso naufragus amne pudor:  
Sed sine labe pudor, casti qui censor honoris  
Purpureus, mediis pulchrior ardet aquis.  
Cui dolor argenteis purus comes adnatat vndis,  
Puriter vt sancto diluat amne scelus.  
Eia, sat est; lacrymæ, rapidoque fluentia cursu  
Flumina, sat Dominos implicuere pedes.  
Nunc inhibe riuos, linoque bibace tot vndas.  
Opprime, linigerâ compede stringe pedes.  
Detrahe sollicito quondam data vela pudori,  
Vela verecundas abdere iussâ genas.  
Hei mihi! nulla tuo nubes prætexta rubori est,  
Vlla nec impurum subtrahit umbra caput.  
Fallitur, ah, isto qui quærit flammea vultu,  
Cui benè nudus Amor lucida flamma micat.  
Sed tibi fit sindon frons, quæ sine sindone prodit.  
O tibi quàm solers fit modò textor Amor!  
Cerue, liquens oculus largo quas prodigit imbri,  
Elambit reduces crinis auarus aquas.

Quem-

Quemque rigat fletus, siccat cincinnus I E S U M;  
 Cincinnus bibulo par modò forma peplo:  
 Qui quoties auidis siccat vestigia cirris;  
 Et toties optas, altera lymp̃ha fluat:  
 Et tot eant rursus grauido de lumine guttae,  
 Quot stant frôte comæ, queis premis vda pedes.  
 Nónne Deum madido dū tergis amica capillo,  
 Teque tuumq; lauas squallida nympha caput?  
 Quæque sacro thalamo teter nisi squallor & Orci  
 Fax immunda venis, nix modò munda redis?  
 Nempe Deum tangis, te tangit & ille: niuosos  
 Queis lauis atra pedes, alba lauaris aquis.  
 Sic vbi tu vitreâ roras aspergine plantas,  
 Spongia fit C H R I S T I pes; tua corda lauat.

## E L E G I A X I I I.

*Spongia M A G D A L E N A E lacrymis.*

**H**IC vbi virgato discurrit discolor auro  
 Purpura, & inuitat in sua strata D E V M;  
 Gratuler, inuideámne? pari mens hæret in æstu:  
 Cura biceps bifidis errat vt vnda fretis.  
 Inuideam? & quare? dos dicitur æqua magistro.  
 Gemmantem ille bibit aureus hospes aquam.  
 Gemma manu rorat; it gemma per alta comatū,  
 Et per adhuc teneros oscula ad vda pedes.  
 Gratulor, ô felix! niueis sic pingere baccis  
 Cui datur, & casto tingere rore Deum.  
 Vtque diu tingas, voueo; sed prouida census,  
 Parcius ô oculis vttere Nympha tuis:  
 Neû nimium has lymphas tam rarum prodige  
 munus.

C.

Parce,

Parce, sat est; riguis iniice frena genis:  
Et temerè errantes auidâ lege sindone guttas.

Claude tuos riuos: planta sat ista bibit.  
Dein lacrymas expunge tuas, bibuloque m-  
dentes

Terge pedes velo, prouida terge genas.  
Sit modus his thermais, tandem, ô tandem ebibe  
lymphas.

Nolo cadat tristi planta sepulta mari.  
O quantû erroris! rursum it pudor alter in imbres:

Quâ pudor it, rursum diluis ægra pedes:  
Nec tamen exsiccas. aqua an ebria rursus oberrat?

Nolo laues lautos, sed citò terge pedes.  
Nulla tibi sindon, nec sindonis vlla niuali  
Candicat vmbra manu; sed coma sola bibit.

Deinde pluis, pariterq; rapis quos fuderis imbres:  
Quæ fluit ore, bibit crinis auarus aquam.

Quid facis? ah nescis? lino sitiente natantes  
Vis siccare pedes, quos tamen vsque rigas.

Euomit illuuiem, non balnea iusta ministrat,  
Absque modo assiduas quisquis inundat aquas:

Sed quicumque lauat puro vestigia riuo,  
Si sapit, albenti tergit & illa peplo.

Vtere sorte tuâ: deterge tot humida luctus  
Vrbano genio, carbascoque sinu.

Sed pia nympa sapis! natiuam in sindona cirros,  
Gerne, tibi solers textor adornat Amor.

Quas passim effusis siccas affusa capillis,  
Apta coma his lymphis, aptaq; lympa comis,

Dignius his lacrymis nihil est flauente capillo,  
Spongia nec cirris dignior vlla tuis.

## ELEGIA XIV.

MAGDALENÆ *lacryma gemma.*

**M**AGDALIS UT GLACIES Phœbeo faucibus telo  
Liquitur, & vernâ plus niue delacrymat;  
Vixit Amor, liquidus qui cor distillat in imbres:  
Mille pudor guttas, mille decenter habet.  
Si potis influere hos oculos Tagus aurifer, aurum  
Efflueret fului purius amne Tagi.  
Si sudo hinc vitreas ros spargeret aëre stillas,  
Nobilior batcâ diuite gemma foret.  
Huc si lara suos pluerent fors lilia rores,  
Iste liquor niueas illacrymaret aquas.  
Et quod non afflat lacrymis decus auctor IESVS,  
Aurato radio cor ubi flammatur Amor?  
Purius his nihil est, nihil est his pulchrius vndis;  
Quis rorat Dominos Magdala casta pedes.  
O felix animi! cui dos tam rara salutis  
Manat, & it liquidis limpida gemma genis.  
Qualis honos nitidi pulchrâ in ferrugine rores,  
Quos picto illacrymat Iris odora solo:  
Gratia quæ violis, immortalique amarantho,  
Aut illibatis alba per arua rosis:  
Tale decus puris appingit gratia lymphis,  
Quas castus roseo lustrat in igne pudor.  
Et tu terra bis pignus tam nobile Divum?  
Occidet informi gemmea gutta solo?  
Quid pote nobilior, quâ ros qui gemmar Amori?  
Et tener hic fusco pulvere serpit onyx.  
Dic meliore viâ tam splendidus effluat humor:  
Pulcher honos pulchrum quærit honoris iter.

Sed sapit; en nuceas irrorat lacryma plantas.

Sic pia gemma suum dotat & ornat ebur.

Nescio ad istud ebur num plus orneris, an ornes,  
Cui nouus argenteo de pede creuit honos?

# ELEGIA XV.

MAGDALENA CHRISTI *sitim*  
*lacrymis explet.*

**N**IL æquè ardet amans Deus, ac mera pocula  
luctus,

Dulce sitibundus cor cui torret Amor:

Idque epulas inter, festique theatra Lyæi,

Magdala quid cessas? applue pocla Deo.

Lumina vtrinq; tument biuios meditantia riuos,

Riuos queis Hyalo purior vnda fluit.

Crystallo liquente Dei caput omne coronas,

Et satias lymphâ lene-fluente pedes.

Par liquor in riguum pectus descendit **I E S V;**

Ora madent, gremij vallis eburna natat.

Anne putas, sitit vsque meras queis affluis vndas?

Fors satur est lymphis **C H R I S T V S**, vt antè  
mero.

Despuit ille grauis, fastidia cruda Lyæi,

Et satur ille mero pascet ab amne sitim?

Num liquor hic tanti est? sal vt lacrymabile  
luctus

Plus omni sapiat nectare, vite, fauo?

Hic quod agat, nihil est, succo dolor asper amaro:

Nil ad pocla facit lacryma nata queri.

Inuitat tamen illa, trahitque, tenetq; Tonantem,

Suauior ô mannâ, nectare, melle, mero!

Si



Si vel gutta pluât, cor ebriat illa Tonantis.  
 Non sat gutta tibi, flumina tota vomis.  
 Rursus inexhaustis mergis vestigia riuvis,  
 Et rursus calidis te dolor vrit aquis.  
 Sit satis hoc : quid adhuc turgēt tibi lumina fletu?  
 Feta nouum in partum, credo, doloris eunt.  
 Inde nouam cœnam sibi CHRISTVS, & altera  
 poscit  
 Pocula, & augusto xenia digna toro.  
 Sic reor : an renuat tam prompti munera fontis,  
 Torridus in Solymis ille sititor agris?  
 O quoties (memini) dum mille pererrat eremos,  
 Puluereo in nimbo torruit ora sitis:  
 Et (nisi me fallant sæui læua omina fati),  
 Ah! Sitio, Sitio, vox morientis erit.

## ELEGIA XVI.

*Vngentem MAGDALENAM suâ gratiâ*  
 CHRISTVS vngit.

**I**N calidas ebullit aquas, liquidasque querelas,  
 Igneus ardentis cordis alumnus Amor.  
 Enthea viuaci vis eliquat igne medullas,  
 Vnde fluunt riguis balnea pura genis.  
 Et verò fluxêre. bibit sat planta tot imbres.  
 Claude genas, fontes Magdala claude tuos.  
 Sic ego, sic mecum concors tibi suaserit hospes:  
 Sat modò lauiſti, laſſa recumbe toro.  
 Fors aliquis dicet conuiua benignus Amanti,  
 Cui mollis tenero ſit fibra ſicta luto:  
 CHRISTVS amans nardū ſitit, & ſitit ebria nardo  
 Baſſama: baſſameâ perplue fruge pedes.

En tibi pyxis: adhuc cessas? malè prouida cessas?

Expirat, tua ni cinnama spiret, Amor.

Imbris egens animam ceu flos exhalat odorem,

Et furtim moriens languida colla trahit;

Nec iam libat apes, nec cerua, nec addita ceruæ

Filia, nec radio sol meliore legit:

Sic viduas nardo lacrymas fastidit I E S V S;

Et tener absque croco Numinis efflat Amor.

Tu si sis saxum, sine tantus ut occidat hospes.

Saxea sed non es: nardina grata pluis.

Vt liquido siccos artus perfudit oliuo

Magdalis, & lacrymas miscuit ægra suas;

Alteraque irriguo defudit balsama gutto,

Atque nouas iterum depluit vber aquas;

Nescio quid tenerum limis arrisit ocellis,

Vt tot abire manu cinnama vidit Amor:

Et simul inquit: Odor quàm spirat amœnus Amorẽ,

Tam quoque gratus Amor spirat odoris opem.

Quot stillat liquidos nubes Panchæa vapores,

Tot medicos succos appluet almus Amor:

Vnde tuo quæras solatia grata dolori,

Qualia spes duris spondet amica malis.

En tibi pro meritis cor vnctus inungit I E S V S:

Sic pia quas C H R I S T O das, tibi reddit opes;

Sors ea quàm felix, quæ sic sua munera fundit,

Maius ut inde sibi fœnus auara legat !

Cinnama fluxus olens, & olens refluxus Amorẽ,

Si datur alternis ire redire modis;

Nunc doni secura tui plue diues amomum,

Cui dum currit odor, iugè recurrit Amor.

## ELEGIA XVII.

*Pulchritudo MAGDALENÆ  
interna.*

**H**ACTENVS horrificis torquata Medusa  
colubris

Magdala, nunc ibis digna virago Deo:

Si modò, quæ nunc est, poliat noua cura figuram;

Quæque fuit, liquidis deleat vnda genis.

Pristina si stat forma, cades obnoxia leto;

Sin cadat, apta sacro stabis imago toro.

Nunc igitur CHRISTI vultu duc æmula vultū.

En speculum; impexas hîc tibi come comas.

Quàm citò formoso vitrum rapit omnia vultu,

Quàm citò fulua nitens imbibit astra lacus:

Tam facili cunctas Amor induit ore figuras;

Pulchrior ille lacu, purior ille vitro:

Et tu lenta sedes inculis hispida cirris,

Hîc vbi formoso lux tua fonte natat?

Castior ô siluam per læuia colla fluentem

Castiga, & gracili stamine stringe comas.

Non benè, crede mihi, nudâ quis fronte pudorem

Ponit, vbi cœnæ sit Deus ipse caput.

Dum vixti, vixti benè culta virente smaragdo,

Et stetit aurato frons redimita peplo.

Tu nunc illa Charis, tam comis amica leporum,

Vis posito mundo rustica nympha mori?

O vbi frons, & frontis honos? hæc vltima formæ

Gratia, vt incompto forma cadat capite?

Vt quid inornatis passisq; inhonora capillis

Urbanum violas in tua probra torum?

An

An pudor attritus ferreâ de fronte pudorem

Auger adhuc, ne te depuduisse puder?

Quid tibi cū squallore, comaq; vagante seueras  
Per lacrymas? isthæc symbola digna Deo?

Sic tamen inuitas, vt ades non compta, Tonantē:  
Et tenui plorans murmure, dicis, Amo.

Sit satis hoc: valeant teretes cum pectine vittæ,  
Et crinalis acus, velaq; tincta Tyro:

Nil tibi cum mundo, diues cui mundus I E S V S:  
Quo minùs ornaris, te magis ornat Amor.

Stat donis mens pulchra suis, proprioq; paratu:  
Ipsa sibi virtus præmia persoluit.

Nunc tibi, torquatae facies micat æqua columbæ,  
Aurea cui cunctas gratia donat opes.

Hic pudor, hic casto sedet alba modestia vultu,  
Hic & flexanimo suada stat ore Charis;

Hic color ingenuus, parca hic bona vincula  
linguæ,

Adde verecundis nupta coralla labris.

Lex hic iuris amans, vis hic adamantina Diuū:  
Hic modus, hic fati prouida cura sedet.

Et quæ nõ radiat virtutum hic gemma, vel aurū?  
Magdala tu quanta es, tota monile nites.

Dum C H R I S T I ad radios, tua lumina vertis  
ad imbres.

Ex illo quantus Magdalin afflat honos!

Quam pulchris formosa genis oblutit imago,

Quas minio pingit purpura casta suo!

Quam benè compta nites rosei Regina pudoris,  
Hic vbi non comptis silua stat hirta comis!

O felix speculum! quæ sic ornare, nec ornas!

Hoc tu plus cordis, quo minùs oris habes.

E L E

## ELEGIA XVIII.

*Connitiuum Simonis.*

**O**BSEQVIO maturus Amor venatur IESVM  
 Saxa per & valles, cōpita, templa, domos:  
 Et tandem reperit (epulo sedet ille) Tonantem;  
 Hūc ruit, & vinctas subruit arte fores.

Fit fragor: irrumpit thalamum, dotalia CHRISTO  
 Dona ferens festā cum face pulcher Hymen.

Euge, tuum Simon, nolensve volensve, liquenti  
 Cum casā spectas Magdalin ante torum.

Nec tantum spectas, sed liuide Scriba malignis  
 Obliquas oculis nardina mista croco.

O quoties dicis: Quò, quò temeraria? tantum  
 Tun' scelus ausa? meas sic violare dapes?

Cæca satin' sapis ô! malè provida ad oscula

CHRISTI

Ibis inornatis hispida vt vrsā comis?

Non tenui vittā flauentes vinctā capillos,

Non retinens nudis flammea casta genis?

Non Tyrios (prò quale nefas!) induta paratus?

Nec Salue vlla sonas, nemo reponet Aue.

Ocyma dira ferent concordi hinc inde cachinno,

Quotquot Idumæo decubuere toro.

Nil nisi singultus suspiriaque ægra resorbens,

Inceitas tragicis orgia festa modis.

Num benè læta grauis violat conuiuia fletus?

Irrumpitque procax non sua regna dolor?

Quid Baccho, & lacrymis? an habent & gaudia  
 fletus?

Hospes abi, & lymphas ebibe sola tuas.

E L E.

## ELEGIA XIX.

MAGDALENA CHRISTO *mittit  
epistolam.*

**M**ITTIT amans ceras, sed quas, heu! mortis  
ad urnam

Pulveream tristi pulvere spargit Amor.  
Orbus Amor, duri quem vis grauat aspra doloris,  
Fraternusque graui torret ab igne cinis:  
Et qui fulmineis ceu fax è nubibus ignem  
Haurit, ut inde vomat, quas bibit imber aquas.

O sit fas audis oculis libare querelas,  
Quas muto gemitu scripturit æger Amor!

An nigra ceratis inserpit sepia sulcis,  
Intingisve fauo suaue-liquente stilum?

Artifici an tabulis instillas rore Lyæum,  
Mellitæve bibunt dulcia sensa notæ?

Cernere an est roseo florere pugillar in ostro,  
Auræave ostrifero scripta micare libro?

Inspexi facili facundas imbre tabellas.

Hei mihi! de lacrymis omnia vota natant!

Lucifer inde latex cerâ num cerite noxas,

Et vetus opprobrium denuò mœror arat?

Carnificesque trahens ægro sub pectore curas,

Quæ pudor erubuit probra tulisse, feret?

Sit piguisse semel satis & super: vna ruboris

Lex satis est, rursus nolle pigenda sequi.

Cur igitur pluuio dolor exprimit ore querelas,

Mœstaque de mœsto pectore vota fluunt?

Heu! tibi tot falso qui dictat ab imbre lituras,

Ille iacens gelido marmore, frater erat.

Hoc

Hoc à fonte cadit liquor aeger, & humida luctus  
Littera, quid surdum iussu silendo loqui.

Hinc dolor, argutoque fluens de rore querela,

Quam notat humectis sparsa litura genis.

Qui numerat fluctus, & qui metitur arenas,

Is tua vota sub his enumerabit aquis.

In bibulam ceram iugi manare videres

Imbre genas, candor quas niuis instat habet.

Non frons prima libri, solennis littera, Salve,

Siue breui titulo dulce propinat Aue:

Non hic, CHRISTE veni; quid vota moraris

Amantis,

Et nimis, ah! lento cur pede fallis opem?

Non hic Theta nigrum tristic nota mortis ad urnam

Feralem, heu! frater, pulvis & umbra iacet,

Et situs, hic vox una sonat, quam lacryma signat:

Aeger amicus obit, quem pius hospes amas.

Sit satis hoc: quid plura? moras Amor odit aman-  
tum:

Vt celer est, celeri sic volat ille stilo.

Hic ubi scribit Amor, vel apex satis unus amanti;

Et licet immenso par nota parua libro est.

Ecquid opus longos chartis intexere fulcos?

Cuncta Deo scripsit flebile nomen: AMAS.

Ilicò Mercurio duce nuntius auocat ales

Pegaseâ pennâ, quâ leuis aura vocat;

Per vada, per campos, per aperta, per inuia rerum,

Optato donec limine sistat iter.

Accipit obuinctas gemmâ linoque tabellas

CHRISTVS, adhuc Solymis auis exsul agris.

Ilicet ut tristes tabulas aspexit IESVS,

Consciens arcano cera quid ore premat,

Lustrat,



Lustrat: & vt legit facundo scriptile fletu  
Nomen AMAS; itidem scripsit & æger, AMO.

## E L E G I A XX.

*Altera Epistola MAGDALENÆ ad  
CHRISTVM pro suscitatione La-  
zari.*

**M**ENS erat ignotis IESV te quærere terris,  
Seu fera silua tegat, seu specus alta pre-  
mat:

Iamque meæ primo stabant in limine curæ;  
Te mea spes volui, non ramen apta, sequi.  
Vix cœpi ire gemenſque, labanſque, tremenſque  
& anhelans,

Heu! cecidi in dubios lapsa relapsa pedes:  
Labentemque solo dextrâ læuaque clientes.  
Sustinuere manu; sustinuere sinu.

Vox simul vt rediit; Mi Lazare, respirantis  
Heu! vox prima fuit: altera, CHRISTE redi.  
CHRISTE redi, ô quando! nimis, ah nimis asper  
amanti,

Irrita mendaci vota moraris ope!  
O quis erit tandem ille dies, qui sistat IESVM!  
Sed quid? abest mea lux, fors & abesse volet.  
O quis erit istas qui lenè susurret in aures,  
Quod voueo toties anxia, CHRISTVS adest!  
CHRISTVS adest; & adest CHRISTO comes ar-  
biter æui,

Ac necis & vitæ præses & obses Amor.  
Sed quid ago? blandis magis aspero vulnera telis,  
Dulciaque in luctus somnia pasco meos.

CHRI-



CHRISTVS abest, & abest Amor his procul  
exsul ab oris,

Spesque comes fidi pignus Amoris abest.

Si tamen ille gradum Solymis aduertit arenis,

Bethaniis ibit obuia turba plagis:

Aut medio occurrat (magis hoc decet) obuia  
campo.

Sed tardant auidos inuida vincla pedes.

Mœror enim duris innectit corda catenis;

Quique cor hoc vinxit, vinxit & ille pedes.

Et dolor infrenat elingui verba palato:

Quod super, in digitis vox sedet vna meis.

Mœsta tibi mœstas mittit tua Magdala ceras;

Muta quidem, lacrymis sed tamen apta loqui.

Littera si claudopede fors labat, ebria fletu,

Ancipiti que notat nescia stare stilo;

Aut nota trunca sedet, moriturve sepulta lituris;

Turbida signa manus præmorientis erant.

Hoc solû (quod dictat Amor) sedet hiscè tabellis:

Vnica vox I E S V, cetera fletus erant.

Pertibi quæ blando pietas cor imbuat igni;

Pertibi qui tenero pectore spirat Amor:

Perque meo toties tua quæ data dextera fratri est,

Hospita Bethanio dum stetit ara toro:

Perque meos, Marthæque pios, duo pignora,  
fletus;

Perque tuas lacrymas, quæ decuere meas:

Per benè si de te meruit mea nardus I E S V;

Accipe non durâ, quas damus, aure preces.

Quæ rogat, est hospes: super hospite dona re-  
poscit,

Qualia sæpè dedit xenia gratus Amor.

Da

Da veniam; fateor, non sunt mea munera tanti,

Vt Domino iniungant grande laboris onus.

Tu tamen vna salus, & publica cura dolorum,

Hospitibus renues ferre salutis opem?

Frater, vti cernis, vastâ sub mole sepulcri

Occubat, inuiso nomen inane solo.

Quem populatur edax olidâ lue mortis alumnus,

Et putris, heu! tetrâ peste venenat amor.

Tempora si numerem (numerat dolor omnibus  
horis)

Tertia iam lacrymis sæcula iëre meis.

Manè dies surgit nitido rediuius Eoo,

Quem nigra nocturnis vespera mergit aquis.

Etiam quarta mei luctus deuoluitur ætas;

Nec tamen vlla redux omina firmat Amor.

Luna nouo complet cornu reparabile torno,

Menstrua quod rapidis deterit hora rotis.

Ostrifero comit ter nuda roseta galero,

Quæ spoliat pictis inuida bruma comis.

Et quæ non vitidi caput exserit herba theatro,

Improba quam cæco carcere clausit humus?

Terra suos, simul æthra suos instaurat honores:

Emicat hæc astris, stirpibus illa viret:

Quin ergo mea vita, iubes (miserere precantis)

Currat in exsanguis viuida vena sinus.

## E L E G I A . X X I .

M A R T H Æ *querela.*

**L**AZARE mi frater, mœstæ ô te siste sorori!

Ah! in fraterno puluere, quæro nihil.

Iam nihil ille decor vultus, flos, gratia formæ;

Quæ-

Quæque Charis suado fessitat ore, nihil.  
Et nuper tam grande decus Bethanidos aulae,  
Vix leue nunc digitis in tribus hæret onus.  
Ergone fraternas, cheu! pro fratre fauillas  
Admittet viduo nunc soror orba sinu?  
Nomen auum tam grande, tot & spes tanta nepotum,  
Nunc breue nescio quid, curta quod vrna capit?  
Vouerat innumeros longæuis solibus annos  
Palma virens æui, quam tulit atra dies.  
Non illum patrius torquis, non census honoris.  
Censor, & antiquis cera tuetur auis:  
Non illum teneræ lanugo Cydonia malæ,  
Non illum hospitio tessera pacta fidem:  
Non pietas, non æquus Amor, non cura sororum,  
Non domus hæc toties hospite digna Deo.  
Mors nimis, ah! durum genus, & vis nescia flecti;  
Quam nec opes, nec tot gloria flexit opum;  
Dulcia concordēs voluebant pensa sorores,  
Et potis es plenâ scindere fila colu?  
Nemo sed infestæ vitatit arundinis iras;  
Occupat illa viros, occupat illa senes.  
Mors numquã exhaustâ desquit inerma pharetrâ:  
In noua quod promat vulnera, semper erit.  
Cur non ergo pari fors vulnerat arte sororem,  
Et soror in fratris funere funus obit?  
Scilicet infaustæ quò parcat amica sorori,  
Mors fratrem innocuum plectit acerba caput.  
Ultio maiores sic blanda resæuit in iras;  
Quæ mala dum minuit, auget iniqua scelus.  
Mors oculos, fratres geminos, non diuidit impar;  
Si perit hic, alter par necis vmbra perit:

Et

Et mea lux vitæ superâ iam pascitur aurâ,  
 Cui nece fraternâ pars bona lucis abest?  
 Et fratrem rapit, ah! oculis qui carior istis,  
 Aut oculis si quid carius esse potest?  
 Quis saltem dabit his aduoluar vt ægra fauillis,  
 Et bibat, heu! lacrymas quas sitit vrna meas?  
 Vt concors inscribat Amor rorante sepulcro:  
 Si cinis est frater, tota fit vnda soror.

## E L E G I A X X I I .

*Præsentia CHRISTI spem facit susci-*  
*tandi LAZARI.*

**B**ETHANIA, memini, par nobile nuper in aulâ  
 Aurea sæcla tulit, frater & æqua soror.  
 Fortunata domus, socio si currere fuso  
 Stamina adhuc plenâ sors sinat alba colu.  
 Sed benè concordî currentia sæcula filo  
 Præcidit haud æquâ Parca nouerca manu.  
 Mors damnat virides primæ lanuginis annos  
 Perpetuis tenebris, puluereâque domo.  
 Ah modò dulce decus, nunc illætabile nomen  
 Raptus abit frater; raptaque & ipsa soror.  
 Quid tibi nunc animi, cui sors tulit inuida fra-  
 trem,  
 Et cum fratre tuo mors decus omne tulit?  
 In lacrymas abeunt præcordia saucia luctu,  
 Turbidaque vndoso pectore vota tument.  
 Quis tantos tumido depellet pectore fluctus?  
 Vlcera quis molli leniet aspra manu?  
 Anxia quis mœsto deterget nubila vultu,  
 Quasque bibit salso lumine mœror aquas?

Antè

Antè tibi scindent fatalia stamina Parcæ,  
 Immemori fratris quàm cadat urna sinu.  
 Ah! oculis semper fraterna recurret imago,  
 Semper & hæc vacuas faller imago manus.  
 Semper enim gelidis colet hospita saxa fauillis  
 Frater, & in rapto fratre sepulta soror.  
 Ferali ab solio sic mors iubet arbitra rerum :  
 Quâ cecidit, semper vita recumbet humo.  
 Sed tamen armipotens inuictò Numine vindex,  
 Hæc qui sceptrâ necis ferrea frangat, erit.  
 Ecce coronatus nardoque rosaque serenum  
 Adspirat Zephyrus fratris in ora diem.  
 Ipse adest, quondam fratris pius hospes IESVS  
 Qui necis abruptat vincula, victor adest.  
 Hic potis ingentem curarum evolvere molem,  
 Et modico nutu frangere tela necis.  
 Ille supercilio quo concutit æthera, terram  
 Moverit, emotâ vitâ redibit humo.  
 Si modò tangat Amor (tangit pia flamma To-  
 nantem)  
 Ille tuis curis provida cura calet.  
 Adspice Martha, cauam cui mens abit exsul ad  
 urnam;  
 Tuque adco Martha pænè sepulta soror;  
 Vt madidas laxat pius obfes Amoris habenas,  
 Fratris vt extincti sit nouus ille parens:  
 Vt teneros oculos mæror nouus imbuit undis,  
 Vt tibi dulce fuit pignus amicitiae.  
 Ocyor ecce tuo (licet ille celerrimus) imbri  
 Spes ruit ad tumulū vincere prompta necem.  
 Explicat illa sedens tristi super aggere pennas,  
 Et lacrymas alis siccât amica suis.

Vt clàm flos hiemans, auro quæ pingit & ostro  
 Ad solis radios, serica pensa trahit;  
 Erumpitque foras matris viridante sepulcro,  
 Gramineasque struit verna corolla comas;  
 Promittitve graues ramis genialibus vuas,  
 Quæ viret apta rudi lanca gemma botro:  
 Sic nouus emerget vitæ natalis ab urnâ,  
 Succidaque è sicco puluere fila leget;  
 Deque cauo saxo viridi florebit in æuo  
 Frater, vt inde soror gaudia sera bibat:  
 Decerpetque nouos vitali è funere fructus;  
 Puluis enim vitæ semina læta vouet:  
 Et geminam seret vnus de funere vitam,  
 Sospes vbi viuet sospite fratre soror.

## ELEGIA XXIII.

*Ex lacrymis* MAGDALENÆ *vita*  
 LAZARI.

**I**NSOLABILIBVS suspiria mersa querelis  
 Mille per ærurnas vndat in ora dolor:  
 Et gemitum, gemitum geminas lacrymosa, que-  
 relasque:  
 At quis amans dextrâ ludit in aure sonus?  
 Spes erat. an fallor? non fallor. idonea votis  
 Spes erat: arguto murmure læta canit.  
 Lenè supercilium salit, ac fibra vibrat, & omen  
 Nescio quod vitæ candida spondet auis.  
 Iam tibi lanificæ noua fratris in orsa Sorores,  
 Candidiore trahent vellera pura manu.  
 Frigida mors calidos iam iam mirabitur artus,  
 Et regno fugiet mox tremefacta suo:

Ad.

Aduoluentque diem venturis solibus horæ,  
Exsomnes horæ, quo fluet orta salus.  
Nunc age sis, trepidos cinis imbibat arida fletus;  
Et liquor hic certæ vena salutis erit.  
Fac calidos spargas sitientibus ossibus imbres;  
Tum veges irriguis affluet ignis aquis.  
Nam dolor ille pias Numen placabit ad vndas,  
Et memor hospitij tessera nardus erit.  
Flere lubet? fas est, pietas iubet: elice fletum.  
Elicis? vda fuit fratris in ossa dolor.  
Crede mihi, his plus est quàm quod videatur in  
vndis:  
Manat aroma tuis nubila Nympha genis.  
Diues Amoris aroma tuo medicina dolori;  
Vnde fluat, viuo ceu fata fonte, salus.  
Nempe piis lacrymis fratri cùm mœsta parentas,  
Præmia te vitæ dat meruisse Deus.  
Quidquid enim scelerata necis specus halat, &  
Orcus;  
Fletifer extinguet, qui rigat ossa, latex.  
Balsama, balsameoq; super crocō implue nimbo,  
Adjice cinnameus quidquid inhalat onyx:  
Tabentes (haud vana fides) leto eximet artus,  
Quisquis in ossa fuit mistus odore liquor.  
Myrrhea gutta grauem mortis si vincit odorem;  
Lacryma te mortem vincere dura neget?  
Est etiam sua myrrha genis, liquidoque dolori,  
Et noua myrrhatis vita natat lacrymis.  
Altior enim vitæ mœstis Amor ardet in vndis,  
Cui pia pro myrrhâ sospite lympa fuit.  
Inde sitibundas veges imbuet aura fauillas:  
Vitales lacrymæ fratris in ossa fluent.

Si vitam dederit ros vda è fronte sorori;  
 Hanc dare iam fratri lympa negabit opem?  
 Par genus ambo, tenor vitæ par ambo, gemellum  
 Ambo decus, par flos frater & ipsa soror:  
 Et degit sine fratre soror? prô! diuidit vnam  
 Mors animam. an viuet dimidium illa sui?  
 Magdala fraterno iam tota vt viuat Amori,  
 Dimidium reddet sospite fratre Deus.  
 Alter in alterius speculo par viuet imago,  
 Quam sibi depinget alter & alter Amor.

## E L E G I A X X I V.

*Exsurgit LAZARVS tumulo.*

**D**ESINE fraternas lacrymis vrgerè fauillas,  
 Et sua non iusto soluere iusta rogo.  
 Vltèriùs nè tende: suos mors improba ludos  
 Egit, & in pullâ scena peracta togâ est.  
 Vt quid adhuc pluuio damnas tua lumina nimbo,  
 Obnubisqûe graui sindone tritte caput?  
 En Deus ex alto, tragici qui nubila luctus  
 Discutiat. CHRISTO mors rea ludus erit.  
 Cernis, in aspectu nec opinus vt adstitit vnæ,  
 Et longum celeri fraude fefellit iter?  
 Non audis gemitus, suspiriaqûe & singultus  
 Inter, & heu! rupto murmura trunca sono?  
 Qui tumulum simul ac vidit, tumuloq; repostas  
 Reliquias animæ Magdala mœsta tuæ;  
 Fleuit, & ô, dixit humenti lumine I E S V S.  
 Lazare vbi es? mœsto murmure, Lazare vbi es?  
 Mortis vt attonitas ea vox irrupit in aures,  
 Concussitqûe solum, funereamqûe domum;  
 Ilicet



Ilicet iſta cauo procul exſilit, exſilit antro,  
Feralesque fugit non reditura lares.  
Non tulit illa, Deus quas deſonat ore, procellas,  
Quasque vibrant oculi, non tulit illa faces:  
Quippe gradu ut propiore Deum libauit, in iſto  
Stans cinere, ab tanto ſole fit ipſa cinis.  
Cerne, redux pulchrum funeſtis faucibus Orci  
Extorquet ſpolium vindice vita manu:  
Ferratumque necis ſceptrum præſcindit, & alas:  
Mors proprio in regno cœpit inerma mori.  
Vitalis gelidos paſſim vapor induit artus;  
Palpitat, & viuo verminat igne latus.  
Oſſa calent, venæque micant, feruentque me-  
dullæ,  
Pallidus exſanguis floret in ore color.  
Viſa ſoror cum fratre mori, cum fratre ſepulcro  
Surgit: it vnus funere vtrique ſalus.  
Sicut erat vinctus lanâ, linoque tenaci,  
Lazarus erupit carcere marmoreo.  
Sic tamen obuinctos ſoror ilicet implicat artus,  
Adnumerans viuus oſcula mille genis.  
Dum rapit amplexum, curuatique illigat vlnis;  
Impediunt auidas improba texta manus.  
Viſa queri, dixit, Cur non & vincula ſoluis,  
Qui potis es ferreæ rumpere iura necis?  
Solue, (hæret intertextâ pes compede vinctus)  
Liber inoffenſo diſcede frater eat.  
Soluitur; enodi pes ilicet impete pernix  
Exſilit: en patrio frater oberrat agro.  
Aureaque abruptis adnectit ſtamina ſilis,  
Et noua iam vitæ fœdera ſerò legit.  
Lanificum hic vltra linû, & data penſa ſororum,

Fertiliore trahet altera sæcla colu.

O quæ tabifico vertebas lumina nimbo,

Et cui nota graui nocte serena dies;

Quis tibi nunc animus fratrem inter & inter

I E S V M?

Quò prius aduerteres officiosa gradum?

Ad Dominum, an fratrem? trahit hic, trahit ille:  
quid hæres?

Sed potiùs Domini grata prehende pedes.

Sine pedum potiùs vestigia lambe, vel vmbra;

Quoque stetit, labio supplice rade solum;

Vt facis. ô quisnam ille dies! quæ gaudia! quantus,

Quantus iô plausus! frater & alma soror

Viuit: iô viuit concors iam nomen Amoris

Frater, & in reduci fratre renata soror.

Et quos in geminum mors discidit improba  
funus,

Nunc viuunt geminis cordibus vnus Amor.



# LIBER TERTIVS.

## MAGDALENA

### A M A N S.

#### ELEGIA I.

MAGDALENÆ *placētus ad*  
*Crucem.*



EN' (prò quale nefas!) mortis spe-  
ctare triumphum?

Sanguineo in nimbo flebile sta-  
bo gelu?

An mors atratas aget ad nigra fra-  
na quadrigas,

Et statuet victo clara tropæa Deo?

Mors tantum scelus, ah! tantos mors ausa do-  
lores?

Et crux immensis spinea silua malis?

Ah! necis immunem mors sic mors impia vitam?

Ah! quis sic potuit vertere morte Deum?

Ille triumphator, mundi que, Erebi que, necis que,

Nunc morti infelix ipse triumphus erit?

Sic caput augustum rea larua satelles Auerni?

Te, Iesv, ah! quantum mutat acerbus Amor!

Sed sua fors mutata, meos nil mutat Amores:

Me dolor opto pari figat & ipse trabe.

D 4

Omnia

Omnia per similes, pectusque, caputque, pedesque,  
Ferre velim spinas, tela, flagella, cruces.

Vulnifico sub dente secant tibi tempora spinæ?

Omnis & in spinas horridus ibit Amor.

Sin' vtramque; manum mors exedit aspera clavis,

Omnis & in clauos pesque manusque ruet.

Si latus irrumpit crudeli lancea ferros,

Et cor Magdaleis eruet hasta fibris.

Nec mors vna satis: millenos posco mucrones,

Pectus ut effodiant vulnera mille meum.

Ferre sic aurum mihi sæcla reducet in æuum,

Qui mihi vitali de nece viuet Amor.

## ELEGIA II.

*Amor à Cruce MAGDALENAM*

*sauciat.*

**M**AGDALA quid ploras, stans Iudicis ante  
tribunal?

Plus sæpe, & alternam spemque; metumque; seca.

Nonne vides læuo furor ut tonat ore querelas,

Sic tamen ut dextrum sternuat omen Amor?

Aspice, ut blandis radiis conuiuet **I E S U S**,

Transpiratque pias in tua corda faces.

Scilicet emaculat veterem noua gratia labem,

Exuritque nigro crimina inusta sinu.

Pulchrius occumbes castis nunc hostia flammis,

Quæ vixti piceis improba larua genis.

Eia, sacro deside iugo iam nescia noxæ,

Cui mors sollicitas federat ante fores:

Nec magis emoueat fraus vlla, vel improbus  
error;

Sed

Sed fidos oculos obuia fige Deo.  
 Cor breue meta sacris hîc stabit idonea telis;  
 Quæ tibi,quàm credas,plura minatur Amor.  
 Quippe tuis cirris ille hospes inerrat, & hostis,  
 Et legit implexis stamina torta comis,  
 Queis arcum intendat. arcus crux horrida ferro,  
 Cui lato gremio cornua bina patent:  
 Inde vomet telum, quadrâ è trabe rasile telum,  
 Cui viuus roseo floret ab imbre color.  
 Nectare pars rorat, pars altera fellis aceto,  
 Quale nocens crudo miscet Apella mero.  
 Cui non,vt quondâ,nitido mucro fulgurat auro;  
 Sed tribus è clauis sica tricuspis hebet.  
 Cerne,cauo iaculum metitur & aptat in arcu,  
 Et ferit: infestâ concidisicta manu.  
 Ecquid iô crudelis Amor, sic fallis amantem?  
 Et neruo obliquo tela trifidula iacis?  
 Dulcis amarities! sanat, quo vulnerat, ictu.  
 Quàm vaser hostis Amor!dû nocet,arte iuuat.  
 Nempe suis miscet telis de dispare succo  
 Ambrosiam atque aloën dulcis amaror Amor.

## E L E G I A I I I.

MAGDALENA *pro fructu Crucis*  
*amorem decerpit.*

**A**NTE crucem stabat curuis innexa lacertis  
 Magdalis, in ligno stringere visa Deum.  
 Hîc gemit, hîc plorat, clauisq;ue suberrat acutis:  
 Magdaleum tingit purpura multa caput.  
 Hîc quot sanguineos distillant vulnera rores,  
 Tot socio in fletu Magdala rorat aquas.

Guttatimque breues cor extenuatur in vndas,  
 Tabescitque pio dum rigat imbre crucem.  
 Quas pluis ægra, piæ crux imbibit arida lymphas;  
 Quis scit an affusis trabseæ crescet aquis?  
 Exsuccus Phariæ ramus si vixit eremo,  
 Quid vetat è vitæ palmitè vita fluat?  
 Magdaleis olim dabit hospita tecta latebris,  
 Quæ modò crux Solymo squallet aprica iugo.  
 Purpureâ istius mali desidet in umbrâ  
 Magdalis, ambrosias carpere iussa dapes.  
 Fallimur? irriguos crux sicca virescit ad imbres,  
 Imbres quos oculus nubila fudit Hyas.  
 Gratia at hæc æco ne decidat immemor ævo;  
 Diua cruci incidit nobile pignus, A M O.  
 Si breue nomen, A M O; sed non brevis ardor  
 Amoris.  
 Quisquis amat Numen, flammea sæcla trahit.  
 Iam lego facundo victurum in cortice nomen;  
 Arbor ut hæc crescet, crescet alumnus Amor:  
 Quoque magis viridi veterascet adulta senectâ,  
 Hoc mage Amoris ouâs hic iuuenescet honos.  
 Eia, parens vitæ Crux, pulchri germinisatrix,  
 Cresce licet; ramo diuite poma legam:  
 Poma verecundo sed quæ sunt ebria succo,  
 Et queis vitæi purpura multa rubet.  
 Quin & viuus odor spirat morientis amomi,  
 Quale suo è gutto pyxis odora dedit.  
 Finge licet (quamquam vanum sit fingere) nas-  
 quam  
 Mala legi: hunc truncum vel tetigisse, sat est:  
 Euge, piâ iam tange manu lignû. ignis in illo est:  
 Id simul attigeris, cor trahet inde facem.

Sci-

Scilicet his spinis Amor ardet, & ardet oliuo:  
 (Crux olea:) his flammis pabula sanguis alit.  
 Si tibi sanguineâ viam legis arbore tedam,  
 Perpetui fructus instar hic ignis erit.  
 Ardeat ô dio, pia Magdalis, ardeat astro!  
 Sub Cruce, fax Solyino stabit honora iugo.

## E L E G I A I V.

MAGDALENA *exposcit pro lanceâ ad-*  
*mitti in CHRISTI latus.*

**L**ANCEA quò properas CHRISTI bibi-  
 tura cruorem?

In latus, heu! Domini lancea sœua mei?  
 Invideo augusti tum nobile pignus honoris,  
 Cui datur in Dominos ire, redire, sinus;  
 Arcanasque operire fibras, & Amoris asylo  
 Purpureo sœuæ pandere mortis iter;  
 Rimarique cauas alto sub corde latebras,  
 Vnde fluit vitæ vena benigna mez.  
 O si nunc eadem mihi fors foret! aliùs isto  
 Hærerem thalamo sanguinei lateris:  
 Nec mage, uti vacuas celer hasta recurrit in auras,  
 Inde meus fixo corde rediret Amor.  
 Tam dulcè poteras malè prouida linquere sedē?  
 Non ego, ad hoc vulnus si mucro fortè forem.  
 Sed cur non Amor (ut solers faber ille) recudit  
 Cor in acuta necis spicula digna Deo?  
 Nil vetat excuditeretem de corde mucronem:  
 Cor trifidum cuspis nōne triformis habet?  
 Cor acuit natura: piæ id prætexe sarissæ;  
 Et cor in Domini curret, ut hasta, sinus.

Non ego crudeli rescindam pectora ferro:

Si quod erit vulnus, vulnus Amoris erit.

Imbuet & noster non noxia spicula sanguis,

Aut si quis melior sanguine succus eat.

Mulcebo lacrymis, mulcebo & vulnera nardo,

Vel si quis nardo dulcior halat odor.

Sed quid ego in vanas pia cœpta refingo querelas,

Et desiderii spes ego fallo meis?

Fallere vota parum est: falsis spes irrita votis.

Adiicit arsuras in mea damna faces:

Et desiderii augeat crescentibus ignes;

Tum redit in vacuum multa querela sinum.

An querar? immiti mors quod dedit aspera ferro,

Ah! mihi cor Christi cur dare tardet Amor?

Hæc tua Christe fides? nostri hæc fiducia voti?

Vt quâ cuspis igit, Magdalin ire vetes?

Cor morti referas, & viuo id claudis amori?

An tibi mors vitâ dulcius ergo decus?

Cor ô claude neci, viduæque reclude clienti,

Vt meus in Domini pectore viuat Amor.

Seu potius regnet, solioque superbus eburno,

Purpureoque toro Regia sæcla trahat.

Lux mea rumpe moras. spes sera deurit amanti:

Otia tarda celer ferre retractat Amor.

Ah! nondum iustas facili bibis aure querelas,

Nec patet ô votis vlla fenestra meis?

Ecce tibi lato latus omne dehiscit hiatus:

Credo sub his costis limen Amoris hiat.

Limen Amoris hiat, & eburnea pandit amanti

Ostia, quæ roseo purpura flore rubet.

O me



O me felicem! subeo iam pectus IESU:  
 Dicebam imprudens. heu! mucro clausit iter.  
 Prô scelus indignum! fera mors sub pectore IESU  
 Sæuit, & in lacrymas Magdalis exsul abit?  
 Quid morti ah! licuit? Regina superba cruento  
 Mors sedet in solio, purpureâque togâ:  
 Et cor inexorata meo sera claudit Amori.  
 Id merui? hæc nardi præmia summa meæ?  
 Hos ego tot lacrymas, tot balsama & oscula, in-  
 vilius,  
 Vt seclusa Dei pectore mœsta querar?:

## E L E G I A. V.

MAGDALENA *spinam cruentam*  
*sub Cruce alloquitur.*

C R V X ubi sanguineas diræ necis explicat  
 umbras,  
 Panditur ah tragici scena cruenta mali.  
 Scilicet ut tristi pia Diua sub arbore sedit,  
 Affigens Dominæ pendula corda cruci;  
 Asperados luctus, lætisque maligna supellex,  
 Incidit ignarum spina redunca sinum.  
 Quæ simul ut vidit pignus dotale doloris,  
 Et terigit tenerâ spicula dura manu;  
 Illicet exclamat mordaci faucia telo,  
 Sic tamen ut spinis gaudia blanda legat:  
 Spina procax diro quæ dente laceffis IESUM,  
 Deque sacro IESU tinctâ cruore mædes;  
 Vngere te dicam, num pungere? fluctuor anceps.  
 Vngis amans leni sanguine, pungis acu.  
 Vulneror, an sanor? telum an medicamen ab uncto

Sumo rubor mors hinc, inde medela finit.  
 Alterutram dederis dono de dispare sortem;  
 Vtraque fors votis dos erit apta meis.  
 Fortè sed immemori ne munus id excidat æuos;  
 Rex Amor hæc sento præmia scribe stilo :  
 Sanguine scribe: Mihi spem Cæli his assero donis;  
 Sanguis enim pretium ius mihi spina dedit.

## E L E G I A V I.

MAGDALENA *Vulnera* CHRISTI  
*exosculans.*

**V**VLNERA dū teneris demulcet hiulca labellis  
 Magdalis, & toto combibit ore Deum;  
 Quina parat quinis decerpere suauia plagis,  
 Carpit inexpletis oscula quina labris.  
 Vix dedit, è quinis sub dona regustat amoris  
 Pabula, & ô blandas vda per ossa faces.  
 Mox decimâ è flammâ centenos fœnerat ignes;  
 Et centum vt tribuit, oscula mille rapit:  
 Altera rursus amans hiat, altera & altera rursus,  
 Altera que vt clausit oscula, rursus hiat:  
 Altera que innumero numero delibat, & addit  
 Millia; & vt dederit plurima, plura vouet.  
 O quoties gemit inter hiantia suauia I E S V:  
 O Amor! ô I E S V! ô dolor! ô lacrymæ!  
 Sit satis hoc. sed enim saties quænam esset Amori?  
 Quæ semel ille dedit munera, sæpè dabit.  
 Mille & mille sacris noua glutinat oscula plagis;  
 Rursus & illacrymans millia dena legit.  
 Nec fat philtrea legi millesima mille per ignes,  
 Mille per amplexus, mille per & lacrymas;

Sed:

Sed numero innumero cōturbat & omnia miscet,  
 Ora, faces, lacrymas, vulnera, labra, genas:  
 Aspectatque gemens necis irreparabile crimen,  
 Transfunditque animam funus in egelidum;  
 Frigenti que suam ponens in funere vitam,  
 Extincto immoritur victima viua Deo.

## ELEGIA VII.

MAGDALENA *osculis explorat*  
 CHRISTI *Vulnera.*

**L**ASSA Dei opprobriis Crux lamentabile  
 pondus  
 Tandem ut submisit Magdaleo gremio;  
 Magdalis (ah! trātos spectas vigil Helpere luctus?)  
 Exanime in corpus vix animata ruit:  
 Hæretque amplexu, & strictis caput apprimat  
 vlnis,  
 Quæque secant pressas spinea ferta genas:  
 Frigentesque animam scrutatur anhela per artus,  
 Exploratque manu vulnera quanta patent.  
 Membra pererrat amans, lustratque sub indice  
 tactu,  
 Si qua novæ vitæ vena superstes eat:  
 Indagatque sinum lateris, mortisque latebras;  
 Plagaque si qua manu, plagaque si qua pede.  
 Cuncta sed heu! pallorq; stuporq; geluq; rigorq;  
 Vulnera, probra, cruor, deque cruore dolor.  
 Et nullum reperit letato in Numine Numen:  
 Heu! gemit immenso fata minora Deo.  
 In vacuas plagas visum consumit hiantem,  
 Cui fera mors Sponsi semina mortis alit.

Fun-

Fundit Amans imbres, genitosque tot imbris  
ignes:

Aeger Amor mœstis fax comes ardet aquis,  
Vt fractos oculos leti glaciant sub vmbra  
Vidit, & inflexum mortis in arma caput;  
Tum crebri gemitus extorri pectore anhelanti:  
Expressusque oculis muta per ora dolor:  
Inque Deum vultus flexi, pariterque reflexi,  
Votaque sub lacrymis flebilè docta queri.  
Ora silent, & corda sonant, sed nescia linguæ;  
Ingrediturque oculos vox sine voce dolor.  
O quoties, quoties (non est numerare querelas),  
Mi I E S V, ingeminat: hæccine nostra salus?  
Ille mei pars magna, meæ decus ille salutis,  
Ille meæ vitæ vita, cor ille meum?  
Et tu CHRISTE iaces mortis lacrymabile pignus,  
Magdaleoque gelas pallida forma sinu?  
Me tua crudeli discerpunt vulnera morsu:  
Quæ tibi spina caput, cor fodit illa meum:  
Quam quoties specto, toties traho saucia flam-  
mam;  
Inque nouâ flammâ corda remordet Amor.  
Dumque tuos oculo libo sitiente cruores;  
Imbibis heu! lacrymas ô mea vita meas!

### E L E G I A V I I I.

*Vngit CHRISTVM sepeliendum.*

SOLLICITIS oculis plagas rimatur hiantes,  
Suspensaque manu nobile tollit onus;  
Et viduos roseâ Sponsi ceruice lacertos  
Implet, inexhaustis Magdalis ægra malis:

Et:

Et dulces rapit amplexus, quos multus acerbat  
 Mceror, & è spinis spineus vrit Amor.  
 O quoties gelidisque genis, gelidisque labellis  
 Oscula dum reddit, se sibi pænè rapit!  
 Nemo meos, eheu! iam leniet ergo dolores?  
 Nemo meos? clamat saucia, nemo meos?  
 Magdala quid differs mortis cōnubia? CHRISTO  
 Iungere: mors consors; tu modò rumpe moras.  
 Tu mihi CHRISTE tuis texe horrida feta rubetis;  
 Et tibi tincta meo sanguine feta struam.  
 Luctus emit concors æquæui pignus Amoris,  
 Et fidis lacrymis pabula luctus alir.  
 Sed quid ego? hæc iam sera necis vocat hora se-  
 pulcro,  
 Et vocat ad tumulū, quem modò claudio sinu.  
 Ergo sedet tandē tot post lamenta, querelasque,  
 Assyrio siccum tingere rore gelu.  
 Nolo thymo thymbræque grauis vomat huc ca-  
 lathiscus  
 Vndantes gremio diuite veris opes:  
 Lecta Palæstino sed balsama quæro vireto,  
 Quique rubis Arabis delacrymatur odor:  
 Ingenuus luctus sibi quale reposcit aroma:  
 Quale decus tantum funus & ossa decet.  
 Cerne, Deo plenos inuergit Magdala nimbos,  
 Altaque odoratis vulnera mergit aquis.  
 India cum Tmolo, Panchaia iuncta Moluccis,  
 Tota Dei pleno manat in ossa sinu.  
 Magdalei vultus, cordisque relucet imago,  
 Ah! myrrhæ in speculo, quod nisi amaror habet.  
 Quàm gelidos citò myrrha liquefcit amara per  
 artus,

Tam

Tam citò Dina pares liquitur in lacrymas.  
 Queis sese omnigeni permiscet amoris aroma,  
 Sudor Arabs, Syrius succus, & Indus odor.  
 Quin etiam violæq; rosæque, & odora Cyperus,  
 Et ver omne generis vndat odoriferis.  
 Scilicet ambrosios mellita per oscula rores  
 Mulget odoratis Magdala fixa labris.  
 Iesseidæ floris cinis hic quot spirat odores,  
 Cinnama tot reddit Magdali gratus Amor.  
 Funeris hoc fœnus. pia nōne per oscula

CHRISTVS

Magdaleis afflat ver & aroma labris?

## ELEGIA IX.

*Lucta MAGDALENÆ cum Iosepho de  
 CHRISTI funere.*

**V**T gremio excepit lacrymabile pondus  
 IESVM

Magdalis, & leti lugubre depositum:  
 Quid moror, & crudi solatia tardo doloris,  
 Nec spargo liquidâ membra cruenta croco?  
 Ingemit, & vacuas CHRISTI fugientis in vlnas  
 Labitur, amplexuque hæret in exanimi;  
 Attollensque oculos cælo, palmasque supinas,  
 Et suspiria anhelâ alta trahens animâ.  
 Oshiat, ah IESV! vox prima pendit hianti  
 In labio: mœstus currit in ora latex.  
 Verba dolor frænat, vinctos stupor occupat artus;  
 Quamque riger funus, tam riger illa gelu:  
 Desidensque solo, pallentem aspectat IESVM.  
 Videris hoc, dices: Funera bina iacent.

Hæc

Hæc inter, pia cura sacri quem funeris vrget,  
Appulit : attollit stebile pondus humo,  
Iniectâque manu lacrymabile pignus Ioseph  
Occupat, ereptum pectore Magdaleo.  
Quæ modò visa mori, vigil ocyùs emicat Euro  
Magdalis, & contrà dulce retentat onus.  
Ah quibus & quantis hæc vritur anxia curis!  
Ah quibus & quantis viribus ille rapit?  
Ah! IESVM! IESVM! IESVM, ah mea pignora  
Ioseph  
Eripis? ah IESV Magdalis orba suo?  
Illacrymatque super, suspiriaque ægra resorbet;  
In rapto Domino iam sibi visa rapi.  
Cur adamantis nervos non muto catenis,  
Déque meis texo stamina lenta fibris?  
Molliaque in tentum mihi membra recudo me-  
tallum,  
Vnde sequace fluat textilis ære labor?  
Sintq; manus manicæ, pes compesidonea prædæ,  
Captivum vt teneant ferrea vincula Deum?  
Dura quidem fateor res ferrum, & nescia frangi;  
Aurea sed victor vincula reddet Amor.  
Ferreæ sint equidem voueo mihi fræna. sed cheul  
Diripiunt surdi vota caduca noti.  
O modò felices nodo meliore rudentes,  
Et clauî, Domini qui tenuere pedes!  
Sed malè pro vinculis longas vbi texo querelas,  
Hei mihi! cælestes surripit hostis opes.  
O mea lux, iam lucis inops, & imago doloris,  
Sed cui adhuc dio pectore vita salit;  
Aspicis heu! durus mea damna, nec yreredânis?  
Aspicis, & nostri nil memor vrit Amor?  
Hostis

Hostis erat quicumque meum tulit asper IESVS;

Iam rapit hunc Ioseph, & mihi frater erit?

Dixit, & hamatos CHRISTO mox iniicit  
vngues:

Reppulit iniectas hostis ab hoste manus.

Hinc tener affectus, rapit hinc sacra cura sepulcri:

Et pia lis CHRISTI cœpit ad ossa seri.

Alter abire iubet, vetat alter adire sepulcrum:

Pugna calet discors, hic tenet, ille trahit.

Certat vterque, pares intendit vterque lacertos:

Et duo cùm pugnent, prœmia neuter habet.

Hæret in amplexu Domini, spolioque doloris

Funereo, exuuiasque alter & alter habet.

Et tandem eluctans à Magdaleo complexu

Victor iô Ioseph rettulit indunias.

Ille fugit, sequitur rapido pede, & virget euntem:

Magdalis infelix: ocyor ille rapit,

Marmoreoque sacram prædam commendat a-  
sylo,

Obfirmatque graui prouida claustra serâ.

Tum verò gemitus, suspiriaque ærumnosa,

Quique fuit mœstis fletus amarus aquis,

Singultusque, dolorque, & mille volumina  
luctus,

Mille simul fluctus pectore Magdaleo.

Alternat dubiam pallorque ruborque figuram;

Quique in corde sedet, transit in ora dolor.

Et saxum vt tetigit, saxo defixa stetit mens;

Mens, heu! cum Domino saxea facta suo.



## E L E G I A X.

*Mors MAGDALENAE, CHRISTO  
iam sepulto.*

**A**H! decus ille tuū iacet algida gleba sepulcro?  
Magdali quid dubitas faucia tota mori?  
Nec vis vlla cauo iam saxo exsculpet I E S V M?  
Magdali quid dubitas faucia tota mori?  
Altera surgat Eos, nec adhuc tibi surgit I E S V S?  
Magdali quid dubitas faucia & orba mori?  
Naufragus. vt delphin siccis expirat arenis,  
Halcyonūmve parenstristibus exsul aquis:  
Sic longas lacrymas inter, lentosque dolores,  
Pergis ad hanc rupem faucia tota mori.  
Corde dolor, stat fronte timor, mors lurida vultu,  
Ore gelu, malis nubila lymphæ fluit:  
Marcet anus iam ruga genis, floremque iuuentæ  
Ante diem violat præcoce Parca situ.  
Sic quam fera negat longis dare solibus ætas,  
Dat tibi momento nox hodierna necem.  
Vix sibi mors credit, vt te sine vulnere mortis,  
Hic vbi mors non est, sensit amore mori.  
Pallet inerma, timetq; nouis exterrita monstis,  
Ne ducete, mortem viuere cogat Amor.  
Quid faceret? trepidum mors obserat ægra se-  
pulerum,  
Armatoque nigras obsidet hoste fores:  
Ne sua regna domes pulchro frangenda triūpho,  
Et tuus hoc viuat marmore victor Amor;  
Iamque triumphatâ de morte superstes amanti,  
Vitali nequeas mortis amore mori.

E L E-

## ELEGIA XI.

MAGDALENA frustra à CHRISTO  
recens sepulto solatium expectat.

VNXIT amans, abiit, planxit pia Diua Mag-  
gistrum,

Inde domo ad rupem triste reflexit iter:  
Accumbensque specu, velut umbra satellites A-  
moris,

Per lacrymas spectat, dura quid urna tegat.  
Nequidquam spectat, pariterq; & abesse gementē  
Et venisse piget: sic tamen ægra sedet.

Quod super, illacrymatque, gemitque, tenetque  
sepulcrum,

Extinctoque iacet immoritura Deo.  
Accessi propius: quod nescio triste per aures  
Murmur ijt; fallor? murmur Amoris erat.

Scilicet expectas scruposo ab mortis asylo  
Dulce decus vitæ, mors quod auara tenet.

Sed mel puluereâ leti quis speret ab urnâ?  
Exsudent liquidum marmora dura fauim?

Mitte graues curas, mea Magdali mitte querelas,  
Et desiderij contrahe vela tui.

Nequidquam niueis spes adblanditur in alis;  
Spes tibi quæ luctum leniat, occubuit.

Flos periit, mel vnde legas, & dulcia vitæ  
Pabula, nectareis pabula lecta genis.

Non illi Zephyrus vitales annuit auras,  
Non illum riguis educat imber aquis:

Non tellus, non æthra fouet, non mitius astrum,  
Turbida sed diro sidere damnat hiems.

Non

Non illi liquidos indulget Nais amores;  
 Vritur immiti flos tener ille gelu.  
 Attamen hoc quoties ducis suspiria prato,  
 O quoties inhias mellis auara fauū!  
 Vel saltem modicum rorem libasse vel auram  
 Hac violā, ô quanti præmia mellis habet!  
 Opto quidem, roscō lege pabula blanda labello.  
 Sed quid? Iesseides flos nisi sicca cinis;  
 Attamen vsque super volitat tuâ cura sepulcro,  
 Haud secus ac vernis pasta melissa rosis.  
 Mel quid adhuc inhias apis? ô malè provida  
 Amoris,  
 Ocyùs hinc rapido mœsta facessè gradu.  
 Hic quod agas nihil est primæuo in frigore leti;  
 Spes vbi nulla faui est, fel necis ægra bibes.

## ELEGIA XII.

MAGDALENA *dubitat, an lacrymis,*  
*an myrrhâ ungat* CHRISTVM *se-*  
*pultum.*

Vt nouus aurato Titan incanduit ostro,  
 Lætaque purpureo sidere fulsit Eos;  
 Magdalin virget Amor, stimulis Amor acribus  
 vrit,  
 Nec languere diu passus, in arua rapit.  
 Sicut erat (& erat plenis onerata alabastris)  
 Currit, & albentes turbida lustrat agros. (est.  
 Quò ruat, inquis? marmor breue meta labori  
 Hic spes, hic cupidæ præda relicta spei est.  
 Vt ventum propius necis ad ferale theatrum,  
 Constitit; incertus pes sed vt vnda labat.

Huc

Huc alternus & huc animum rapit æstus, & altis  
Vndantem curis dissona vota trahunt.

Quo de fonte sacræ libabit dona fauillæ?

An myrrhâ, an lacrymas, munera prima feret?  
Et myrrhâ & lacrymas geminâ dic fundat acerrâ:

Vna duplo (nescis?) hîc calet ara sacro.

Hîc homo cui leto crux surpuit improba vitam,  
Et iacet hîc leti nescia vita Deus.

Cerne, pios sitiunt tot hiantia vulnera rores.

Si lubet inferias soluere, solue croco.

En myrrham (qui mortis honos) nardumque  
sepulto

Impluis, Arabico munera lecta solo.

Nolo crocum myrrhamque, pio sine rore doloris

Et sine fruge croci, nolo doloris aquas.

Cinnama quid surdum spirât, inodoraq; myrrha

Exspirat, socias ni dolor addat aquas.

Nam fastidit Amor costumque, rosamque, cro-  
cumque,

Nili liquor iste fluat, qui sit Amoris odor.

Ille tuis oculis tepidas exsudat in vndas;

Nullus enim mœsto gratior imbre vapor.

Funde licet lacrymas; lacrymæ mera nardus  
Amoris;

Et pia myrrha nouâ tinxerit arte Deum.

Quippe genis quas mœror aquas irrorat amarus,

Mortis amans myrrhâ diuite vertit Amor:

Balsameosque meris lymphis distillat odores;

Quæ calet artifici Dædala flamma foco.

Quid vetat, & lacrymas, queis tingis & vngis

I E S V M,

Myrtheus vnguento vertat olente dolor?

E L E.

## ELEGIA XIII.

MAGDALENA *secum disputat quâ in parte CHRISTVM reperiat.*

**R**OSCIDA prata leui pede iam permensa,  
 sepulcro  
 Adstitit, & quærit saucia Diua Deum.  
 Cui placidum ridens niueis qui cander in alis,  
 Mitte Deum, dixit, quærere; CHRISTVS abest.  
 Vox ea Magdaleas teli vice vulnerat aures,  
 Exclamat lacrymans, iam propè visa mori:  
 CHRISTVS abest, & abest orbo mea vita sepulcro?  
 Mors etiam docuit fallere saxa fidem?  
 Cur lapis hic cineris custos tam nobile vitæ  
 Deposito falso est passus abire sinu?  
 Sensus abest saxis, fateor; tamen illa tueri  
 Debuerant fidâ pignora tanta ferâ:  
 Atque ego debuerâ potius dare claustra sepulcro,  
 Debueratque vigil stare satelles Amor.  
 Sed quid ego vanis onero rea saxa querelis,  
 Et votis onero sidera fessa meis?  
 Nec potius venor profugæ solatia lucis,  
 Pulcher ubi lætus ridet Eöus agris?  
 O mihi quis cæcis prætendat itura tenebris  
 Stamina, Thesca deuoluenda manu?  
 O utinam rectos regat æqua decempeda calles,  
 Ne vagus obliquis trames aberret agris!  
 Ne labyrinthus fallat amfractus & error,  
 Ah! malè palantes curua per arua pedes.  
 Vota sed hæc nisi vana leui ludibria vento.  
 Heu! via nulla viæ, dux mihi nullus adest.

E

Cyn.

Cynthia nocturnas solatur amica tenebras,  
 Nec mihi spes mediâ morte dat vlla iubar?  
 Arcturi ad glacians vbi sidus & astra Trionum  
 Cana pruinosis bruma senescit agris,  
 Sæpè tepet mediis, quasi verna flabella, pruinis  
 Mitis, & immites temperat aura nives.  
 Ast vbi me gelidam crudus timor vrit ad urnam,  
 Nulla meos mulcent omina blanda metus.  
 Ah me ter miseram! cui spes sterit omnis in vno  
 Et perit vna viro, quem mihi prædo tulit.  
 Ni mage marmoreâ mortis iam compede liber  
 Errat, & errantes abdit vbique pedes.  
 Fors iuga celsa, cauæ fors infima vallis I E S V S,  
 Abdita fors siluæ, fors sola nuda terit.  
 Forsitan alternus tetras perlustrat & æthram,  
 Fertque refertque nouo, quâ lubet, orbe gradu.  
 Forsitan his saxis (& saxa ostendit) I E S V S  
 Secubat, arcano præda beata specu.  
 Quò ferar? in dubias mens scinditur auia curas,  
 Vt sese ista secant compita mille viis.  
 Vos precor, ô cedri, vos & iuga confita cedris,  
 Vos precor, ô fontes, amnigenæque lacus;  
 Dicite, si qua cedrustegat, aut regat hospita rupes,  
 Nympha vel alba suis si qua recondat aquis.  
 Quem vaga venor agris, omniq; crepidine fontis,  
 Quò lare, quâ siluâ, quâve residit humo?  
 Qua me cumque tulit variis vaga semita campis,  
 Semita mendaci tramite fallit iter.  
 Ah! nusquam redit ille meæ spes fera salutis,  
 Siue sagax lustrò flumina, siue solum.  
 Sisto fugam. hoc vnum restat solamen amanti;  
 Arcta fides iunget, quos via longa secat.

Vt

Vt sibi longinquos fons distitus adligat amnes,  
 Vitreaque in profugis vincla propagat aquis;  
 Quoque magis largo fugit vnda volubilis aluco,  
 Hoc magis vndosas fluminis auget opes:  
 Fortè peregrinis, sic esto, deeret arenis  
 CHRISTVS amans, & amans Magdala.

CHRISTVS abest;  
 Attamen absentes longinquis iungit habenis,  
 Et CHRISTO sociat Magdalin arctus Amor:  
 Quoque magis longo via diuidit inuida tractu,  
 Amplius hinc lacrymis vndat vtrimque dolor;  
 Sed quibus alternos absens sibi pascat amores.  
 Quem spatium minuat, sic mage crescit Amor.

## ELEGIA XIV.

MAGDALENA frustra CHRISTVM  
*quinis sensibus indagat.*

**S**PES nimium fallax saxo promisit ab isto  
 Pandere purpureæ nobile lucis iter.  
 Iam bis purpureo fax aurea fulsit Eoo,  
 Iamque bis occiduis naufraga sedit aquis;  
 Nectamè apparet pes, aura vel vmbra Tonantis:  
 Heu mihi spes tollit, quã dare spondet opem.  
 Cisseis vt vacuo mentitur vina corymbo,  
 Mendacique sitim fallit iniqua botro:  
 Sic itidem vano mens omine nixa, caduco  
 Ludit in euentu. quid nisi vota sequor?  
 Quà sequor errantem comes errabunda salutem,  
 Si non illa graui marmore pressa iacet?  
 Saxa per aspra rudisque ruam violenta salebras,  
 Quà dolor æger agit, quà rapit orbus Amor.

Flumina, flumina, vos vallesque, specusque, petraque,

Abditis arcano, quem vaga quaero, sinu?

Quaeram fluminibus, quaeramque in vallibus imis,

Quaeram sollicitis nescia stare petris.

Quaeram spelæis, quaeram circumuaga siluis,

Et quaeram stabulis, vimineisque casis:

Nec mihi suspectæ fraudem struet umbra latebræ

Vlla; nec vllus ager, qui malè faller, erit.

Nec malè securæ faller nox vlla cauernæ,

Vlla nec ignoro ludet arena solo.

Nec me frondiferi fugiet reses umbra fruteti

Vlla, nec vllus agri cespes, & vlla specus.

Nullus inaccessa sese angulus abdet eremo,

Quem mihi non retegat lyncea lampas Amor.

Denique nullus erit Syriis in finibus orbis,

Quem mea non rapido mox pede cura teret.

Quid iuuat vsque; teri reteri; tot arua, tot hortos,

Et toties tritas ire redire vias;

Ni spectem, tangamque, bibamque, & odoror

IESVM,

Delicias & amans mutua verba seram?

Ite mei socio concordēs agmine sensus,

Ite duces animi; sensibus error abest.

Ascendo speculas; oculus celer erro per auras

Auolat: ab speculis nulla figura redit.

Mille vias propter vigil auribus aucupor auras:

Nulla sed hinc aures nuntia fida legunt.

Naris abit, rapidosque sagax venatur odores:

Nulla sed aspirat naribus aura Deum.

Tango solum, premo pressa pari vestigia passu:

Nulla solo sacros sculpsit imago pedes.

Dux



Dux oculus fallit, fallit vox nuntia rerum,  
 Pes explorator fallit vbique fidem.  
 Sisto. sed vrget Amor, nectit vigil augur & obfes  
 Vota nouis votis, ominaque ominibus:  
 Spesque vigil somnus de I E S V somnia fingit;  
 Vana sed heu! oculos fascinat vmbra meos.  
 Quo me cumq; fero, nox omnia, & omnia mœror,  
 Omniaque ignotis obuius error agris.  
 Nescia quo flectam, dubio labo pendula voto.  
 Stabo? vel ibo? sedet inter vtrumque dolor:  
 Accumbam tumulo? spes ægra sed affidet vmbriis.  
 Abstistam? rapto quid sequar orba Deo?  
 Incumbam potius iam iam moritura sepulcro:  
 Par cui vita stetit, par necis vrna reget.  
 Quis dabit æquæuo concors cum funere funus?  
 Par cineri cineres misceat vrna meos.  
 O ille vt felix, pia mors quem iungit I E S V,  
 Includitque pari corpora bina specu!  
 Tuque anima ô felix, proprij si corporis exsul,  
 Ad Domini sacrum prouida corpus adis!  
 Haud dubiũ viuas duces hoc marmore flammæ,  
 Ignea nam grauido puluere vena salit.  
 Teque tuo hîc iunget I E S V mors pronuba vitæ:  
 Hoc tumulo thalamũ castus adornat Hymen.

## E L E G I A X V.

*Magnanimitas* MAGDALENÆ

I E S V M *quærentis.*

**F**ERREA spinosæ permensus sæcula vitæ,  
 Christe iaces sicco sicca fauilla specu?  
 Ibo, balsameis immergam vulnera succis;

E 3

Ibo

Ibo parentali soluere iusta sacro.

En crocus, en nardi liquor, & liquor almus a-  
moni,

Quos Arabâ spinâ stillat anhelus odor.

Inspexi marmor; sub marmore nullus IESVS:

Rimor hiantes specum lumine; nullus adest.

Nulla sonat saxi vox, vlla nec adsonat undis,

Vlla nec ad Zephyrum sibilat silua sonat.

Iam bis obortus aquis, & bis sol naufragus undis,

Ex quo spes vacuo me fugit orba sinu.

Heu! gemini mihi iêre dies sine sole, sine astro!

Et gemini, ô miseram! iam periêre dies!

Vt mihi prima fugit, fugit altera lampas Eôi,

Sic fugiet cæcis tertia luna rotis.

Vt metuo! au vanis terrent me somnia monstros!

Ah! nimium ex vero me manet atra dies.

Sciupea quem seruet fidi tutela sepulcri,

Perdedit inclusum perfida petra Deum.

Væ miseræ! mihi væ miseræ! cui saxa vel ipsa

Fallere securam iam didicêre fidem.

Si tamen infido quis marmore raptor IESVM

Surpuit, aut si quo furta reposta sinu,

Differe; & euoluam cæcis mea viscera lustris,

Prædo licet multo scipiat ense specum.

Fors erit vt condant altæ mea damna cauernæ,

Fors erit vt prædam plurima silua premat,

Mille lupos inter, bellatricesque lænas,

Armatosque vros, armisonasque tigres.

Nil moror infestis vlulanda pericula siluis,

Quaque fremit sæuas Martia turba minas.

Est & femineo sub pectore mascula virtus,

Est Mars femineæ qui vibret arma manu.

Ferrea

Ferrea vis, & inexpugnabilis umbo sagittis  
 Nónne adamantæo pectore perstat Amor?  
 Pardorum domitrix, debellatrixque leonum,  
 Cincta triumphali fronde tropæa geram.  
 Ipse mares animos pulchris Amor induit ausis:  
 Dux Amor inuictus; quo Duce, miles ero.  
 Vel Phlegethontæas perumpam inuicta pha-  
 langas,  
 Vindictæque pias vindice Marte sequar:  
 Atque Atæis immista sacri pars ibo triumphi,  
 Festus & ipsa mihi læta triumphus ero.  
 Inuento fruitura Deo, & victrice coronâ,  
 Tunc Cælum in Stygio carcere læta colam.  
 Quòd si fors viduo mea spes absistat Auerno,  
 Ibo redux terris pignora rapta sequi.  
 Arcturi ad glaciem Iesse si paruulus heros,  
 Ipse suo maior prædo leone leo,  
 Nescio quid tenerum de dente leonis & vrsæ  
 Eripuit, sæuis fortior ipse feris;  
 Ipsum vt Iesseidem manus hæc extorqueat vncis  
 Vnguibus Autolyçi, prælia nulla geram?  
 Ditius an spoliū, & victricibus aptius hastis,  
 Et mage digna manu vindice præda rapi est?

## E L E G I A · X V I.

*Eiusdem argumenti.*

**N**ON timet ille fretum, sacra quem sitis in-  
 coquit auri;  
 Oppida qui lustrat, non timet ille fretum.  
 Asper ad arma ruit, bello qui præmia quatit;  
 Quem nouus vrit honos, asper ad arma ruit.

Sedulus vrget humum, spes quem tenet aurea  
messis;

Quique metalla fodit, sedulus vrget humum.  
Nec mea magnanimus flammât prœcordia  
Mauors,

Grassaturque sacer pulchra per arma furor,  
Captium vt Dominum ( faueant modò Numi-  
na cœptis )

Eximat armatâ clara virago manu ?  
Imbelli licet in peplo, tot damna pudoris  
Sustineam, vt nostras occupet hostis opes?  
Ilicet egregios ibit meus ardor in ausus,  
Et victrix spoliū mortis ab vngue feram:  
Et sexum mentita viri, victrixque pericli,  
Prædoni eripiam præmia digna viris:  
Et sub Amazoniis ducam agmina Martia peltis,  
Ni satis in palmas dextra sit vna meas.  
Castra Iabinæasque rotas dux femina bello  
Subruit in præceps armipotente manu:  
Bethuliaque Syras vt proruat arce quadrigas  
Iudith Abrahamij gloria prima chori,  
Assyrio conferre pedem fuit ausa Tyranno,  
Et tot Achæmenidis præscidit vna caput:  
Nec poterit Solymæa phalanx duce Magdali  
victrix

Rapta Palæstino figere signa tholo?  
Si lubet æqua pari componi tela duello,  
Dux ego discordi cum Duce bella seram:  
Et spoliis bellator ouans Amor ibit opimus,  
Victori que Deo grata tropæa feret.  
Sin lubeat certare dolo (& dolus hæret in armis)  
Magdalis in Sisaram vera futura Iahel.

Quod

Quòd si clauus abest, crux suggeret obuia clauū;  
Et figam validâ tempora bina manu:  
Aut ego millenas irrumpam sola phalangas;  
Vincere castra facit ferrea solus Amor.  
Par vnus si mille viris, par mille sarissis,  
Ille Palæstinis dira procella feris;  
Et tot ab innumero victor tulit hoste coronas.  
Samson, Mauortes qui sibi mille facit:  
Viuida millenas vis parturit Heroinas,  
Auspicio CHRISTI dux ubi pugnat Amor.  
Magdala Samsonis rediuiua resurget in arma;  
Feminaque vna ruet millia mille virū.  
Et inagno proauo comes ibo per arma, per hostes,  
Proque Loto vindex, asseret hasta Deum.  
Quis scit an ille mihi quernæ dabit orsa coronæ,  
Ciuiticaque crepto pro Duce ferta struet?  
Quidquid erit, iuuat ire per omnia tela, per  
ignes,  
Bella ciente solo, bella ciente mari.  
Hac ego ferratâ coniuro in prælia dextrâ:  
Eripiam vitam Marte dolôve meam.  
Iamque triumphali frontem redimita corymbo;  
Siue tuo Daphne, seu mage myrte tuo,  
Ad notos reueham spoliū prælustre penates;  
Quale dedit laurus nulla, nec vlla dabit.  
Non Atræum referam terrâ Nilotide manes,  
Ossaque Abrahamio rursus humanda solo;  
Eximium sed Abrahamidūm Isacidūmque pa-  
rentem,  
Quique triumphatâ morte tropæa refert:  
Sustollamq; humeris, & amabile pondus IESVM  
Bethanio aduoluet alba quadriga solo:

Deque triumphali spoliū tam nobile curru  
 Bethanides ducent in mea regna nurus;  
 Includentque eborique, auroque, ebanoque, sma-  
 ragdisque  
 Ossa, futura meo dulce monile sinu.  
 I nunc, & terno duc terno ex orbet triumphum  
 Cæsar, & i paribus Cæsaris hostis equis:  
 Tuque adeo Marcelle, Mari, Luculle, Duilli,  
 Et Capitolinā quisquis in arce litas:  
 Vnicus ille mihi par mille & mille triumphis,  
 Qui spoliū reuehet tam graue, currus erit.  
 Millia mille Ducum mihi nonne reducet in vno  
 Ille viro, & toto grandius orbe caput?

## ELEGIA XVII.

MAGDALENA *votorum nauim ad  
 tumuli portum aduertit.*

VENTVS vt incertis altercans errat arenis;  
 Sic tibi diu discors dissona vota trahis.  
 Isque redisque vago, via quā rapit auia, fluctu,  
 Vt mendace specu te rea ludit humus.  
 Nam sibi fit pectus mare mille volubile curis,  
 Quod timor atque nouo turbine versat Amor.  
 Quem sequeris, nusquam est. Iuuat ire per inuia  
 mundi,  
 Palantemque rapi per vada cæca ratem?  
 Si qua salis tibi mica, salum fuge flebile luctus,  
 Non satis experto currere gnara salo.  
 Littoreo at scopulo tu surdior. Itur in æquor:  
 Agmen agens fluctus auia vela vehit.  
 Vnda tibi lacrymæ, cor nauis, vota rudentes,  
 Ton-

Tensa timor, gemitus flamina, clauus Amor,  
Vela piæ curæ, merx aurea funus amantis,  
Quod reuehat plenâ spes opulenta rate.  
Nautea multa, sed hîc & nausea multa doloris:  
Antlia fletiferis manat aquosa genis.  
Quisquis in hac pinu sedet, omnibus errat arenis:  
Ipsa sibi hæc nauis nauita, & ipsa fretum est.  
Attamen hanc fabricat, vastisque gubernat in  
vndis  
Magdalis, ipsa suo pænè sepulta mari.  
Illa volubili in æquore oberrat, & inuocat Euros,  
Anxiaque incertâ sub trabe regna secar.  
Sæpè minax geminat aduersa pericula terror,  
Sæpè vehit prono spes rata vota salo.  
Siue opus est remo, lentâ quatit arbore fluctus;  
Siue opus est velo, carbasa panda regit.  
Quæ statio hîc, quæris? statio ah lacrymabile  
saxum est,  
Cui diram Solymâ mors struit arce Pharon:  
Funestam vnde facem cæco prælucet Amori,  
Deque necis nimbo sidera dira parit.  
Magdala sic queritur mediis deprensa procellis;  
Quam contra ab supero sic canit orbe fides:  
O fuge tam tristem Domini de funere tedam;  
Ah tibi portus erit naufraga Scylla dolor!  
Sed potius rectum dextrâ rege remige clauum:  
I duce spe vitæ conscia signa sequi;  
Vitalique Deum iam surgere crede sepulcro:  
Quod modò petra minax, ara salutis erit.

## ELEGIA XVIII.

MAGDALENA *expostulat cum  
inani sepulcro.*

**V**T stetit ad saxum gelido mage frigida saxo  
 Magdalis, & vacuo pænè sepulta specu;  
 Attentis oculis rimatur auara sepulcrum,  
 Et geminam lustrat lyncea tota petram.  
 Nil reperit, nisi quid breue nescio textile lino,  
 Angulus obscurâ quod niger abdit humo.  
 Ilicet exclamat, moriensque incumbit hiantem  
 In cautem, ipsa sibi Magdala visa rapi:  
 Siccine tu rupes, rupes, ah! perfida rupes,  
 Fallis, & affectus surripis ergo meos?  
 Heu! vbi sancta fides, si marmora nescia vitæ  
 Nunc quoque fallaces edidicêre dolos?  
 Prô facinus! sic bruta silex eludet amantem?  
 An cos asperior marmore marmor habet?  
 Affectum quæ nescit, alet petra perfida fraudes?  
 Mors etiam hanc artes erudit ipsa suas?  
 Quærebam, cui cinnameos liquor imbuat artus,  
 Heu nisi fallaci lintea cerno specu,  
 Vnde mei cœpit detexi tela doloris,  
 Tela per innumeras euoluenda moras.  
 Fallimur heu nimium! nimium me fallit IESVS,  
 Qui pede tam celeri fraudat amantis iter.  
 Heu! ego quid merui? vel quo rea pecco piaclo?  
 Ni graue sit crimen, munera ferre Deo.  
 Sed pietas suprema iubet dare dona sepulto:  
 Et rea pecco? meo à crimine crimen abest.  
 Sic tamen immeritam plectit, quam fallit IESVS;  
 Et



Et procul, heu! vitam diripit ille meam.  
 Ille suburbanis iam fortè deerrat agellis,  
 Fortè terit Solymæ, fortè Sionis iter.  
 Quid iuuat hic omni si fors spatietur in agro,  
 Què loca cuncta vouent, si mihi cuncta negēt?  
 Tuque etiam, ah! Aurora meam rapis improba  
 lucem,  
 Quam matutino Sole spondit Amor.  
 Ergo meis (ô nox mihi quanta resurgit Eoo!)  
 Excider æternum lux mea luminibus?  
 Aut mea si tardis maturas vota quadrigis,  
 O cur non Phaëthon sit tibi noster Amor?  
 Quàm rapidis stimulis laxas vrgeret habenas?  
 Quàm rapidis IESVM quæreret ille rotis?  
 O ego tunc! ô quæ suspiria mista querelis,  
 Amplexusque, crocosq;, osculaq;, & lacrymas!  
 Sed quid plura? rapit Zephyrus mea vota per  
 auras,  
 Et vaga cum Zephyro cor rapit aura meum.

## ELEGIA XIX.

MAGDALENA *suum quem querit*  
 IESVM *describit.*

**E**RRAT inops voti, per rura, per arua, per arces;  
 Oppida, & Isaciis compita secta viis,  
 Magdalis, ignotumque diu venatur IESVM;  
 Vndique venantem sed sua præda fugit.  
 Instat amans, vani spem pascit in omine voti:  
 Quam sibi mille viæ dant, sibi mille negant.  
 Ah! quoties Solymæ deserta pererrat arenæ,  
 Et quoties viridi fessa recumbit humo;

Metaturque vagis oculis iuga, flumina, campos,  
Si qua sui I E S V forsitan umbra sedet!

Omnia spondebant I E S V M, I E S V M omnia celât,  
Siue oriente die, siue cadente die.

Si quis, ut in populo, per amœna vireta viator  
Obuius, aut solis obuia nympha locis;

Magdala quærit amans: Hoc tramite numquid  
I E S V S,

Hac siluâ I E S V S errat, an errat agro?

Quod si fortè meum nescis, quem sector, I E S V M;  
Teque Dei ignarum nescius error habet:

Ille meo tantas accendit pectore flammâs,  
Ut tibi noster Amor luceat inde facem.

Te nox cæca tenet, si non hos conspicias ignes,  
Nec micat hinc oculis viua lucerna tuis.

Amplius an quæris? quæ vox, quæ gratia vocis?

Quæ coma, quæve color? quæve sit oris honos?

Si nunc ille redux dias erupit in auras,

Deque triumphatâ morte refert spolia;

Millibus è multis pulcherrimus ille virorum,

Orbis honos, Diuûm gloria, Solis amor.

Non eius nitido certet nix Bistonis ori,

Aut rosa purpureas vincat amœna genas.

Illius auratis cedit Aurora capillis,

Argentumque genis, coraliumque labris.

Frons illi tranquilla sedet, stat blanda seueris

Maiestas oculis, vox sonat ista Deum:

Vel tenui radio quem si tua lumina carpant,

Iurabis Domino Numen inesse meo.

Te trahet ille graui vultu, seu temperat iram;

Seu latis oculis annuit, ille trahet.

Hæc I E S V facies, nitidique hæc gratia vultus,

Lux

Lux nimiùm lacrymis infidiosa meis.  
 Mille caput terebrant mordaci cuspide sentes,  
 Quinquifidumq; notant vulnera quina decus.  
 Sic licet informis liuor turparit, & horror;  
 Pulchrior hunc omni flore venustat Amor.  
 Vt quid adhuc lento me torre viator aduris?  
 Dic, precor, affectus quæ tenet ora meos?  
 An specus, an rupes, templumq;ue, vel ara Sionis,  
 An nemus, an campus, flumē, an hortus habet?  
 Quid tibi vis? miseram feras cur fallis in horas?  
 Ludis in æumnas seria damna meas.  
 Et si fas fuerit, te tandem adiuro, tuamq;ue  
 CHRISTE crucem, vitam nunc mihi redde  
 tuam.  
 An benè vitali mea vita resurget Eoo,  
 Vt data lux aliis, nox mihi cæca foret?

## ELEGIA XX.

CHRISTVS *specie hortulani ap-  
 parens se subducit.*

NIMBOSIS oculus pernox hibernat in Austris,  
 Auia sollicito dum pede quæro Deum.  
 Quot rores pluuiâ marmor defudat in aurâ,  
 Tot lacrymas sicco marmore mœsta pluo.  
 Sed quid opus votis? cursu magis vsus & cæstro est.  
 Vitæ in curriculo lampada poscit Amor.  
 Ergo viam alterno pede metiar hasce per herbas,  
 Aura spei ab CHRISTO si qua superstes agat.  
 Haud procul ab tumulo lux ecqua suberrat  
 ocellis,  
 Incerto radio promere visa diem?

Siste

Siste gradum mulier, quis radit sibilus aures?

Quæ micat hîc viridi candida marra solo?

O mihi quisquis ades formosi cultor agelli,

Dic, precor, herbosâ furta recondis humo?

Mi bone, quid cessas? te, te per conscia tector

Saxa, per & fuluis qui terit astra rotis;

Teque per has ego (quæ magni mihi ponderis  
instar)

Adiuro lacrymas: Quo mea vita specu?

Euoluam latebris, & in hos ego femina & ægra

Tollam humeros; vret sarcina blanda caput.

Dulce parentis onus quis ferre retractet, & exfors-

Corpus Iessæi germinis exuias?

Sin potiùs vigil ad ferrum rapit hostis I E S U M,

Quasque rapit, pernox ceu draco, seruat opes;

Eripiemus, & in media arma ruemus: & ignes

Irruo; stat pulchrâ Numina morte sequi

Dux ubi pugnat Amor, quæ Mars intetât Amâti;

Arma, faces, enses, ludus inermiserunt.

Nec timor infringet stimulos virtutis, & iras,

Hostilem ad clypeum, teligeramque manum.

Nec mors, aut pallês fera mortis ad omina terror,

Imbellem ex sanguisculpet in ore metum.

Ite minæ, atque adeò tu sica satelles; Amanti

Futilis è plumbo pugio semper eris.

Sed quò cæca feror? dic, aut da quæso sepultum,

Exuiasque cauo furta reuolue specu.

Dum moror, aut rugas expecto, & iurgia vultus,

Ecce mihi blandâ fronte serenus ait:

Eia, Maria. Quid hoc? simul ac sonus impu-  
lit aures,

Lux oculos afflat candida. CHRISTVS adest.

Ipfus

Ipfus adest, & fpecto palàm, quem fector, IESVM:

Quin ruo in amplexus, osculaque & lacrymas.

Viuit iò. me fomnus habet? iò viuit IESVS.

Viuit iò, viuit, lux mea viuit iò.

O mea spes! ô delicia! ô flos aureus æui!

O decus ille meum! lux mea, CHRISTVS  
adest.

O defiderium! tot in horam hanc viximus annos,  
Aeterno vt liceat iam mihi Sole frui.

Quæ lux, ô Superi! fpectabam; euanuit, heu!

Quæ nox, heu! oculis orta repentè meis!

Me tamen absentem sic absens tangit, & vrit;

Meque vbi linquit amans, febris amoris edit.

En iecur arcanâ face lancinat improbus ardor,

Quem fugiente Dei parturit igne dolor.

Me miseram! si tantus edit nunc eminus ignis,

Me propè vt attigerit flamma, quis ardor edet?

Si mihi vel fpectasse Deum, reperisse salutem est;

Ecquid erit tali Sole perennè rapi?

## ELEGIA XXI.

MAGDALENA *ubique appellat*

IESVM.

**I**LLÆ catenatas vmbrosi carceris vmbas

Qui soluit victor sub trabe quadrifidâ,

Nónne triumphali de curru inuitat alumnos,

Meque adeò in primis ad sua signa vocat?

Sic reor: & tardas votis innecto catenas?

Nec pede, nec volucris mente per astra sequor?

O cur non aquilæ volucres cor induitalas,

Ardua quò remo præpete regna legam

Vena-

Venatrix lacrymosa Dei? caua brachia pennis  
 Verte Potens rerum, te pia Diua fruar.  
 Et quocumque lubet, facili cor dirige sceptro:  
 Stare iube; stabit: dic eat; ibit Amor.  
 Sed quē venor amans, fugit ibicis instar & hinni:  
 Ah dolor! errantem quo sequar orbe Deum?  
 Quò fugit ille, meos oculos rapit, & rapit ignes:  
 Quo pede mens, & quo spes pede tendit iter?  
 Fors maris vda terit, propiorve assurgit Olympo;  
 Fortè Thabor, Solymos fortè pererrat agros.  
 O cælum! ô tellus! ô felix æquora nomen!  
 O tria deliciis regna beata meis!  
 Hic tot odora meæ vestigo cubilia prædæ;  
 Nullus at inde redit suspicionis odor.  
 Imploro iuga, saxa, lacus, vallesque sonoras,  
 Imploro & refugos tecta susurra specus.  
 Et dolor inclamat ah I E S V M! & rursus I E S V S  
 Ingeminat, I E S V S rursus in ora redit.  
 Terque iterum clamat I E S V S, ter & antra re-  
 clamant.  
 Ah I E S V S, I E S V S, tristia saxa gemunt.  
 Auritis scopulis I E S V S redit exsul in aures  
 Magdaleas, I E S V M quælibet aura parit.  
 Ista quid ad I E S V M? non hos erratur in vsus,  
 Omnibus vt sterilis meta sit error agris.  
 Aeternum ad Verbū vocis quid inanis imago est?  
 Quid facit ad I E S V M futilis aura meum?  
 Anne putas vt Hylan Naïs mutauit in auras,  
 Mors I E S V M vacuo verterit ægra sono?  
 Fictus at error Hylas, & mendax fabula Naïs;  
 Hic sonus in I E S V fictus, & error erat.  
 Sic gemit, & tandem frondente residit in vmbra,  
 Dum

Dum peragrânt longas lumina fessa vias.  
Luctifonâ turtur tum fortè gemebat in orno,  
Accendens querulis anxia corda modis.  
Cui pia Diua graui iamdudum saucia luctu :  
Orba viro turtur desine mœsta queri.  
Hæc mea sors potiùs. iusti Crux causa doloris.  
Hei mihi! sanguineâ tela quotorta Cruce?  
Arbore in hac , cheu ! quondam mea gaudia

## I E S V M

Sustulit immiti mors violenta manu.  
Connubia, optatosque toros, sacròsq; Hymenæos  
Rescidit hinc clauus, rescidit inde rubus.  
Ille meis arsit ter felix flamma medullis,  
Pronubus astrigerâ quam face pavit Amor.  
At nunc intempestiuus nox opprimit umbris,  
Et mors marmoreo condit auara sinu.  
O cur non volucres mihi turturis induo pennas,  
Cui sacer erepto Numine luget Hymen?  
Mille gemens filius , tunc mille vagarer in  
umbris,  
Et procul impleret rauca querela nemus :  
Ac vacuo gremio modò quem suspiro tot aruis,  
Pro gemitu, ô I E S V , vox foret vna, R E D I.

# LIBER QVARTVS. MAGDALENA EXSVLANS.

## ELEGIA I.

*Somnium MAGDALENÆ de fu-  
turâ suâ navigatione.*



**D**VM dolor in-curas nocturnis excu-  
bat horis,

Et vigil in fletû tædia sera trahit;  
Sidereum mundum furuis emensa  
quadrigis

Iam Phœbe Oceani fræna lauabat aquis.

Tum somnus gelido perfudit lumina cornu:

Illa papauercâ nube sepulta natant.

Ergo cum fessos placidus sopor irrigat artus,

Sido solo, & molli lassa recumbo toro.

Discolor hîc variis obludit imago figuris,

Appingitque animo somnia mille meo.

Et vidi, aut vidisse reor, super æquora puppim

Nescio quam, fati conscia signa mei.

Illa rebellantis Nerei meditata triumphum,

Pandit Ioppæo vela superba mari,

Aegæi passura minas, cælique furores,

Quæque ruunt nimbo bella fluentifono.

Cui



Cui tremulis pennata phalanx alludit in alis,  
 Cæligenumque duces omnia læta canunt.  
 Quæq; super resonis chorus aliger accinit vndis,  
 Spargit aquis niueum cana columba iubar.  
 Quæ præit illa, sequor: sed quæ sequor auspice  
 Cælo,  
 Vndosum Cyano marmore signat iter.  
 Ridet inoffensum pacato lumine Cælum,  
 Et picto annumerat sidera mille salo.  
 Iamque sonant remi clauusq; frementibus vndis,  
 Veliuolamque vehunt flabra secunda ratem.  
 Excitor ô: remi sonus excitat, excitat vndæ.  
 Heu! mare quod vidi, somnus & error erat.

## E L E G I A I I.

*Aliud Somnium.*

**V**T placidi rupit fragor improbus omnia  
 somni;  
 Iam vigil vmbroso mœsta resido toro.  
 Sidentem tacitis alius sopor impulit alis.  
 Victa labo: somno triste reclino caput.  
 Velifero campo rediuiua recursat imago;  
 Inque mari puppis quæ prius iuit, abit.  
 Ibat ouans remis, Zephyrique ferentibus alis,  
 Prora per Aegæum Carpathiumque fretum.  
 Ecce, micat, volucrique secat caua nubila cursu  
 Nescio, quæ velis obuia Diua meis:  
 Cui teneris nix casta genis, cui viuida vultu  
 Purpura, & ambrosijs gratia suada labris.  
 Statque corona comis, altoque in vertice tures,  
 Et viridem pingunt florea regna togam.

Hic

Hic valles Dryadumque domus, montesque co-  
mantes,

Arua, lacus, fontes, flumina, saxa, specus.

Et bene (si memini, nec me vaga somnia fallunt)

Ales ab occiduis appulit illa plagis:

Idque vbi se curuo lunant caua cornua portu,

Turritumque tumet terra superba caput.

Inde domo (an fallor?) vacuū decurrit in æquor,

Occurritque meæ conscia Diua rati:

Adnarat & delphin (quid enim non somnia  
fingunt?)

Nobile cui cingunt lilia fulua caput:

Nereidumque chorus, plaudensque ad cornua  
Triton,

Exsultimque vibrans omina dextra canit.

Interea puppim pulcherrima Neptunine

Lustrat, & aspirat candida Diua iubar.

Vt quid, ait, cæcas palaris vt vnda per vndas,

Quam rapit incertis ventus & æstus aquis?

Siste pedem, volucremque fugam, soror æmula  
Diuis:

Quæque mihi flauent lilia, munus habe.

Aurea veliuolam quot cingunt lilia malum,

Gloria Magdaleo tot dabit astra mari.

Massiliam pete, Massiliam mea regna; sub isto

Littore currenti meta stat apta rati.

Dixit, & antennas malumque coronat, & auro

Liligero lustrat lucida Diua trabem.

Dum specto, in vacuas euauit ilicet auras.

Lilia vt astra micant, cetera nimbus habet.

Nunc erat optatas tandem vt mea pinus arenas

Tangeret, emenso non reditura mari:

Festa

Festa cauâ at Triton dū personat æquora conchâ,  
Et clarum irradiant lilia fulua diem;  
Massiliam conclamat ouans, & nauita rursus  
Massiliam ingeminaus classica festa canit.  
Excitor, abruptis sonus & lux obuia somnum;  
Si modò sit somnus gaudia vera sequi.

## E L E G I A I I I.

*Abripitur MAGDALENA in  
exsilium.*

**M**ANE memor vigili voluebat Magdala curâ,  
Quæ dedit hesternâ somnia nocte quies;  
Exspatiansque foras vernis errabat in agris,  
Roscida dum primo gramina sole virent.  
Sic viridi errantem campo rapit improbus hostis,  
Et patriæ auellit dirus Apella sinu.  
Effugit illa manus, & inobseruata paternos  
Ambit inique lares: denique prædo rapit;  
Ac procul, heu! procul ignotas deportat in oras  
Fingentem patrijs oscula liminibus.  
Et tandem geminas socio cum fratre sorores  
Dirus Ioppæo littore latro stitit.  
Hic (vt fama refert) infelix Cassiopeæ  
Gnata stetit diræ victima dira feræ.  
Monstrifero Andromadæ portu vt stetit anxia  
voti  
Magdala, cui cingunt monstra cruenta latus;  
Illicet exclamat tot mortes inter & hostes:  
Andromede ad Ioppen altera rursus ero.  
Figere ceratis voluit pia vota tabellis,  
Sed pia fingentem vota procella rapit.

Sic

Sic tamen arcanis assignat vota querelis,  
 Pro cerâ vt lacrymis scribat anhela suis:  
 Quot nardi antè dedi spicas, tot spondeo fletus,  
 Si teneat portum salua carina suum.  
 Quæ rea nunc voti crudele paciscor ad æquor,  
 Tunc damnata nouo fenore dona luam.  
 Talia spondentem rursus ferus impulit hostis,  
 Et rapit in duram turba proterua ratem.  
 At cymbam vt vidit nudâ, & sine præside cymbâ,  
 Magdalis irato currere iussa mari;  
 Ingemuit (vox illa fuit plorantis, & cheu!  
 Exsulis) imbellem dum subit ægra trabem:  
 Statque, labatque, tremente tremens rate, vt vnda  
 sub Euro;  
 Et tandem pauper paupere lintre sedet.  
 Hic somnû, hic memori retractat mēte carinam,  
 Liliaque, & votis omina lata suis.  
 Sed nisi vah! mendax ea gaudia noctis imago.  
 Heu miserâ! in fragili iam lare mœror habet.  
 Atque ait illacrymans: Tumidam super æquora  
 puppim  
 Sic mihi liligeris somnus adumbrat aquis?  
 Heu! ego quâm fallor! mihi an hæc promissa  
 salutis  
 Pignora, si truncâ stat trabe fulta salus?  
 Aspice, vt vndiuagus carcer, sine remige puppis  
 Claudicat incerto nescia stare salo.  
 Clauus abest, & abest habili manus arbitra clauo;  
 Et freta qui verrat spumea, remus abest.  
 Non pes, non velum, non anchora; & ibit in  
 æquor  
 Cymba procelloso prouolüenda salo?

Somnia

Somnia quàm fallūt mendaci in imagine rerum,  
Quam nox errorum parturit atra parens!  
Spectabam remos, & ouantia carbasa ventis:

Heu! stat præsiidiis cassa carina suis.

It tamen vndosos Nerei passura furores,  
Immensumque breui spes trabe currit iter.

Quàm metuo fragile Boreæ ne turbo phaselum  
Obruat, aut rapidis hauriat vnda fretis!

Exsul, inops, & inerma leui in rate femina franget  
Neptuni furias, Hippotadæque minas?

Massilio timeo noua ne det nomina ponto

Magdala, Magdaleo dum cadet hausta mari:  
Immensumque mihi Tyrrhena fit vnda sepul-  
chrum;

Nauitaque, Hoc, dicat, Magdala merse salo est.  
Scilicet hæc delphin ferale natantibus omen

Naufragij antè dedit tristia signa mei.

Quis scit an illa meis lux quæ stetit ardua velis,  
Non fuerit diris lugubre fidus aquis?

Quidquid id est, asper timor omnibus incubat  
vndis;

Adfultantque breuem spumea bella trabem.  
Hanc primū vt vidi cymbā, heu! in turbine vidi;

Et vidi, heu! lacrymis naufraga pænè meis.

Exitus hic somni est; (somno quis vanior error?)

Et tamen ille meæ dux fuit antè rati.

Magdala sic lacrymat data præda procacibus  
Euris,

Quam rapit incertis ventus & vnda fretis.

Haud tamen occumbit vesanis fracta procellis:

Dux cui spes, puppis spe duce tuta natat.

## ELEGIA IV.

*Æstus MAGDALENÆ inter Spem  
& Metum.*

**M**OBILE fulcat iter maris arbitra pinus &  
Euri,  
Et procul Ifaciis abnata exsul agris.  
Et Mariam, Mariæque pio cum fratre sororem,  
Vecta mari pondus nobile cymba vehit.  
Quàm nihil in fluxo fidum sale? turbinis instar,  
Heu! Timor in placidis Magdalin vrget aquis;  
Stansque atrâ in tunicâ piccis sic infit ab undis:  
Quò ruis undoso non reditura fretò?  
Irritaque feras audaci lentre procellas,  
Quas non sustineat pinea silua solo?  
Quis furor hic vastos curtâ trabe scindere fluctus?  
Sola fretum, vinctes Magdala sola Notos?  
Hinc latrat fera Scylla, vorax fremit inde Cha-  
rybdis,  
Et Nerci rabies, Aeolidumque furor.  
Quis tibi nunc animus? tantis obnoxia damnis,  
Quâ flectes trepidam fluxa per arua fugam?  
Frangè tot armatas flammis undisque procellas;  
Tunc demum apta rati laurea ferta leges.  
Sed non est tumidos vt speres vincere fluctus,  
Bellaque nauifrago deuoluenda mari.  
Nunc igitur prono pelago lege littoris oram:  
Sin; dabis irato iusta placida mari.  
Sic Timor; & rapido simul impulit impete fluctû  
Monstriferû: icta graui pondere cymba gemit.  
Dat latus alternum circum bacchantibus undis:  
Heu!

Heu! propè iam tumido gurgite succubuit.  
 Parte aliâ niucis sed Spes alludit in alis;  
 Quæque venit, pontus parte serenus agit.  
 Magdala quæ dubiis tibi mens nunc innatat vndis?  
 Si Timor absterret, Spes iubet astra sequi.  
 Illa ferâ ut Tethyn, rabidos sic vincit & Austros,  
 Quæque tuum cingunt monstra tremenda latus.  
 Dixit, & in vacuas Spes auolat ilicet auras.  
 Lux brevis irradiat, cetera noctis erant.  
 Littus ut alternis vagus æstus oberrat arenis,  
 Incertumque brevis fit sibi arena fretum:  
 Sic par cura tuo voluit sub pectore fluctus,  
 Spesque Metum discors, Spem Metus ipse premit.  
 Turbidus inde Timor millena volumina versat,  
 Spes facili hinc remo mobile verrit iter.  
 Heu! lacrymas inter suspiriaque æmula vento,  
 Ambiguo in fluctu naufraga corda natant!

## ELEGIA V.

*Massilia inuitat MAGDALENAM.*

**O** Zephyre errantem pennâ rege præpete  
 cymbam;  
 Nō grauat hoc pondus, prora quod arcta capit:  
 Seu potius passis celer euehe Magdalin alis;  
 Tam pia ferre mari sidera magnus honos.  
 Pennigero in curru cur non eat altior vndis,  
 Quæ tot inhumanâ sub cruce bella tulit?  
 Parua licet ratis hæc, cui nobile Magdala pondus,  
 Dignior Argo est, quam vchat vnda, trabec.  
 Ut quid adhuc tardas? nescis? gēs proxima Diuis,  
 Ni faucas, Euro ludicra turba cadet.

Eia, sacram pennâ celer excipe remige puppim,  
 Ne bibat æquoreas naufraga cedrus aquas.  
 Te saltem adiuro, volucres mea iussa per auras  
 Defer, & occiduis Aeole clange plagis;  
 Et cane: Massiliâ quotquot stabulantur arenâ  
 Veliferæ puppes, puppiferæque domus,  
 Illicet abrumpant omni retinacula saxo,  
 Magdaleoque ferant obuia vela choro.  
 Si Syrij adlatrant fugientia vela molossi,  
 Ac patrio absterrent liuor & ira solo:  
 Non eadem rabies Phocœide feruet arenâ;  
 Ionis hîc Graium sed sapit vnda salem.  
 Mens Gallo melior: magnæ soror æmula Romæ  
 Massilia inuitat, hospita Nympha, ratem.  
 Hîc faciles animi, blando hîc Charis obuia vultu:  
 Hospitia hîc lassis publica pandit Amor.  
 Nunc agedum, quæ tot ventis luctaris & vndis,  
 Fessa mari huc fessam Magdala flecte ratem.  
 Cernis? amica meus pandit tibi brachia portus:  
 Te tutò excipient littora curua sinu.  
 Trans Nilum & Tanaim, trans Rhenum, In-  
 dumque vel æquor,  
 Sceptra Charis nusquam candidiora regit.  
 Sunt etiam & nemora hîc, vallesque, lacusque,  
 specusque,  
 Aptæque sunt lacrymis regna relictâ tuis.  
 Euge, coronandæ florent hîc lilia fronti,  
 Magdali siue tuæ, Lazare siue tuæ.  
 Sed quid te moror, & lentis spem prorogo ventis?  
 Militat obsequio ventus & vnda tuo.  
 Iam nusquâ Aeolidûm tumido fera prælia ponto,  
 Sed stagnant placido lubrica regna mari.  
Aurea-



Aureaque innumeris pingit nox equora flammis;  
 En tua ter felix cymba per astra natat.  
 Cernere erit classes æquatis currere velis,  
 Magdaleam vt cingant obuia vela ratem;  
 Et plenū magnis trabibus mare feruere, & vndis;  
 Quis sit Massilio Magdala stella mari.

## E L E G I A V I.

*Celeusma Genij Massiliensis ad*  
 MAGDALENAM.

**P**ALANTEM vt vidit per lubrica stagna ca-  
 rinam  
 Massiliæ Genius, lynceus Argus aquis;  
 Illicet enodes celer ille per aëra pennas  
 Explicat, & Cæli nubila regna secat:  
 Quaque præit, lux insequitur, mirantibus astris,  
 Aëriumque terit arduus ales iter:  
 Donec ouans propiore latus ratis attigit alā;  
 Tum demum lacerā constitit ille trabe.  
 Non sine luce caput sibi lilia fulua coronant;  
 Vnde micat purum per freta cæca iubar.  
 Aspicit hinc trepidas trepido cum fratre sorores,  
 Quas rapit vndosis fluctus & aura viis.  
 Et simul vt sensit versari in turbine leti,  
 Pallidaque ora metu, liliger hospes ait:  
 Euge, procellosas mea Magdala discute curas;  
 Nunc agitur vento linter & vnda suo.  
 Trunca licet remo, clauo licet orba magistro,  
 Certa tamen fido tramite curret iter.  
 Vndifonas hiemes, & turbida bella triones,  
 Scyllæasque minas, fulmineosque globos,

Franget iô victrix ratis; edomitumque per æquor  
Clara triumphali puppe tropæa vehet.

Dixit, & hæc firmat plaudentibus omina pennis.

Clara dat æthra faces, festa dat vnda choros.

Cymothœcque, Halieque, Amatheaque, & Ori-  
thyia,

Spioque, Axinoëque, & Galatea soror,  
Nereidumque; parens, simû & pecus Amphitrites,

Et Glaucus Cyano quos regit orbe greges,

Agglomerant agiles vndosa per arua choreas,

Ac tremulis pinnis orgia fausta vibrant.

Et venit vndifono comes Aeolus ipse triumpho:

Quæ tuba vox belli, tibia pacis erit.

Sis memor antè tuis quæ se stitit obuia velis,

Ibit in amplexus Gallica Diua tuos:

Auricomosque tuâ figet trabe Gallia flores;

Quæque prius somnus, lilia sidus erunt.

## E L E G I A V I I.

*Amor diuinus MAGDALENAM in  
antrum inducit.*

MAGDALA Massiliâ sedem vt defixit eremo,  
Visit inexperto barbara resqua pede.

Errat arenosis procul hospes inhospita campis:

Nescia lustrat agros, nescia lustrat aquas.

Cui comes equus Amor viridâte vagatur in agro,

Metaturque pari frondea regna pede.

Hîciuga nexa iugis, hîc umbriferæ conualles,

Hîc specus, atque cauo scrupæa tecta specu.

Hîc viret & sacra lotos, amœno vertice lotos,

Lotos ab Eoïs aduena filua plagis.

Imme-

Immemor hîc patrię succedit, & incubat vmbra  
Magdalis, Isacio iam procul exsul agro.  
Fortè grauem patulâ dū frangit in arbore solem,  
Algidaq̃ue ardentem frigerat aura diem;  
Ecce tibi Pandionię soror æmula Prognēs  
Erudit argutis colla canora modis.  
Nunc variat flexo, stanti nunc gutture firmar,  
Nunc lentat, rapido nunc rapit ore sonum.  
Nunc acuit claro, fusco nunc murmure densat,  
Nunc reuocat, longas nunc trahit illa moras.  
Denique se cunctas lyra viua figurat in artes:  
Luce canendo sonat, nocte canendo sonat.  
Idq̃ue vbi bis septem reuehit Sol Maius Eoos,  
Septenos numeros accinit Atthis aus.  
Angurium felix addicit prosperus oscen:  
Omen ab augurio nobile captat Amor.  
En, ait, ô mea Nympha, tuę par sortis imago:  
O te felicem qualia plectra manent!  
Ite mei, lætum Charitum genus, ite clientes,  
Et date Magdaleis orgia festa choris.  
Ite pares, habiliq̃ue fides impellite plectro;  
Septena vt raptant Magdalin astra lyrâ.  
Sic ait. hæsit Amor: pia Magdalis hæsit: in auras  
Visus vterque rapi, raptus vterque filet.  
Nec penitus filet: in dulces cor liquitur imbres:  
It pro voce pius muta per oraliquor.  
Hęc inter testudo cauis proserpit arenis,  
Et furtim trepidos lambit amica pedes.  
Magdalis vt sensit, primùm stupor admirantem  
Defixit. tacito lumine risit Amor.  
Eia graues, ait ille, metus depone: sub illâ,  
Cerue, ferâ, pietas hospita testâ colit.

Qui latet arcanâ testudine clausus & antro,  
 Quale colis, Stygio tutus ab hoste latet.  
 Annuit arridens tranquillo Magdala vultu,  
 Ut procul ab mundo deuia regna colat.  
 Hoc, ait, in saxo (saxumque ostendit & antrum)  
 Iam mihi securæ regia pacis erit.  
 Hic teneris foliis, tenerisque sub arbore libris  
 Magdalis inscribam nobile nomen, AMO.  
 Magdalis & I E S V S concors in cortice nomen  
 Cresce diu, & pulchri crescet Amoris honos.  
 Hac si carpat iter fortasse viator eremo,  
 Magdalis & I E S V S nomina nupta leget.  
 Scripserat: in viridiam Magdala frondet I E S V,  
 Opratamque diu iam subit illa domum.  
 Flexipedes hederæ crispo connubia musco  
 Hic iungunt viridi consocianda toro.  
 Hic agili pedelapsa, relapsa per aspera montis,  
 Desilit aëriâ Nympha caduca petrâ.  
 Dum bibit, & gelidâ sibi Magdala tēperat artus,  
 Fonte leuante sitim, fonte lauante pedes;  
 Ecce tibi filuæ denso prorumpit asylo,  
 Et premit infesto Magdalin ore lupus.  
 Inclamat comitē pia Nympha. quid ille? trementē  
 Deserit? ista truci iam cadat agna feræ?  
 Verte vices: iustæ fera mox cadet hostia morti;  
 Et lupa mox agni fata gemenda gemit.  
 Cerne, leo penito quo Magdalis accubat antro  
 Emicat, & quadrupes vltor ad arma ruit:  
 Et rauam rapit vngue feram, rapit asper hiatu,  
 Dilaniatque truem vindice dente lupum.  
 Viuida Magdalei leo victor imago triumphi est.  
 Diua premet Stygios facta læna lupos.

E L E-

## ELEGIA VIII.

*Amor diuinus MAGDALENAM  
donat speculo.*

**M**ILLE per amfractus, & mille per auia rerum  
Vt satis immensum Diua cucurrit iter;  
Obnixum montis molitur ad ardua gressum,  
Et tandem aërio perstat anghela iugo:  
Respiratque, trahitque animam, sudatque, labatque;  
Quaque gemens surgit, fessa recumbit humo:  
Et tremulum crebro cor pulmo flagellat in ictu.  
Ipse tremens: trepido pectore vena micat.  
Tandem respirans vastum circumspicit orbem,  
Montis vt aprico vertice fracta stetit.  
Vitalesque auidis vt naribus imbibit auras,  
Adstruit herbofo cespice lassa torum:  
Ac pronum caput acclinat frondente sub vmbra;  
Languidulumque latus, languidulosque pedes.  
Hic gemit, hic veteres suspirat anghela querelas;  
Qui fuit ah! Solymis, hic quoque moeror erit.  
Nunc auidis oculis terras metitur & vndas,  
Nunc leuat ad superas ora supina domos.  
Præcipue nitidis appingit lumina lymphis,  
Et speculum in vitrea par sibi querit aqua:  
Et spectat siluas, & opaca cacumina rupes,  
Quaque fluentis fonis rupibus vnda salit.  
Quæ dum fortè vagos trahit errabunda recursus,  
In socias tandem fons coit omnis aquas.  
Vnde lacus paruo stagnat iuga limpida ponto,  
Et ludit placido candida turba lacu.

Spes natat hoc stagno niue purior ales : olorem  
Esse putes; & erat Spes niue sparsus olor.

Hæc ut anhelanti sese stitit obuia Diuæ,  
Quam labor asper habet, deque labore dolor;  
Fervida pennigero Spes temperat ora flabello:  
Lenior vrentem diluit aura diem.

Quin & Amor capiti superemicat arduus ales,  
Deque suis alis roscida flabra parit.

Magdaleoque sinu speculum dimittit ab alto,  
Purus inoffenso cui micat orbe nitor.

En tua dos, inquit, cælo quam mittit I E S V S;  
Ut I E S V M hoc speculo lyncea tota legas:

Aurea bislino quod imago coronat in astro,  
In I E S V effigie totus ut annus eat.

Adjicit ille solique marique volubilis orbem,  
Cui coit in teretem, ceu pila, terra globum.

Hic dices Asiæ campos ostendit & vrbes,  
Hic sicæ Libyes torrida tesqua notat.

Armisonæ hic ostendit opes tumidasque; tot vrbes  
Europæ, & culto rura beata solo.

Quin etiam Americæ (quid enim non norit I E S V  
Nobile lumen Amor?) barbaræ regna legit.

Hic iubet, inquirat, I E S V S quas incolatoras,  
Quove viam flectat puluere, quove mari.

Sed suus hic nusquam est, quem passim indagat,  
I E S V S.

An toto ergo fugit exsul ab orbe Deus?

Heu! quid ago? nimium cæcis ô parce querelis.  
Erravi, fateor: nox grauat atra caput.

O ego quem nullum vidi vllò in cardine I E S V M,  
Omnibus hunc spectat provida Diua plagis.

Hic variam in sortem sibi mille hinc inde figuras  
Induit;

Induit; vt facile est, cor vbi mollit Amor.  
 Quemq̃ue suis pingit natura coloribus orbem,  
 Dædaleus mimâ mente repingit Amor.

## E L E G I A I X.

MAGDALENA IESVM *omni in  
 re contemplatur.*

**H**ic vbi desertis palatur Magdala campis,  
 Siue virens saltus, siue sit alta silex,  
 Antra, lacus, fontes, dumi, iuga confraga, valles,  
 Et quidquid sterili damnat eremus humo;  
 Omnibus in saxis IESVS, omni arbore IESVS,  
 Omnibus in siluis, omnibus ille iugis.  
 Omnibus in foliis IESVS, omni aëre IESVS,  
 Omnibus in campis, omnibus inq̃ue vadis.  
 Nil animo arridet, quod non aspirat IESVM;  
 Nil oculo, quod non eius imago notat.  
 Si quid dulce strepat fringilla, vel Athhis aëdon;  
 Vult IESVM hæc, IESVM vult canat illa suum.  
 Si qua susurra leui fors sibilataura flabello;  
 Dulcè illi IESVM sibila flabra sonant.  
 Si quis in argutis crepitat fons vallibus errans;  
 Visa illi est IESVM garrula lymp̃ha loqui.  
 Si qua cauo petram specus altior haurit hiatu,  
 Multa sonans mutam Diua stat ante specum.  
 O quoties geminat IESV! mea gaudia IESV!  
 Mi IESV, ô quoties rursus in ora redit!  
 Vos iuga, vos valles, vacuæ vos inuoco rupes,  
 Quæq̃ue sedet resono Nympha canora specu:  
 Dicite vos vnum concordî murmure IESVM;  
 Vnica vox IESVS omnibus erret agris.

Nec sit inaccessâ magis angulus vllus eremo,

Qui non in I E S V publica vota canat.

Sic vouet illa, suis sic imperat arbitra filuis.

Consona non fallit, quam dedit aura fidem.

Saxa sonant, sonat vada, specus sonat omnis

I E S V M:

Tesqua sonant I E S V M, consonat omnis ager.

O quoties geminat reparabile murmur I E S V M

Virgo repercusso ludere docta sono!

Quis numeret, I E S V M quoties pia vocis imago

Reddat, & alterno Magdalis ore gemat?

Insuper hic omnes implet hoc nomine siluas;

Omnis ad hunc solem silua superba virescit.

Si quercum notat, in quercu frondescit I E S V S;

Si platanum, in platano frondeus ille sedet.

Palma legit I E S V M, concors legit ornus I E S V M:

Arboreis I E S V S crescit vbique notis.

Quin & adoptiuus insculpit saxa figuris:

Aureolâ I E S V M cuspide scribit Amor.

Ercui non I E S V M passim commendata arenæ,

Inscribens docili vota legenda solo?

Magdalis & I E S V S par nomen oberrat eremo,

Occurruntque pares omnibus ambo locis:

Mutuaque innectunt concordî fœdera nodo,

Conspirantque pares ille vel illa faces.

Magdalin & I E S V M cunctis vt vidit in oris,

Et pariter cunctis audit ire locis;

Magdalin in I E S V M, num I E S V M in Magda-

lin ardor

Verterit alternus, nescio, dixit Amor.

Hoc scio: de nihilo Deus vt parit omnia; & ipsum

Omnibus è rebus parturit illa Deum.

E L E,



## ELEGIA X.

*E creaturis speculum sibi in eremo  
MAGDALENA conficit.*

**M**AGDALIS vt fixit Phocæo littore puppim,  
Quærit inaccessa deuia tesqua solo:  
Et deserta suis indagar idonea cœptis,  
Quæque nouant questus tristia regna suos.  
Nesciaque ignotis palatur Magdalacampis,  
Aërio tandem restitit ægra iugo.  
Natiua hîc mûdi sibi quidquid adumbrat imago,  
Dædaleâ artificis mente repingit Amor.  
Si legu astra, Poli spes fera deurit amantem;  
Sin terras, memorem pristina noxa grauat.  
Noctis amans clausum si vesper inumbrat O-  
lympum;  
Par, ait, heu! animam nubilat vmbra meam.  
Si roseo thalamo croceâque è nubere nascens  
Purpureis orbem lustrat Eois aquis;  
Par mihi lumen, ait, radians afflauit I s s v s,  
Discussitque meo nubila clausa sinu.  
Intexit fuluo radio Sol cœrula mundi,  
Pallidaque auricomis astra triumphat equis?  
O iubar! exclamat; cur non par mutor in astrum?  
Aeternoque parem fidere duco diem?  
Si qua micat, tremuloque vibrans conuiuet ocellis  
Stella vigil, terras dum sopor vduus habet;  
Nox speculum, fax stella meo præluet Amoris:  
Cura filet mundi, sed vigil ardet Amor.  
Sin pernox tacitos exsudat Cynthia rores;  
Triste silens fluidis rotat & illa genis:

Distillatque pares humenti lumine lymphas;

Nulla sed his crescit florea messis aquis.

Teligerò in saltu si damula cincta periclis,

Palpitat imbelli cum grege iussamori;

Sollicitusve lepus frondenti pullulat antro,

Præcipitiq̃ue secat roscida prata fugâ,

Et trepidans trepidante solo tremitt ora Lyciscæ;

Hic timor ah animi, dixit, imago mei est.

Sicubi debellat cæcum nox frondea solem,

Excluditque hilarem silua maligna diem;

Sic memini, (meminisse dolor) pro crimem & error!

Depulsi immemori pectore noxa Deum.

Baccatis si terra virens pallescit oliuis;

Inde suis flammis pabula grata legit.

Sirius apricis si collibus incoquit: vuas;

Vult tibi mite coquat lacryma cruda merum.

Aërios pendente viâ gens plumea campos

Si secat, & pennâ remige tranat iter,

Nubilaq̃ue vmbrosis subtexit cæcula pennis;

Ingeminans querulos ad sua plectra modos;

Sic volucris lusit lasciuia licentia cursu,

Vnde leui è ludo fera querela gemat.

Lubricus obliquo si labitur agmine serpens,

Aut violat castas hydrus adultera aquas;

Sic mundi malè-suadus amor subreplit & error;

Vnde meum temerant atra piacula sinum.

Rupe cauâ si lymp̃ha salit, vitreâq̃ue latebrâ

Naiados è gremio prata per vda fugit;

Sic mæror geminos vbi lumina vertit in amnes,

Ora per & pectus lacryma prona fluit.

Angui-

Anguipedes hederas notat, auricomosque co-  
rymbos,

Quæis nubit viridi silua marita proco?

O cur non molli mea & induo brachia nodo,

Aureus vnde sacri fructus amoris eat?

Si teneras violas & florum pabula rores

Prata per & campos Dædala libat apis;

Narcissoque, crocoque, rosaque, & flore cyperi,

Ceu nardo, ambrosius Magdalin afflat odor:

Deque fauis apium quid nescio dulce regustans,

Ore, oculis, animo gaudia blanda bibit.

Si cælum irritat audaci in nubila saxo,

Adscultatque alto terra superba iugo;

Sic mihi diu tumido turrita superbia fastu

Pænè giganteâ rescidit astra manu.

Vos testes Solymi scopuli, (modò sensus in illis)

Quæque Palæstino mœnia monte sedent:

Si qua tremens viridi fors palpitat vmbra sub  
orno;

Magdala sic dubio cor micat ista metu.

Quot caput hirta Ceres duris inspicat aristis:

Tot stimulis mœror pectora læsa ferit.

Obuia si rupes vocalem è rupibus echo

Euocat; heu! mœstis aggemit ægra modis.

Si prædam viduis euerrunt retia stagnis;

Ah! gemit, hæc vitæ pristina forma mæa est.

Quot steriles sulcis excindit arator auenas;

Tot legit illa suis crimina vulsa fibris.

E ramo in ramum si penniger euolat oscen;

E venâ in venam sic abit ales Amor.

Si nemora ista gemunt circum bacchantibus

Austris;

Lucti-

Luētifonum gemitum Magdala rauca sonat.  
Denique fors variis quidquid dedit obuia campis,  
Id dolor, aut iusti causa doloris Amor.

## E L E G I A X I.

MAGDALENA *ad Crucis effigiem deliquium passa, recreatur.*

**H**ic ubi frondentes latè nemus explicat  
vmbas,

Et Dryas vmbroso ludit amœna solo,  
Eximiumque caput malus sustollit ad auras,  
Malus inauratis ambitiosa comis;

Magdala frondosam supplex accumbit ad aram,  
Cruz cui sanguineis purpurat vncta notis:

Vitalesque sacra decerpit ab arbore fructus,  
Quales sanguineâ de trabe spondet Amor:

Et modò concretos informi puluere crines,  
Et modò corda legit faucia delacrymans.

Nunc oculis oculus, nunc frons sedet obuia fronti,  
Nunc gena iuncta genis, nunc labra mista labris.

Purpureas quoties emulget ad oscula plagas,  
Impia quâ bipatens diffidit hasta latus!

O quoties! quoties oculis sitientibus imbres  
Imbibit ab spinis, spinigerisque comis!

Amplexuque iterum stringens lacrymosa Ma-  
gistrum,

Implicat ora labris, implicat ora genis.  
Oscula dat manibus, pia diuidit oscula plantis;  
Nec satiant auidam suauiâ mille sitim.

O quoties plangensque, gemensque, querens-  
que, & anhelans

Suspi-

Suspiransq̃ue redit, & premit arcta Deum!  
 Magdala vulnificis tandem vndique faucibus telis,  
 Vulnera ad hæc, vnum iam nisi vulnus obit.  
 Vulnus Amoris abit iam Magdala, tota doloris  
 Effigies, Sponso par sit vt illa suo.  
 Et tacitis secum depugnat acerba querelis,  
 Inq̃ue Deo noxas arguit ipsa suas:  
 Ah scelus! infanti quis vulnera fixit I E S V?  
 Tot quis probra dedit? id scelus omne meum.  
 O Amor! ô dolor! ô! sic ô mea gaudia luctus  
 Occupat, & I E S V M mors scelerata rapit?  
 Si fera crux tepido posset mollescere fluctus;  
 Iam pridem tepidis mollior esset aquis.  
 Crebra teri durus si posset ad oscula clauus;  
 Cessisset dudum victus amore rigor.  
 Frangere si spinas posset manus aspera tactu;  
 Fregissent rigida spinea tela manus.  
 O lacrymæ! ô nostris gratissima pabula curis!  
 Ite Dei in plagas, quæ iubet ire dolor.  
 Mi I E S V, ah I E S V, I E S V ter dixit, & eius  
 Hæsit in amplexu, ter sibi visa mori.  
 Illa graui in luctu decumbit, & expiranti  
 Iam propior sedit cespere gramineo:  
 Inq̃ue breues violas, & olentia gramina nardum  
 Labitur, ex sanguis, languida, semianimis.  
 Tun' scelus hoc potis æthra pati? sic Magdalis,  
 cheu!  
 Magdalis ignotis oppetit ista plagis?  
 Et tu lætitiæ sator ille venustus, & orbis  
 Delicium, testis Phœbe doloris eris?  
 Non ita: Cæligenûm Rex, Cæligenusq̃; senatus  
 Semianimi Diuæ gaudia pura vouent.  
 Nec

Nec mora : pars casiam, molles pars colligit  
herbas,

Pars grauidis ramis dulcia poma legit.

Ille caput fulcit violis, hic spargit amomo,

Hic viridem menthâ spargit olente torum.

Hic animam profugam pomis inuitat odoris,

Et reuocat spargens vda per ora crocum.

Ast alius frontem scillite perungit aceto,

Nectareôve pluit ebria mella mero.

Denique pennati quotquot cinxere clientes,

Ambrosiis afflant diues aroma labris.

Quos inter lyra fidereis cui stellat ocellis,

Auratâ in trabeâ, stelligerâque comâ,

Aurea plectra regit, festoque choragus honori,

Increpitat tremulâ fila diserta manu.

Lingua suæ lyra viua lyræ, vox æmula certat,

Associatque pares ad sua plectra modos.

Magdala vocales vix auribus imbibit auras,

Reliquias animæ colligit ægra suæ.

Mens redit & sensus, festaque resurgit ab herbâ,

Miraturque novos ad sacra plectra sonos.

Liquitur & liquidis oculis sincera voluptas :

Lacryma melliti nectaris instar habet.

Qualis Hyas largos cum sat defluxit in imbres,

Emergit riguis Phœbus amœnus aquis;

Purpureumque caput superas attollit in oras,

Vnde virent verno gaudia picta solo :

Sic vbi flens oculus fluxit (Hyas ille doloris)

Altior innubi fidere lucet Amor.

## ELEGIA XII.

MAGDALENA *septies in diem*  
*rapitur.*

**D**ICITE IÔ: Notas Amor ecce recurrit ad  
artes,

Et tritas toties atterit vsque fides.

Plectra lyraëque sonant, vox adsonat æmula  
plectris:

Ore canora, fluit aura canora manu.

Magdalis hac aurâ veteres hinc excitat ignes,

Concipit inde novos: saucia vtrisque flagrat.

Rursus ouans. Diuam blandæ dulcedine lingua,

Rursus iô dulci pectine mulcet Amor.

Rursus & arguto chorus aliger increpat ictu,

Attenuat:que manu lenè tremente chelyn.

Tollitur, & nescit, arcano Magdala raptu;

Et propius spectat nescia Diua Deum:

Deliciasque nouas casti prælibat Amoris,

Quas olim supero spes vouet alma toro.

Rursus & aliferæ choreæ sacer ille choragus

Sollicitat resonas ad sua plectra fides.

Rursus & astrigerum meditata Maria trium-  
phum,

Inuehitur rapidis clara per astra rotis.

Rursus ouans liquidis demulcet vocibus auras,

Et vocale breui pollice radit ebur.

Rursus & ætherias se mens euibrat in auras:

Quæ benè rapta semel, sæpius apta rapi est.

Quoties supero nunc Magdalis ardua regno

Mi Iesv geminat, immemor ipsa sui?

Blan-

Blanda mei IESV carpit mihi flamma medullas,  
 Inque vicem flammis carpitur ille meis.  
 Vna duas animas animam fax conflatur in vnam;  
 Et fors vna duos iungit, & vnus Amor.  
 O ego! quàm dulces concordi è lumine flammas!

Quas ô delicias! gaudia quanta lego!  
 Felicem Superi, felicem sidera plaudunt,  
 Felicem luteâ quisquis inhæret humo.  
 Cui datur ab IESV sibi cor de corde pacisci,  
 Cor vnum è gemino quò sibi corde legat.  
 Sit modus hîc tandem, qui finiat orgia Diuûm;  
 Sed quis inexhausti finis Amoris erit?  
 Rursus ouans plectris, & ouans vocalibus auris,  
 Depectit reſonans turba canora fides:  
 Rursus & vt carmen reparabile fluxit in aures,  
 Magdalis ætheriis euolat alta plagis:  
 Donec iò toties alterna recurrat Olympo,  
 Astra quot erroneas clarus Olympus habet.  
 Errantes imitata globos septemque triones,  
 Quot lyra Thressa fides ad sua plectra tulit;  
 Et quot Iesseidæ lyra fudit eburna canores,  
 Dum septem reparat hora diurna preces;  
 Denique quot IESVS dedit aspirâ in cæde  
 cruores,  
 Quotque pari lacrymas mater in imbre  
 dedit;  
 Tot numeris quoque Magdaleas chelys erudit  
 aures,  
 Totque choros agitat Magdalis apta rapi.  
 Et verò rapitur, superisque eludit in aulis,  
 Et sola fulua terit, quæ modò culmen erant.

Qualis



Qualis iô hîc bibulis venis illapſa voluptas,  
 Quamq̃ue fluunt dulces ima per oſſa faces!

## ELEGIA XIII.

*Dulcedo raptus* MAGDALEI.

**E**xsvl hûmi patrio legas ſuſpiria Cælo;  
 Ardua legantem vota ſecundat Amor.  
 Quanta gemis, totam volucres te mutat in alas:  
 Iam cor aligerum Magdala tota volas.  
 Libera in ætherias ſeſe mens explicat auras;  
 Hîc legis effuſo munera mille ſinu.  
 O te felicem! fortunatiſſima Diuûm,  
 Quæ luteam ſtadio cælite vertis humum!  
 Nunc piget è terris Cæli ardua templa tueri:  
 Mens ſuper alta volat ſidera, terra vale.  
 Terra fugit, fugit vnda maris, fugit imbrifer  
 aër:  
 Stat modò par puncto, quod priùs orbis erat.  
 Iam Lunæ Veneriſq̃ue globos, Soliſq̃ue, Io-  
 uiſq̃ue,  
 Saturniſq̃ue rotas, Mercurijq̃ue premis.  
 Et tandem ingrederis vaſtis ſpatiantia tectis  
 Atria, pennigeris atria digna choris.  
 O Cælum! ô Diui! ô aurata monilia ſtellæ!  
 O lyræ! & ô feſtis plectrâ marita lyris!  
 O vbi mens? ô deliciæ! ô quæ gaudia Diuûm!  
 O & deliciis orgia miſta tuis!  
 Hîc tibi cor toto perfundit copia cornu,  
 Hîc implent auidum gaudia larga ſinum.  
 Occupat hîc vigilẽ ſomno ſine ſomnus amo-  
 rem,

Otia.

Otiâque immensis ebria deliciis.

O quot amans pateris Diuini luminis ignes!

O quot amans riuos nectaris vda bibis!

Vis numerem? numera stellas quot inaurat O-  
lympus,

Et quot alit Baccho vinea feta botros.

O gustum! ambrosios iam tota liquefcis in  
imbres,

Nectareoque mades ebria tota mero:

Cælestesque auido prælibas pectore flammæ.

Felices animas quas facer afflat Amor!

Ante diem si læta bibis tot nectaris haustus,

Quid dabit, ô! Cælo qui satur vndat Amor?



# LIBER QVINTVS. MAGDALEA SILVA.

## I.

*Tropæum Amoris de septicipite in M A G-  
D A L E N A peccati hydrâ.*



v s v rebeli bellua septiceps  
Insultat ardens turrigerum caput;  
Et Magdalenam lacrymantem  
Mille voluminibus fatigat:  
Et belluoso proruit agmine

Turrim superbam Dux furor impotens.

Heu! lacrymosam tot sub armis

Magdala deuoluit ruinam.

Non sic, vt olim, nunc draco, & horrida,

Mors, parricidâ cum grege, Magdalin

Fractam procelloso duello,

Sternet ouans tumidis sub hydris

Telo sed ardens Rex Amor aureo,

Septemque in ignes fulmina diuidens,

Nimbo trifulco perduelles

Subruet armipotens phalangas.

Librat minaci spicula pondere

Vltor piandi criminis arbiter,

Lance

Lance æquilibri quò scelesto  
 Supplicium capiti reponat.  
 En fulminatrix dextera Numinis  
 Quercum ad superbam stringit, & opprimit  
 Claro catenatos tropæo  
 Nobile ludibrium cerasas.  
 Stridet tenaci compede; & infremit  
 Duro metallo vinctus, & anxias  
 Spiras, inabrupto illaborans  
 Ingeminat laqueo chelydrus.  
 Hic ira, liuor, fœdus amor, gula,  
 Auri cupido, fastus, inertia,  
 Stricti sub æratâ catenâ  
 Sanguineo stadio ingemiscunt.  
 Vexilla celsâ turre sed arduus  
 Victor reponit Magdaleum in decus,  
 Prona vt ruinâ deuolutos  
 Fudit Amor populans dracones.  
 Turrin en corusco sidere, gratia  
 Septena Pleias lustrat, & aureæ  
 Diuæ triumphales honores  
 Purpureis radiis coronat.

## I I.

*Dina Metanœa MAGDALENÆ la-*  
*crymas sibi concedi postulat.*

**V**ND A iugis, vnda dulcis,  
 Vnda lenis adnata:  
 Vis doloris impotens  
 Feruidas mihi medullas  
 Torre decoquit procaci;

Cor

Cor Amore liquitur.  
Vnda iugis, vnda dulcis,  
Vnda lenis adnata,  
Frigerante cum flabello:  
Fax bibit medullitus,  
Ossibus cauisque venis  
Quisquis humor innatat.  
Vnda iugis, vnda dulcis,  
Vnda lenis adnata,  
Molliore cum susurro:  
Vita migrat artubus,  
Deque corde, deque venis,  
Exsul his sub ignibus.  
Vnda iugis, vnda dulcis,  
Vnda lenis adnata,  
Viuidi liquoris vna:  
Vnde rore succido  
Pabulum bibat salubre  
Fax alumna sanguinis.  
Vnda iugis, vnda dulcis,  
Vnda lenis adnata,  
Puriore cum liquore:  
Aestuante Sirio,  
Cerue, puluerosus vsta  
Corda squallor obserit.  
Vnda iugis, vnda dulcis,  
Vnda lenis adnata,  
Gemmeasque sparge guttas:  
Hic seram rosarium,  
De cruore, deque rore  
Flebili bis ebrium.  
Vnda iugis, vnda dulcis,

G

Vnda

Vnda lenis adnata,  
 Roscidâ pluens ab urnâ,  
 Algidiſque lacrymis :  
 Flos ſitit, ſitit roſetum ;  
 Frigera cor igneum.  
 Vnda iugis, vnda dulcis,  
 Vnda lenis adnata,  
 Candidos trahens liquores :  
 Anxijque lilij  
 Languidum caput, roſamque  
 Imbre paſce lacteo.  
 Vnda iugis, vnda dulcis,  
 Vnda lenis adnata :  
 Curre, curre, dein recurre ;  
 Quid morare ſegnipes ?  
 Flos fugit, fugit roſetum ;  
 Curre, curre promptior.  
 Vnda iugis, vnda dulcis,  
 Vnda lenis adnata :  
 Eia, Nympha quid moraris ?  
 Nympha, Nympha mobilis ?  
 An ſedes tenace muſco,  
 Herbidave compede ?  
 Vnda iugis, vnda dulcis,  
 Vnda lenis adnata :  
 Rumpe vitreas habenas  
 Lubrico ſub agmine ;  
 Cæruloque vecta curru,  
 Dulcis hoſpes aduola.  
 Vnda iugis, vnda dulcis,  
 Vnda lenis adnata :  
 En roſæ ſiticuloſæ

Flos anhelus oscitat,  
 Ardet, ardet, ardet imbres  
 Quos dat alma lacryma.  
 Vnda iugis, vnda dulcis,  
 Vnda lenis adnata,  
 Lactea fluens mamillâ :  
 Hinc & inde roscidis  
 Lacrymis rosas marito,  
 Marcidumque lilium.

## I I I.

MAGDALENA *Dina Metanææ*  
*flores lacrymis irrorat.*

V N D A iugis, vnda dulcis,  
 Vnda lenis adnata :  
 Funde gemmulas liquentes;  
 Et tibi venustiore  
 Purpurâ struam corollas,  
 Gratus adstruam decorem.  
 Vnda iugis, vnda dulcis,  
 Vnda lenis adnata :  
 Milita tuis coronis;  
 Lacte, melle, saccharo,  
 Lacrymis, meroque, nardo,  
 Imbuam comas rosantes.  
 Vnda iugis, vnda dulcis,  
 Vnda lenis adnata :  
 De tuis inebriandas  
 Lacrymis rosas inunda;  
 Cassa vota fors acerbos  
 Ne bibant doloris imbres.

G 1

Vnda

Vnda iugis, vnda dulcis,  
 Vnda lenis adnata.  
 Sed quid illigo querelis,  
 Et tenace ceu catenâ  
 Demoror tuos liquores;  
 Demotor pedes fugaces?  
 Vnda iugis, vnda dulcis,  
 Vnda lenis adnatas:  
 Et tuis aquis serenas  
 Cor, rosasque, ver Amoris  
 Purpurans rubis cruentis,  
 De dolore, de pudore.  
 Vnda iugis, vnda dulcis,  
 Vnda lenis adnatas:  
 Floridæque spem corollæ,  
 Algido nitens in imbri,  
 Frigeras, rigas, & ornas  
 Roscidi parens liquoris.  
 Vnda iugis, vnda dulcis,  
 Vnda lenis adnatas:  
 Defluisque per medullas,  
 Deque fonte Magdalens;  
 Deque lymphidis ocellis  
 Ducis aureas scatebras.  
 Vnda iugis, vnda dulcis,  
 Vnda lenis adnatas:  
 Deque gemmulis gemellis  
 Irrigas mihi gemellos  
 Candidis aquis ocellos,  
 Candidæ velut columbæ.  
 Vnda iugis, vnda dulcis,  
 Vnda lenis adnatas.



O diem ! diem beatum !  
 Quale parturit venustus  
 Ros decus meo roseto !  
 Quale præmium dolori !  
 Vnda iugis, vnda dulcis,  
 Vnda lenis adnatas.

## I V.

MAGDALENÆ *suspiria, ut  
 mundo eripiatur.*

**M**EAE deliciæ, mei furores,  
 Risus, blanditiæ, facetiæque,  
 Lusus, illecebræ, ioci, susurri,  
 Arguti gemitus, leues amores,  
 Et suspiria, lacrymæ, facesque,  
 Ludi, vina, sales, procacitates,  
 Chori thyrsigeri, Cupidinesque,  
 Sirenes, Veneres, mei dolores;  
 Ac Comi, malè feriata turba;  
 Ac quantum Cypridi est faui merique,  
 Vale, & Cypri vale: vale dolofo  
 Mundo quidquid inest ineptiarum,  
 Et quidquid nitet elegantiarum,  
 Et quidquid sonat hîc facetiarum,  
 Seu picta id gena, siue picta lingua est.  
 Et quantum est genij beatioris,  
 Et quantum fatui natat leporis,  
 Quod fallacibus ebriat venenis  
 Cor iam corde carens, cor ulcerosum,  
 Vale perpetuum; simulque salve  
 Incundum scelus, & scelestus error,

G. 3.

Atque.

Atque in Morboniam procul faceſſe.  
 At tu ſimplicitas, pudor, dolorque,  
 Caſtimonia, veritas, timorque,  
 Temperantia, charitas, inodusque,  
 Et ſecura quies, Amorque caſtus,  
 Et quidquid pia corda, ſeu medullas,  
 Diuum neſtareo rigat Lyæo,  
 Adſis o precor anxie clienti.  
 Me, me terque quaterque, ſeptiesque,  
 Milliciesque, vel amplius reuinctam,  
 Heu! blandis furor illigat periclis:  
 Et necdum nimis ah! nimis tenaciſ  
 Mundi dulcibus eripis catenis,  
 Et tam dulce furentibus tyrannis  
 Oppreſſam toties, morique iuſſam,  
 Aequo iure, manuque liberali,  
 Vindex aſſeris in tuam clientem?

## V.

MAGDALENA *mundi aſſultum  
 repellit.*

SED quid triſtibus illigor querelis?  
 Rupta en totiuga, vincla rupta mundi:  
 Et iam vindicias ſuæ clienti  
 Aſſerit dominâ manu patronus.  
 Nequidquam, grege cum venuſtiore,  
 Iſthuc munde redis, & hanc ad arcem  
 Appellis validis ſeris reuinctam.  
 Fruſtrâ blanditiæ, dicacitates,  
 Argutatio, velitatioque  
 Hinc dicacium & hinc ineptiarum,

Hinc

Hinc procacium & hinc ocellulorum,  
Philtræ, nequitia, bonæque mentis  
Eheu! pernicies, nocensque ludus,  
Susurrus, iocus, hipniens cachinnus,  
Cultus, mundus inanitate plenus,  
Dofque inanior ipsâ inanitate,  
Risus, præstigiæ, facetiæque,  
Frustrâ fraudibus improbis & armis  
Tentatis vitreis viam fenestris,  
Tentatisque viam auribus sonoris.  
Quid me munde tuis rigas venenis?  
Quid me torquibus implicas & auro?  
Quid me mille monilibus coronas?  
Quid me storicomis trahis corollis?  
Irretisque procacibus lacertis?  
Et lenociniis tuis venenas,  
Queis nil dulcius, efferatiûsve,  
Aut est, siue fuit, vel esse possit?  
Ne tu tot mihi machinas & arma  
Fraudesqueingere, & irritos labores:  
Non sic ebria fascinator veneno  
Nunc, ut nuper agens iter per Orcum.  
I nunc munde, vale; valete nugæ,  
Et vos illecebræ, malæque curæ,  
Olim dos mihi charior medullis;  
At dos aut fragili vitro caduca  
Aut magis laqueis araneosis:  
Vili pulvere viliora dona,  
Ornamenta luto lutosiora.  
Immunde ergo procul faceffe munde,  
Meæ deliciæ, mei furores;  
Meæ iam lacrymæ, prius furores:

Olim dulce decus, meique amores,  
 At nunc opprobrium meo pudori.  
 Tot fastidia amara, lacrymasque  
 De fumo & nebulâ, grauesque flammâs  
 Turpes mundicias, decus prolosum  
 Rîsus, & Veneres tot inuenustas,  
 Ludos, illecebras, malos amores,  
 Diris denoueo ter execrandis.  
 Et te munde, tuam fidem, tuosque  
 Eiuro laqueos, dolos, & artes,  
 Et leti malè glutinosa vincla.  
 Tu Proteus, dolus ille versipellis,  
 Monstrum cui nitidi micant ocelli,  
 Monstrum cui roseum rubet labellum,  
 Monstrum cui rutili nitent capilli;  
 Sed cui pestiferæ faces ocelli,  
 Virus purpureum rubens labellum,  
 Dolosus laqueus nitens capillus:  
 Et quisquam miser, ah miser, venena,  
 Faces, & laqueos, necesque amabit?

## V I.

## MAGDALENA altera Esther.

**A**LTER adest Xerxes, & Xerxe potentior  
 alter:

Altera & Esther adest, Xerxis honestus Amor.  
 Pulchra prior, Charitumque Charis pulcherrima  
 Suis:

Forda sed hæc, fateor; par tamen Esther erit.  
 Esther vt vna tremit, sic atremit altera CHRISTO:  
 Tangit vtrique tremens aurea virga caput.

Virga

Virga sed illa nitens gemmâ de Perside sceptrum.  
 Hæc autem placidi dextera prona Dei.  
 At simul hanc Esther, simul icit & attingit illam;  
 Hæc cadit, illa cadit: casus vterque salus.  
 Ecce vetecundo Zorescit amœna corallo,  
 Et rorat roseas lymphida Dina genas:  
 Assueroque nouo supplex accumbit IESU,  
 Vt Domino nubat sponsa decora suo.  
 Cui decorat lacrymis Amor, & pudor ora py-  
 ropis,  
 Esthere hæc Esther pulchrior erubuit.

## V I I.

MAGDALENA *lacrymis* CHRISTVM *trahit.*

**F**ESTA quid obturbas atro conuiuia luctu,  
 Et violas lacrymis pocla Lyæa tuis?  
 Ingeruos potius mea Magdali lude lepores,  
 Urbanos epulis non malè docta sales.  
 I, citharaque, lyræve, chorove, vel illice cantu.  
 Demulce resonas ad tua plestra dapes.  
 Sed citharasque, lyrasque, chorosque, salesque  
 canoros  
 Negligis, & tristes non nisi spargis aquas.  
 Indigner lacrymis, importunoque dolori?  
 Gratulor: in lacrymis dulce quid ægra canis.  
 Dulcius imbre quid est, suadum qui stillat amonis.  
 Nectar, & in suado nectare corda capit.  
 Si patulas cor omne rapit vox blanda per aures;  
 Per vitreos orbes quid vetat vnda trahat?

## VIII.

MAGDALENA *Megara victrix.*

**V**T stetit vltoris rea Magdalis ante tribunal,  
 Eumenis infestas versat ob ora faces:  
 Intentatque minas, & non placabile fulmen  
 Vibrat, ab inferno dextra corusca rogo.  
 Illa tremens sæuâ pallefcit imagine mortis;  
 Inserpit tacitum cæca per ossa gelu;  
 Singultusque includit hianti verba palato:  
 Lumina sola fluunt, cetera torpor habet.  
 Magdaleas vt trunco hæere sub ore querelas  
 Semianimi que mœri pectore sensit Amor;  
 Ilicet extorsit trepidæ sua tela Megaræ,  
 Horrificasque nigro sustulit vngue minas.  
 Nec mora: sulphureo fumantem turbine tedam  
 Extinxit tepido flumine victor Amor.  
 Victa Megara iacet, victrixque triumphat Auernâ  
 Magdala, & insultat vindice calce feram.  
 Clara triumphatis frondescit adorea monstris,  
 Quam pius iste suis nutriet imber aquis.  
 Et nunc illa potens Orci tremor, illa Tonantis  
 Gratus Amor, flammâ nobilioꝛe calet.

## IX.

MAGDALENÆ *Amor Bellerophon.*

**O**BSCENO limo, Stygiaque paludis in vluâ  
 Iam diu putre scelus Magdala delituit.  
 Anguinæam in spiram crispo coma torta flagello  
 Verminat, inque feras crinis adulter abit.

Quanta

Quanta Palæstinis passim contagia campis  
 Spargit, ouans toruis sibila silua comis?  
 Heu! vbi qui sæuos sua vincat ad arma dracones,  
 Quæque draconigeno nata venena satum?  
 Magdalis anguicomam sibi si parit aspra Me-  
 dusam;  
 Bellerophontæus nunc Amor vltor erit.

X.

*Naufragium MAGDALENÆ  
 è lacrymis.*

**D**VM nimis acclinas caput in vestigia  
 CHRISTI;  
 Te dolor hausit aquis, naufraga tota peris.  
 Te tristi exitio vis damnat aquosâ doloris.  
 Quid? dolor his peccat, queis probra purgat,  
 aquis?  
 Ergo nouum scelus est Metanœa, vel improbus  
 error?  
 Hæc pia si peccat, spes vbi pacis erit?

*Amor sanctus respondet.*

**C**REDE mihi, his facies non vna relucet  
 in vndis;  
 Sed bicolore biceps dissecat vmbra notâ.  
 En amor hîc, odiumque tui narat impare vultu,  
 Dissona que in fluctu dispare bella sonant.  
 Sollicitosque cient alternâ sorte tumultus,  
 Hinc amor, hinc odium: par quibus orta salus.  
 Magdalin istud amat odium verso ordine rerum;  
 Egregioque odio Magdalin odit amor.  
 Quædum ritè paris, perdis benè naufraga mundum.

Merſa ſimul mundo vis moriente mori.  
Exitium felix! meruit mors iſta ſalutem.  
Ah! niſi quis pereat ſic ſemel, uſque perit!

## X I.

*Oculi MAGDALENÆ gemina  
pœnitentia ſidera.*

QVÆ mundus picco fulcauit lumina velo,  
Purus in auratâ nunc face luſtrat Amor.  
En in Amore duces oculi ſine nube, vel umbrâ,  
Cælite iam ſignant luce ſalutis iter,  
Quòd ſi quando ſacro ſibi quærat in æquore  
portum,  
Et vehat in lacrymis dux Metanœa ratem;  
Prouida Diua fugam gemino quo dirigat aſtro,  
Hic Vrſa, hic Helice, conſcia ſigna regent.

## X I I.

*Dulces lacryma MAGDALENÆ.*

QVÆIS ſine labe nitor puris pellucet in vndis,  
Perſpicuas oculo Magdala rorat aquas.  
His pretium non vile, decus ſed charius auro,  
Et ſapor in pretio diuite rarus habet.  
Nam lego tot gemmas, quot ſcens dat Magdala  
guttas:  
Quotque lego gemmas, tot quoque libo fauos.  
I Cleopatra, tuas baccas bibe pauper aceto:  
Diuite de lacrymâ gemmea mulſa bibam.

*Lacry-*



## XIII.

*Lacrymæ MAGDALENÆ mare.*

**M**AGDALIS vrenti simul ac stetit obula  
CHRISTO,

Deliquat in fletum nubila corda dolor:  
Ac voluendarum retinacula rumpit aquarum;  
Veris vt Hermonias deruit aura niues.  
Nec modus: vndoso quis frena reponat Amori,  
Quem Deus immensis, ceu mare, ditat  
aquis?

Hinc lacrymæ (nimitum felix liquor ille doloris)  
Queis rigat albentes Magdalis vda pedes.  
Nolo putes istos thalamo decurrere fletus;  
Latius oceanis exspatiantur aquis.

Quis Nilo natat Oceanove profusior humor,  
Quàm brevis immensum quæ lauat vnda  
Deum?

## XIV.

*Vinum mali Punici in lacrymis.*

**N**YMPHA pluis: dubito, lympham dicam,  
anne Lyzum?

Par niter illa vitro, par sapit illa mero,  
Scilicet inuitat dolor ad tua pocla Tonantem:  
Mustea credideram; dulcis amaror habet.  
Punica credo tuos condiri ad poma liquores;  
Qualia pocla fitit dulcis-acerbus Amor.

## X V.

## MAGDALENA CHRISTVM

*lauat, & ungit.*

**V**ERIS, & nescis: incendia dilue lymphis,  
Aut certè Syriâ perplue nube faces.

Dat lymphas oculus, manus vda profundit a-  
momum:

Lympha pedes CHRISTI, tingit aromacaput.  
Per nebulam resonas sed quis sonor obstrepit  
aures?

Fallor? an error erat? hæret in aure sonus.

Si tibi cura sedet bibulis dare pabula flammis,

Quas vigil in CHRISTI pectore pascit Amor,  
Illacryma; lacrymasque piâ simul imbue nardo:  
Et Deus ardet amans nardon, & ardet aquas.

Munus vtrumque parem pietas addicit in vsum:  
Vngit enim nardus, quem lauat vnda Deum.

## X V I.

MAGDALENA *capillis quasi reti**CHRISTVM capit.*

**N**YMPHA tibi, Nymphisquæ sacris quas  
vrit IESVS,

Opto cadant votis præmia læta suis.

Nolo trahi tenues tenui sub stamine plumas:

Digna sed aucupio te volo dona sequi.

Antè vel infelix occumbas hostia leto,

Quàm non crinigerâ struxeris arte dolos.

Sed struis arte dolos & blanda pericla capillo,

Et

Et trahis insidiis in tua vincla Deum.  
 Sic tamen, vt potius capiat te captus I E S V S.  
 O quantum est pulchrâ Numinis arte capi!  
 Te, quem crine capis, crine irretiuit I E S V S.  
 Ille tuo reti num quoque rete struit?

## X V I I.

MAGDALENA *moriens in  
 fontem vertitur.*

D I V S Amor, volucris telum cui flauet ab  
 auro,  
 Instar venusti sideris,  
 Insequitur rapido pede Magdalin: illa viatim  
 Sursum, deorsum curfitat.  
 Quò magis ista fugit, magis hoc premit iste  
 sequaci  
 Vmbrâ graduque Magdalin.  
 Iamque inhians propior prensat, propiorque  
 trementem  
 Rapace adhamat dexterâ.  
 An tenet assultâs? nox nubila Magdalin umbrat,  
 Ingensque nimbus occupat.  
 Nunc ea tota liquor profugos vaneſcit in imbres,  
 Amneſque natos imbribus.  
 Hic quod Amor teneat, nihil est, celer omnia  
 fletus,  
 Fletuque fluctus proflans.  
 Nec nisi fletiferum voti manus irrita fontem  
 Pro Magdalenâ repperit.

## XVIII.

*Pes CHRISTI, regula ad Calum-  
viam dirigens.*

**A**MPRACTV vario scelerū quā seuocat error,  
Flectit aberrantes ad Stygis ima pedes  
Magdalis, & præceps pronò decurrit Auerno,  
Abruptoque ruit mox peritura specu:  
Limus at obliquo ne tramite fallat euntem  
Flexus, & ab Cælo deuia cura trahat;  
Aspice, pes CHRISTI, ceu recta salutis amissis,  
Ad Superos certo limite signat iter.  
Nunc habet hæc normam, rectā quā tendis  
Olympo.  
Nonne tenet rectum, quo petat astra, pedem?

## XIX.

*CHRISTVS specie hortulani obuius  
MAGDALENÆ spondet munus  
vernum.*

**M**AGDALENA quò vagaris,  
Anxios trahens dolores;  
Gnosio velut sub arcu,  
Ingemiscit icta ceruæ  
Neptis, aut alumna damæ,  
Cornigerve confragosis  
Ibicum nepos salebris?  
Siste Magdalena, siste,  
Siste: nam stat irretorto  
Spes gradu. sat est morarum.

Iam

Iam tuum leges Magistrum  
 Ore, corde, voce, visu.  
 Cultor ecce te virentis  
 Hortuli, vigilque custos  
 Aduocat. quid euagaris?  
 Et vago gradu peragras  
 Vda prata, picta regna  
 Veris, herbidosque campos?  
 Quem silente flens agello  
 Quæris orba, quæris ægra;  
 Quæris exsul, & quiritas.  
 Irreperta diu Magistro:  
 Ecce, se tibi Magister  
 Sistit, hortulanus ille  
 Florido redux vireto,  
 Qui tibi decus perennans  
 Sedulâ manu laborat;  
 Nulla quod dies edaci  
 Deterat fluens in æuo.  
 Nónne sarculum stat altâ  
 Dexterâ, quod hîc amœne  
 Sarrier seretque campo  
 Ver, & aureum rosetum,  
 Lactæumve liliætum,  
 Flore puber æuiternò?

## X. X.

*Instrumenta Hortulani è Cruce.*

**E**N, in herbido vireto,  
 Et Dei manu colonâ,  
 In noui laboris vsum,

Rusti-

Rusticana stat supellex,  
 Crux ligo, tridensque rastrum,  
 Sine sarculus tricuspis;  
 Cui mucro riget ter vno  
 Horridus rubensque clauo.  
 Nec liquor deest rigator;  
 En cruor rigans rosetum.  
 Hinc & inde, cerne, quino  
 Flore, rore, purpurasunt  
 Aureæ rosæ; rosanti  
 Quas manu ferit colonus,  
 De cruore, de corallo,  
 Et liquente de pyropo.  
 Vnde surgat hoc roseto  
 Spes amœna, flosque Diuûm,  
 Purpuransque dos Amoris  
 Ver, honosque veris ardens,  
 De sacro cruoris ostro,  
 Cui rubens perennat imber.

## X X I.

CHRISTVS *hortulanus* è *spinis inseris*  
*cordi MAGDALENÆ surculum.*

ISTE, quem vides, agelli  
 Cultor, hortulo virenti  
 Spineum Crucis cruentæ  
 Surculum ferit, fouetque:  
 Vnde ramulum recentem  
 Inferat tuis medullis,  
 Termitemque senticosum  
 Pangat asper hortulanus;

Vade

Vnde surgat æternus  
 Flos rosæ venustioris,  
 Dos decora, præ amoris,  
 Purpurans honos pudoris,  
 Fructus asperi laboris:  
 Præmiumque de coronâ  
 Spineâ, & Crucis sub imbre;  
 Inclytum decus rosarum,  
 Quotquot educat venusti  
 Discolor cliens Fauoni,  
 Flora picta liliætis,  
 Flora picta tot rosetis,  
 Flora picta tot corollis.

## X X I I.

MAGDALENA *rosetum spirituale suo  
 cordi insitum lacrymis rigat.*

**F**ORTE ne siticulosa  
 Mortis aridæ fanillâ  
 Marceat sacrum rosetum,  
 Insitum piis medullis,  
 Pectorique purpurato:  
 Roscidis riga bibacem  
 Surculum genis; & vdis  
 Tunc rosis tuos ad imbres  
 Lactæ, fonte, puriores,  
 Scriptitâ manu venustâ  
 Candidos Amoris ignes;  
 Inque flore purpuranti  
 Lacteis notis figurâ:  
 MAGDALENA FLOS IESV,

MAGDA-

MAGDALENA SPINA MVNDO,  
 MAGDALENA DOS AMORI,  
 LILIVMQUE LACRYMARVM;  
 MAGDALENA CANDIDATVS  
 FLOS ROSAE RVBENSQUE, MISTVM  
 LACRYMIS BIBENS CRVOREM.

## X X I I I.

*Nomen IESV scripturit suis lacry-*  
*mis MAGDALENA.*

**Q**UID premis angusto luctantes pectore  
 flammis,  
 Atque indignantes claustra maligna rogos?  
 Immenfis animanda globis incendia curto  
 Quis celet gremio? quâ data porta, ruant.  
 Sed pudor inclusas arcto sub carcere flammis  
 Opprimis, obluſtas corde sub indomito.  
 Nec potis est pando prorumpere luctus hiatu,  
 In gemitus, questus, flammivomâsque preces.  
 Quid facias, quaris? quid lamentabile ploras,  
 Ah! suspiria hiantæ ægra trahens gemitu?  
 Suadeo flendo loqui, non voce sonante, querelas  
 Nil opus hîc verbis, vox vbi viua liquor;  
 Ille liquor riguo qui lumine stillat Amorem,  
 Quique suis animi vulnæra scribit aquis.  
 Scribitur: & quidnam? guttâ cum trudit euntem  
 Gutta sequens, sudis I dedit ire genis.  
 Multa litura cadit, & littera multa; sequaci  
 I de cryſtallo lacryma longa trahit.  
 Iam longis I ſtabat aquis; iamque ibat. IESVS:  
 Conturbat fluidas plurima lympha notas.  
 Nam.



Nam lacrymas tereti filo quas nebat ocellus,  
 Nunc glomerat densis turbidus amnis aquis:  
 Parca sed vndantes castigat habena liquores,  
 Et rursus tenui fletus in imbre cadit;  
 Iamque nouo tractu rursus serpebat IESVA:  
 Hæsit in I; rapidis cetera delet aquis.

## X X I V.

*Serpentes crinibus MAGDALE-  
 NAE inerrant.*

**T**ORTILI dolosus  
 Draco ligat flagello,  
 Et sibilas in iras  
 Armat caput Medusæ.  
 Ludus Medusa, ludus,  
 Ludus tui dracones,  
 Sed dirus ambo ludus.

## X X V.

*Angues implexos crinibus MAGDA-  
 LENA lacrymis oppugnat.*

**T**ANTVM nefas venustis  
 Errare tu capillis  
 Sines, fines inultum?  
 Impunè tot cerastæ  
 Adulterant pudicam  
 Frontem feris colubris,  
 Et os tibi flagellant  
 Vibice crispiflucâ?  
 Num sic inexpia

Hydri

Hydri comis sedebunt?  
 Impunè nexa nulli  
 Stat innocens nocenti:  
 Tu nōne virulentas  
 In viperas, & Orcum,  
 Telum paras & arcum?  
 At quo struis metallo?  
 An igneis sagittis  
 Stipas grauem pharetram?  
 Lentōve cædis aspras  
 Siluas arundineto,  
 Aut corneo vireto  
 Moriem anguibus volucrem?  
 Cornos, arundinesque,  
 Facesque sanguisugas,  
 Linquis graui Gradiuo;  
 Sed innocente telo  
 Pugnas inermis hostis,  
 Et liqueris perennes  
 In lacrymas: &, eheu!  
 Tu fons amarulentos  
 Decurris in liquores,  
 Amaritudinesque;  
 Queis vberat gemellum  
 Alueus biceps in amnē.  
 Sic puriore liquens  
 Lymphâ rigas Magistrum,  
 Lymphâ domas dracones,  
 Lymphâ pias piaculum.

## X X V I.

*Amor MAGDALENÆ innatans lacrymis, dracones suis telis figit & exurit.*

**S**ED ô diem venustum!  
Vt fortè tum sedebat,  
Sinu suavi IESU,  
Amor; tuas in vndas  
Mox defilit, vitroque  
Et hinc & hinc fluenti  
Ludit natator ardens,  
Ceu candicans niuosis  
Olor vadis Caystri.  
Vt perspicace sensit  
Crytallo, inulta monstra  
Errare tot chelydros;  
Repentè curuat arcum,  
Quem flammeâ sagittâ  
Metitur, & minacem  
Lunat trahens in ictum,  
Lentatque. de sonanti  
Mors emicat bipennis  
Neruo, fugitque strictis  
Volans arundo pennis,  
In improbos dracones,  
Siluamque virulentam;  
Incendiumque spargit  
Sparsis vagans capillis.  
Vapor volutus auras  
Infuscat ab nigranti

Nimbo,

Nimbo, rotatque fumos;  
 Flagratque silua tortis  
 Cirris tenax & hamis,  
 Ardens tot inter hydros.

## X X V I I.

*Amoris delicia in lacrymis & comis*

## M A G D A L E N A E.

I AM purus hospes albis  
 Amor comis suberrat;  
 Siluaque sub natanti  
 Puris vagatur undis,  
 Seseque Magdalene  
 Nunc implicat lacerto,  
 Et osculo venusto.  
 Et lena Magdalena,  
 Sed lena iam pudica,  
 Interplicat niuales  
 Manus suas Amori,  
 Comasque flexuosas.  
 Ignis sacros inhalat  
 Fax Magdalena Amori,  
 Amorque Magdalene.

## X X V I I I.

M A G D A L E N A C H R I S T U M *hortu-*  
*lanum voce non aspectu cognoscit.*

H I C insiste gradum, nec longius auehe  
 curam:

Nescia quam quæris, stat tibi parata salus.  
 Gernis,

Cernis, vti pulchro sol pulchrior alter Eoo,  
 Candentes roseo pingit honore genas?  
 Cominus occurrit, & adhuc te fallit I E S V S?  
 Ecce. quid ah! fletu turbida quæris, Vbi est?  
 Quæris, Vbi est? vbi nō tuus ignis oberrat I E S V S?  
 Ceu sol irradiat omnibus ille locis.  
 Vt quid adhuc pectus nigra mortis obumbrat  
 imago?  
 Corde tuo claudis quem tuus ambit Amor.  
 Te propior, propiorque redux aspirat I E S V S:  
 Ne dicam radio tangit, & ora ferit.  
 Nulla sed hīc cernis tā clarā in luce Magistrum.  
 Inuida nox oculos fascinat ergo tuos?  
 Qui fit vt immenso fugiat te lumen ab astro?  
 Te, reor, occæcat nox mera mœstus Amor.  
 O quis erit radius puro de lumine I E S V,  
 Aurea qui lucis semina luce serat?  
 En tibi lux radiat; oculos ne pande, sed aures:  
 Vt vox appulerit aduena, nosce Deum.  
 Christus adest: sua cerne Deum per verba lo-  
 quentem  
 Cernis: an ergo dedit vox oculata diem?

## X X I X.

MAGDALENA *in eremo plorat.*

S I L V A muta, filua cæca,  
 Silua sola, filua casta,  
 Silua grata nox pudori,  
 Silua dos sacris Napæis,  
 Magdalin suos honores,  
 Magdalin suos amores

H

Froa-

Frondeâ tegit latebrâ.  
 Illa sola filui-cultrix,  
 Antra, lustra, saxa, montes,  
 Arboreta peruagatur  
 Anxiis amica votis:  
 Dumque discolor vultu  
 Terra ridet, æthra ridet;  
 Ludit vnda, ludit ales;  
 Vna, ceu graui procellâ  
 Icta, flammeôve telo,  
 Inquilina saltuosi  
 Orbis, aut cauæ latebræ,  
 Eiulat, gemit, quiritat,  
 Incubans nouo dolori,  
 Attremens graui timori,  
 Ingemens Dei furori,  
 Et pium trahens laborem.

X X X.

*Amor aureâ sagittâ plorantem M A G -*  
*D A L E N A M inflamat.*

**I**NTER hæc Amor supernus,  
 Dum sibi virente saltu  
 Quæritat feram fugacem,  
 Hinnulumque, damulamque,  
 Ibicémve, capreámve;  
 Magdalin toro recliui  
 Deprehendit æstuantem.  
 Ilicò graui pharetrâ  
 Promit auream sagittam;  
 Igneoque spiculo vrens

Cordis

Cordis intimas medullas,  
 Pennipes Deus terebrat.  
 Corde, cerne, palpitanti  
 Fax sedet, sedetque arundo  
 Igne criniens & auro;  
 Costa lucet, ossa lucent  
 Criniente de sagittâ;  
 Deque luce crispifulcâ  
 Lucet æthra, silua lucet,  
 Lucet vnda, lucet vmbra.

## X X X I.

*Dryas miratur subitam è MAGDALE-  
 NA ardente flammam in siluis.*

**H**ANC vbi Napæa flammam  
 Vidit arduis ab vlmis;  
 Adstupet, stupensque clamat:  
 Acgra Nympha, tristis hospes,  
 Frondeis plagis oberrans;  
 Quid meos corusca lucos,  
 Ad facem tui perennem,  
 Vertis in rogos voraces,  
 Vertis in breues fauillas?

*Amor ad Napæam.*

**I**NQVILINA casta siluæ,  
 Mitte, mitte, Nympha mitte  
 Anxios metus, & iras.  
 Nulla fax opaca regna,  
 Flamma nulla, nullus ardor  
 Igneâ ruet procellâ,

H 2

Qnam

Quam Dryas tremat comata,  
 Aut Hamadryas, vel alba  
 Nympha fontibus susurrans.  
 Hoc virente sub theatro  
 Quidquid ardet, emicatve  
 Purpurans virente siluâ;  
 Id perenne lucet astrum,  
 Vt iubar noui diei,  
 Vnde lux sit hisce lustris,  
 Frondeisque sol tenebris,  
 De dolore Magdalensæ,  
 Deque amore, deque flammâ,  
 Deque sole Numinis.

## X X X I I.

MAGDALENA *peccati sui monstrum*  
*vult lacrymis mergi.*

**A**BORTVS ille, quem timetis hospites,  
 Nefastus, orbus, asper, æger æthiops,  
 Flagrante corde Magdalensæ abortiens,  
 Serensque monstra tetriora Cerbero,  
 Pudorque Cæli, & impium soli probrum,  
 Sinu nigrante Magdalensæ vt eruit,  
 Simulque fixit acriore lumine  
 Amor, venustus ille Numinis decor;  
 Ait fuisse partuum nigerrimus,  
 Auerna quos echidna fudit, & nigre  
 Scelestæ noxa noxiæ puerpera.  
 Et ista monstra, monstra dira & impia,  
 Alit nigrante lacte feta Magdalis,  
 Sibi Megæra facta, & improbus furor.

Procul



Procul faceſſat atra ſtirps Erinnydum,  
 Amor ſeuerus inquit, ibo protinus  
 Et expiabo crimen hoc ſacro mari:  
 Neſaſta monſtra ſpumeo obruam vado.  
 Vt haſce Nympha lacrymoſa turbidas  
 Minas Amoris audiit; ſtetit gemens,  
 Et inſit ipſa: Quò procul rapis gradum  
 Ad alta ſtagna, ſiue lubricam Thetim?  
 Sceleſta ſpectra, quæ meo tuli ſinu,  
 Precor ſub hiſce merge, merge lacrymis.  
 Vtrumque lumen, hiſce flumen eſt feris,  
 Eritque ſemper, haurietque belluas;  
 Parens vt ipſa ſic ſuum piet ſcelus,  
 Luâtque, quidquid arte peccat improbâ:  
 Cadatque ritè quo malè eſt ſatus ſinu.  
 Sepultus, oppetatque triſtè naufragus  
 Pio doloris amne criminum ſator,  
 Abortus ille, quem timetis hospites,  
 Neſaſtus, orbus, aſper, æger æthiops,  
 Flagrante corde Magdalenæ abortiens,  
 Serenſque monſtra tetriora Cerbero,  
 Pudorque Cæli, & impium ſoli probrum.

## X X X I I I.

MAGDALENA *lacrymis* CHRISTI  
*pedes abluit.*

**I**T E pij fontes, via quâ vos vitrea ducit,  
 In geminum riuum lumina liquiminor;  
 Præcipitemque; fugam biuios properate per orbes,  
 Alterniſque pares ite redite viis:  
 Et tandē Solymis I E S V M mihi quærite campis,  
 H ; Ni

Ni fors Bethanio federit ille solo.  
 Sed quid ego luctus liquidas impello quadrigas?  
 Sistite, vel primo puluere meta stetit.  
 Hoc Deus ecce toro desidit, & hæret Amõri  
 Obuius: ite sacrâ, quâ iubet ire, viâ.  
 Hospite in hoc vno cursus stetit omnis & ardor,  
 Tam benè currentes qui fitit vstus aquas.  
 Illius agglomerat sese ad vestigia fletus,  
 Vis cui par Istro, Niligenõve freto.  
 Qualis honos lacrymis! vndâ Oceanitide maior,  
 Diluit immensum gutta pusilla Deum.

## X X X I V.

## MAGDALENA tota nardus.

O cur non teneri mei lacerti,  
 Pectus, pulmo, iecur, pedes, manusque,  
 Et quidquid liquet humidi medullis,  
 Aut duri riget ossibus gelatis,  
 In nardum viret herbidam, nouamque  
 Amoris segetem, sacramque messem,  
 Spicasque aureolas, piasque aristas!  
 Nardi pistici odora, odora libra  
 Vt hinc effluat; influatque puras  
 Amoris phialas, cauosque nimbos,  
 Siue sint alabastra, siue gemma.  
 O cur non mera facta libra nardi  
 Magdalena suaucolens amorem  
 Dispensat tot in uncias odoras,  
 Quot artus gerit, artuumve nexus!  
 Et pectus, iecur, ossa, labra, vultum,  
 Pedes, brachia, viscera, & lacertos

Parti-

Partitò secat æquus vnciatim  
 Bes, dodrans, & amans triens quadrantis,  
 Et septunx socio comes deunci!  
 Ut sic CHRISTVS, Amor meus, sit heres  
 Ex asse ipse mihi, meoque nardo;  
 Dum totum seco corpus artuatim  
 Libræ in nardiferæ æquilibre pondus.

## X X X V.

MAGDALENA cor suum fugitivum  
 innectit CHRISTI pedibus.

CERNE, leui pennâ cor emicat ales, & anceps  
 Scindit iter: passis retia tende comis.  
 Ni facis, actutum volucres vanescit in auras:  
 Stare loco nescit mobilis ales Amor.  
 Cinge torum, latâque comas indagine passim  
 Sparge: fugit rapido cor pede; nocte moras.  
 Quâ vagus exsul abit, vestigia quærit IESV;  
 Hic sedet, hic vitæ mustea philtra sitit.  
 Si sapis, ô felix! tali iam docta Magistro,  
 Quâ semel arte tenes, vsque prehende Deum.  
 Prouida cor profugum strictis intexere capillis:  
 Si nescis, Domini stat pede fida quies.  
 Eia, comis laqueisq; comantibus indue prædam;  
 Et iusto spolio te tibi reddet Amor.  
 Si coma captiuum cor ceu custode catenâ  
 Detinet, ac CHRISTI iam pede stare iubet;  
 An volet, aut poterit tam blandâ compede vinctû  
 Cor procul his plantis exsul inire fugam?

## X X X V I.

MAGDALENA *din errabunda*  
CHRISTO *adheret.*

ANGVIPES mundi labyrinthus errat  
Auo flexu, sinuantque curuos  
Tramites, fallit nimium dolosus  
Magdalin error.

Spineis hamis tenet, ac tenebit,  
Ni viam puro radio serenes  
CHRISTE fol ardens, & adunca leti  
Vincla retexas.

Auribus duris pluuias querelas  
Abdicas? non sic abit hic inanem  
Imber in ventum: radians benigno  
Annuis astro.

Aureo lenis oculo gementem  
Magdalin. stellat iubar irretorto  
Emicans vultu. gemit illa grato  
Saucia telos;  
Et simul plantas niueas comanti  
Implicat vinclo, lacrymisque rorat:  
Intepet lymphæ calidæ niuosum  
Gluten Amoris.

Sic Amor fraudem geminans, liquenti  
Illigat visco Dominum, tenacique  
Illigat cirro laqueo, dolosi  
Aucupis instar.

Et simul sentâ pedicâ reuinctam  
Magdalin, mundi malè pertinaci  
Expedit curâ: fugit illa cæcis  
Libera septis.

Et

Et fugam sistit niueos I E S V  
Ad pedes : isthic stat Amoris ara,  
Quam manu prensans tenet, implicatque  
Vincta capillis.

## X X X V I I.

*Pars frontis MAGDALENÆ tacta à*  
*CHRISTO integra perdurat.*

**T**ANGIT eburnam  
Dextera frontem;  
Tangit & aureos  
Dextra capillos.  
Maeste beato  
Magdala tactu!  
Quando caducâ  
Morre recumbes,  
Merfa sepulcro,  
Merfa fauillâ;  
Haut tamen atris  
Oppetet vmbri  
Frons ab amico  
Sospita tactu.  
Quidquid I E S V  
Dextera tangit,  
Ducet ab illâ  
Mortis & Orci  
Immemor æuam.

H ;

Elo-

## X X X V I I I.

*Eloquentes lacryma.*

**M**AGDALIS vrbanos tot quondam docta  
lepores,

Cur, quasi tota fores rustica nympha, stupes?  
Nil nisi de tacito distillas lumine luctum.

Crede mihi, id muto murmure velle loqui est.  
Argutâ cor ecce latet loquiturque sub vndâ,

Perspicuoque patet cordis imago vitro;  
Defenditque reos, & scribit aquante liturâ.

Scilicet in lacrymis vitrea suada natat.  
Et sua vox oculo est; quidquid rogat, ilicò victor  
Impetrat, humenti qui fluit ore dolor.

Quàm sapit vrbana sale lacryma tincta suadam,  
Quando ita persuadet, vox vbi vincta silet!

## X X X I X.

*Alabastrum MAGDALENÆ in astrum  
vertitur, & craterem.*

**I**AM tandem mea Magdala,

Iam sat cinnama prodiga,

Ac spicas, & olens amomum,

In Christi caput aureum

Fudit pyxis odora.

Nimbus Magdaleum, suâ

Cum nardo bene-olente,

Nunc astris Amor inferet,

Qui tot prompsit odores.

Si quæras, tua nardina,

Stellan-

Stellantemque alabastrum  
 Quæ Cæli capiat plaga?  
 Quâ fuluo micat auro  
 Crater fidereâ domo,  
 Hic flauens alabaster  
 Fulget Cælite templo.

## X L.

*Feneratur suâ nardo maiorem gratiam*

MAGDALENA.

**P**RODIGIS eximios secundâ pyxide census,  
 Et tantas animo diuite vincis opes.  
 Tam raris equidem malim te parcere donis;  
 Sera sedet largo post Metanœa penu.  
 Quidquid Arabs, Indusve legit, Tmolive co-  
 lonus,  
 Impluit in bibulos prodiga dextra pedes.  
 Ut quid adhuc demēs nimbo vomis vberē nardū?  
 Parcior ô frugi prouida conde manu.  
 Quam sic vrit Amor, (mors illa suavis amanti)  
 Serò tuo hæc serua dona suprema rogo.  
 Ritè tuo, mihi crede, fluent opobalsama busto;  
 Exsequiis myrrhæ dos erit apta tuis.  
 Dona sino ut promas, modò te ne prodiga fallas;  
 Pauper ut his egeas, quas malè spargis opes.  
 Nōne deurit Amor flagranti pectora thyrsō,  
 Iam tibi & in cineres ossa deusta cadunt?  
 Quòd si sicca tuæ nardum sitit vna fauillæ,  
 Et tua conuiuans nardina CHRISTVS amat;  
 Hæc cui transcribes? CHRISTO? an tibi? poscit  
 vtrumque

Munus uterque sibi: neutri, an utriq; voues?  
 Quid suadus iubet auctor Amor, quid præses  
 honesti

Purpureus docto consulit ore pudor?  
 Diuite, ait, CHRISTI caput implue & imbue  
 nardo,

Reddet amans votis balsama plura tuis.  
 Vberiore manu quidquid capit, auget IESVS:  
 Et dare te credis munera? fenus emis.

## X L I.

MAGDALENA *oscula figit pedibus*  
 CHRISTI.

LAMBIS, & appresso figis vestigia vultu,  
 Molli relambens osculo;  
 Incumbisq; super. quid monstri hîc cerno?  
 superbum

Plantis in imis stat caput.  
 An male-sanus Amor præpropter cuncta volutar,  
 Sursum & deorsum ut misceat?  
 An magis ille globum pro Magdali versat in orbem,  
 Qui summa vertit infimis?

## X L I I.

*Amor navigationem parat in MAGDA-*  
*LENÆ lacrymis.*

QUA lacrymosa salsos  
 Dat Magdalis fluores,  
 Et se salo doloris  
 Mergit, salumque fundit

De



De lacrymis, & vndat  
Torum pedesque IESU;  
Hic fortè ludibundus  
Amor natans volucris  
Littus gradu pererrat.  
Miratur ille fluctus,  
Miratur ille ludos  
Aestus reciprocantis;  
Fugit, reditque fluxus.  
Instat puer, fugitque;  
Et ipse par marinæ  
Vndæ, pari recursum  
Aestus redit vicissim;  
Et mox fugit puellum.  
Tandem puer perenni  
Victus labore, victus  
Maris sequace fluctu,  
Nec non fugace cursu,  
Iter natans adornat.  
An ergo iam secundâ  
Aui, leuique vento  
Remex Amor biremis,  
Salsuginosa regna  
Sulcat vagâ sub alno?  
Heu dens biceps, gubernæ,  
Contus, rudens, remulcus,  
Pes, flexipesque remus,  
Volaticumque linum,  
Nudo deest Amori.  
Fabrâ sed arte solers,  
Et Dædalo paratu,  
Ratem maris colonam,

Pedem, leuesque remos,  
 Volatilemque nubem,  
 Velo parat fugaci;  
 Suâque de pharetrâ,  
 Non iam graui pharetrâ,  
 Sibi domum marinam  
 Natatilemque cymbam  
 Molitur architectus,  
 Faberrimus fabrorum.

## X L I I I.

*Armamenta sua cymba adstruit..*

**S**ED vndenam supellex,  
 Et arma quæ vaganti.  
 Amor parens carinæ  
 Securus adlaboret?  
 Pro carbaso bipennes  
 Dispersit ales alas;  
 Dein aptat in bisulco  
 Remos, & hinc & istinc  
 Pedes mari volantes;  
 Et surrigens sagittam,  
 De spiculo superbum  
 Malum struit per auras;  
 Tandem laborioso  
 Clauo viam fugacem  
 Dux dexter adgubernat.  
 Sed ecqua fluctuosæ  
 Merx innatat quadrigæ?  
 Molli recumbit ostro,  
 Et fluctuat cor ardens,

Cor

Cor anxium, cor vñdum,  
Cor aureum, cor ingens;  
Cor æmulum pyropo,  
Cor digna dos Olympo.  
Sed quò viator ardens,  
Cor deujs in vñdis,  
Amorq̃ue cordis obses,  
Præs, institor, patronus,  
Custos sagax, & heres,  
Nunc abnatat, fugitq̃ue  
Inhospitum per orbem?  
An gemmeis arenis  
Taprobanes, vel Indi  
Peruñioq̃ue cælo,  
Et aureis fluentis,  
Appellit ille clauum?  
Sapit, sapit: niuosos  
Quærit pedes I E S V,  
Argenteumq̃ue pignus.  
Huc ecce vector ales  
Plumosa vela pernix  
Aduertit, irretorto  
Cursum regens ocello,  
Stans ad pedes I E S V.  
Hic ancorâ tenaci  
Frænâ vagam carinam,  
Et acquiescit isti  
Toro sinuq̃ue I E S V,  
Seu portui quieto.

*Amor*

## X L I V.

*Amor vendit* CHRISTO *cor*  
MAGDALENÆ.

**A**MOR suum pyropum,  
 Ardensque cordis aurum  
 Exponit, & flagrantes  
 Venumdat en medullas,  
 Sequē, & suos sodales,  
 Ipsamque Magdalenam.  
 Quis emturit tot isthic  
 Opes, opumque fontem,  
 Viator an requiris?  
 Sibi Deus licetur,  
 Emitque Magdalenam.

*Palinodia.*

**V**AH vt miser deerro!  
 Vitæ suæ parenti  
 Amor, memor salutis,  
 Munus suum reponit,  
 Redditque cor inemtum,  
 Dotale pignus astris,  
 Cor Magdalenzæ I E S V;  
 Vt inferat coronæ  
 Aut annulo fideli,  
 Amoris in pyropum,  
 Amoris in figillum,  
 Amoris in tropæum.

*Libe-*

## X L V.

*Liberalitas obuia MAGDALENÆ odor-  
um cornu-copia effundit.*

**Q**VAEREBAT liquidum Magdala cinnamum,  
Halantes lacrymas turis, & Indicas  
Melles, Isacio non sine balsamo,  
Et ditis silvæ comas.

Occurrit gremio diuite Largas,  
Fundens nardiferâ balsama dexterâ,  
Et lætis spolijs vberis Indiæ  
Miscens Assyrias opes.

Hic ab Taprobane cinnameus liquor,  
Hic ab Cochinio littore munera,  
Hic Bandæ exuivæ, myrrhaque lacrymans,  
Et ver Arabias olens.

Candet gemmiferis auribus vnio,  
Stellat chrysolithis annulus aureis,  
Mentitur proprium ver stola discolor,  
Autumniq̃ue rubens decus.

Et cornu locuples pubere Copia  
Hinc læuam inde pari pignore dexteram  
Stipat; munifico vt poma vomat sinu,  
Spicis obsita nardinis.

Istinc balsameus riuus, & Indicus  
Succus, cum Cilicum frugibus influit  
Nimbus Magdaleum; messibus aureis  
Nimbus turgēt odorifer.

*Fama*

## X L V I.

*Fama effusam à M A G D A L E N A  
nardum colligit.*

**V** T tum fors thalami limine florido.  
Stabat Fama sacri nuntia nardini,  
I E S V M. folicito lumine metiens  
In-costo, casia, & croco;  
Hinc illinc manibus sublegit obuiis,  
Et pando gremio condit, amabiles  
Passim reliquias Magdaleâ manu  
Sparfas marmoreo solo.  
Et nardi liquidis implet odoribus  
Ieiunum lituum, quo tuba personans  
Messies Magdaleas orbis in vltima  
Spargat cinnameo tubo.

## X L V I I.

*Coma M A G D A L E N A E fit astrum.*

**E** VERRIS madido cincinno sedula lymphas,  
Vnde Dei in castos balnea fusa pedes.  
Obsequium felix! prò dedecus! ibit in urnam  
Pulveream hæc sindon, & coma digna Deo?  
Quis sonor, incertû; sonor attamen appulit aures;  
Vox sonat ab dextrâ: Iam coma fidus erit.  
Si Berenicæo dedit astra marita capillo,  
Dum parit incestum crimen adulter hymen;  
Sidereum his cirris æther cur abnuat aurum,  
Quæ Domini argenteos implicuere pedes?  
Hic vbi fulua micant stellante monilia Cælo,  
Nobile

Nobile cæsaries aurea pignus erit.  
 Quo vis indigitem titulo Cælsive figurâ  
 Magdaleum fidus, humidulasque comas?  
 Si radio imbrifero coma quos bibit, exprimit  
 imbres;  
 Credo piis lacrymis nubila Pleias erit.

## X L V I I I.

*Crines MAGDALENÆ, casses*  
 CHRISTO.

**D**EDIGNANS humili reptâtes agminē prædas,  
 Siue solo currant, siue vagentur aquis;  
 Aucope freta dolo meditaris in aëre fraudes,  
 Pennatisque moues ardua bella feris.  
 Egregium quô cura trahit generosa laborem,  
 Incipe pennigero tendere lina gregi.  
 Sed quid ego in Superos vacuas procul eueho  
 curas?

Terra tibi Cælum; est hîc tua præda Deus.  
 En spes ille tuæ sedet opportuna rapinæ  
 Hîc, vbi Sidonio lucet honore torus.  
 Intendis laqueos & fila dolosa Tonanti,  
 Irretisque trahens in tua vincla Deum;  
 Vincla sed illa, teres nisi fors pilus, instar A-  
 rachnes.

Tam fragili teneat cōpede Numen Amor?  
 Tam fragili tenet ille sedēs in compede Numen:  
 Et quid nî teneant aurea fila Deum?  
 Hîc quid opus crassusve rudens, seu firma catena,  
 Vnde Deum capiat, si velit vltro capî?

MAGDA-

## X L I X.

MAGDALENÆ *amor & timor ex aspectu CHRISTI Sponsi & Iudicis.*

**T**E spectem, mea lux, decusque IESU?  
 Seu vultu pius annuas sereno,  
 Seu vultu grauis abnuas seuero,  
 Me lux blanda rapit serenitatis,  
 Et fax turbat atrox seueritatis:  
 Peræquè miser hinc & hinc reuincto  
 Angor me pede distinet, trahitque  
 Alternis dolor impotens catenis.  
 Me si fidere respicis benigno,  
 Cor hoc torret amor, cremat medullas.  
 Sin me lumine fulminas minaci,  
 Me torquet timor anxius pericli.  
 Heu! me dat geminis perire damnis,  
 Tranquillumque iubar, minansque fulgur.  
 Me si perdit amor, furorque perdit,  
 Quæ spes vlla meæ super saluti,  
 Quam necat glacies, necant & ignes?  
 Ah! permistus amor timore, mors est.  
 O duram nimium necessitatem!  
 O sæuum nimis ô nimis fauorem!  
 O sæuum nimis ô nimis furorem!

## L.

MAGDALENA *in clepsydram  
 se verti vouet.*

**S**I forte alterutrâ sit, aut utrâque,  
 Aut leto dubio immori necesse,

Mors



Mors vt fræna doloribus reponat,  
 Aut vitæ decus vt nouæ regnat;  
 Vrat, vrat Amor fibras & artus.  
 Me si verterit in breues fauillas,  
 Mox siccos cineres Amor gemellæ  
 Includet phialæ, mei que I E S V.  
 Alternam sibi clepsydram refinget:  
 Quò sic ille mei faces Amoris,  
 Scintillas, cineres, piasque flammæ  
 Alternam numeret redux in horam.  
 Sic soles mihi postumos reduces,  
 Soles puluereo orbe metiendos,  
 Si vultu pius annuas sereno.

## L I.

MAGDALENA *Misericordiam & Iu-*  
*sticiam in gemino CHRISTI pede*  
*complexa.*

**B**IS geminâ constringe manu pia Magdala  
 CHRISTVM;

Nam pius & gemino te pede CHRISTVS adir.  
 Nec tantû alterutrû, sed vtrumq; tenace catenâ,  
 Et dextrâ & læuâ prouida prende pedem.

Iustitia hinc vindex, illinc Clementia pacis  
 Arbitra, par concors, & soror æqua sedet.

Quas dispar genius secat impare Numinis vsu;  
 Hæc iubet, illa verat abstinuissè manum.

Quam sequeris? iustâ terret te fulmen ab irâ?  
 An potius pacis mitis oliua trahit?

Spemque, metumque, pari geminus pes tem-  
 perat arte;

Gratia

Gratia ne nimium tollat, & ira premat.  
 Læuus uti pesit læui lanx sæua furoris,  
 Siopia lanx pacis pes tibi dexter erit.  
 Et læuam & dextram bis in oscula diuide malam;  
 Ac læuo & dextro nocte, renecte pedi.  
 Sic iubeo: geminis alternas oscula plantis,  
 Alternâque pedes tergis vtrimque comâ.  
 O tibi quam felix dextrâ fors voluitur urnâ!  
 Cui datur, his plantis, spêque metûque frui.  
 Nō timor hic exîpes, nec spes nimis ægra timore  
 Claudicat, incertis alterutrimque modis.

## L I I.

*Pedes CHRISTI MAGDALE-*  
*NAE oblatis.*

**D**EXTRO & sinistro Numinis sedet pede  
 Hinc ira, & inde pacis obses gratia,  
 Quas æquo vtrimque scindit examen gradu:  
 Et æquilibri dexteram abstines pede?  
 Hinc pondus iræ, pondus inde gratiæ,  
 Dextrâ, sinistrâ, prouida appendis manu;  
 Deique tractas arbitros rerum pedes.  
 Diuinæ, opinor, facta libræ es libripens.

## L I I I.

*CHRISTVS inter duos agros, MAG-*  
*DALENAM & SIMONEM.*

**B**IS geminos inter Medicus sedet inclytus  
 agros,  
 Hinc febris acris edit, inde phrenesis agit.  
 Febris

Febris anhelat opem, rabido furit ore phrenesis,  
 Quà Dominum cingunt æger & ægra latus.  
 Ille furens admordet, amans hæc mulcet IESVM:  
 Hæc medicum portat munus, & ille probum.  
 Nil tamen vnca moror crispì conuitia nasi,  
 Quæque Lycambeo vulnera dente tument.  
 Scriba fero morsu si vulnerat asper IESVM;  
 Prouida Diua crocum, quo medeatur, habet.

## L I V.

*Medicina è nardo & tactu pedum.*

**S**VRGIT Erythræis lux ô signanda lapillis,  
 Quæ grauis euerrat nubila dira netis.  
 Fortè nigras venas si pestifer exedit ardor,  
 Qualis Auernali de face flamma flagrat;  
 Iam tibi funesto leti diu puluere squalens  
 Sol comet radio nobiliore caput.  
 Tu, cui dira putres violant contagia venas,  
 Tange Deum: tacto Numine vita fluet.  
 Balsameis succis, semperque recentibus herbis,  
 Iesseidæ floris succida planta viret.  
 Sicca Syra si dat pedis vmbra, vel aura salutem;  
 Isacidi an medicam pes neget vnctus opem?

## L V.

*MAGDALENA sub Cruce acu pingit.*

**M**AEONIS vt virgo vario de flore colorum  
 Picta sub obliquâ vela figurat acu:  
 Magdala sic tristi dum sub trabe sedit in vmbra,  
 Lugubre sanguinæ mortis adumbrat opus.  
 Detra-

Detrahit illa peplum, stillantē sanguine peplum,  
 Detractumque cauā pandit vtrimque manu.  
 Iamque; crucem texit manus æmula mima doloris.  
 Pro radio, telam spina cruenta notat:  
 Quæ dum purpureo rubet ac madet ebria succo,  
 Sanguine quo pingit, sindona pungit acus.  
 Sic docili lino lacrymans intexit I E S V M  
 Magdalis, ut mortis textile viuat opus.  
 Quæ quoties oculi radio pepla tristitia signat,  
 Gemmatis toties flens ea pingit aquis.

## L V I.

*Imago MAGDALENÆ sub Cruce  
 lacrymantis.*

**I**MAGINOSVS artifex  
 Amor, dolentem Magdalinā  
 In fontis vndas verterat;  
 Sed ars Apellis Dædalo  
 E fonte reddit Magdalin.  
 Vberimis iam lacrymis  
 Manat quadrā sub arbore.  
 Vah quā deerro ab ianuā,  
 Totoque cælo deuius!  
 Dum sic cruentum stipitem  
 Tot lacrymosis riuulis  
 Mæror perennans imbuit;  
 Heu rursus vndā pristinā  
 Est quod fuit, fons Magdalis.

MAGDA-

## L V I I.

MAGDALENA *luget fratrem  
extinctum.*

**I**T E graves gemitus, suspiriaque æumnosa,  
 Ite interrupto murmura trunca sono:  
 Vitreaq; imbriferis dolor excute frena procellis;  
 Quique liquor nimbis, currat & ille genis.  
 Prô quantum ausa nefas! primo mors abdicat æu  
 Delicias Solis. lux tua pulvis erit?  
 Ah soror infelix! fraterni è pulueris urnâ  
 Ossa leges, non hoc ossa legenda sinu?  
 Et modò vos vnum concordî pectore nomen  
 Dispare iam fato scindet acerba dies?  
 Dissidio tristi (quidquam an crudelius?) exsul  
 Vita fugit mœsto corde, nec vlla redit.  
 Heu! mortis domus atra tenet tua viscera fratrē,  
 Cui surdæ infracto stant adamante fores.  
 Sic, sic, ô miseram! quondam tua gaudia frater  
 Exsanguî in glaciæ frigida larvâ iacet?  
 Fors aliquis tribus in digitis ad mensus ad urnam  
 Quid cineris, dicet: Frater id ille tuus.  
 Hæc tua spes? sic Bethaniæ sua præmia genti  
 Asserit informi sparsa favilla solo?  
 Huc tot Auûm ceræ? tot & illita purpura fastis,  
 Totque per antiquos linea ducta Duces?  
 Illum flet rupes, illum flet rupibus Echo,  
 Illum flet tonsis anxia terra comis:  
 Et liquidi fleuere lacus, fluidique liquores,  
 Fons Siloë, ac Siloës riuus, & orbus ager:  
 Et Solymæ fleuere nurus, Solymique nepotes,  
 I Illum.

Illum & Berhanidū conscia saxa gemunt.  
 Crudeles nimium (si fas sit dicere) Diui!  
 Cur tantum, ah! terris inuidet æthra decus?  
 Ver abiit cum flore, breues fluxere corollæ;  
 Pro violâ en mœstis sparsa fauilla comis.  
 Non tenerâ byssum lapis asperat Indus, & aurū:  
 Sed sedet in furuo nubila vita peplo.  
 Stat cultu sine cultus inops, sine luce vel ostro;  
 Bætica natiuo lana colore gemit.  
 O quoties madidis solemnia vota tabellis  
 Suscipis! & ventis murmur inane voues!  
 O quoties surdo numeras suspiria busto!  
 O quoties muto puluere muta sedes!  
 Quis numeret, quoties respectas cæca sepultum,  
 Delusis quoties ægra doles oculis?  
 Visa frui, quoties vanas amplecteris auras,  
 Tristis vbi somnus fratris imago redit?  
 Nec redit. ah quantū scelus est mors ausa! dolori  
 Vsq̃ue tuo vt viuat frater, vbique perit:  
 Carnificesq̃; animat crudo sub pectore flammæ,  
 Insolabiliter queis flagrat æger Amor.  
 Ibit inusta pari nunc & soror ipsa cupressu,  
 Fratris in inferias victima prompta mori?  
 Te, cui mors parcit, rapit ergo tyrannis Amoris?  
 Quod genus hoc pietas? sit graue crimē Amor.

## L V I I I.

*Lamentum MAGDALENÆ dum  
 CHRISTVS sepulcro conditur.*

**M**I I E S V, diu fida meæ tutela salutis,  
 E gremio præceps laberis in tumultum?  
 Deli.

Delicias nunc ergo meas, & pignora vitæ,  
 Eripit amplexu mors scelerata meo?  
 Quo rapit, ah! IESVM, rapit & mea viscera saxo,  
 Et mea cum I E S V corpore corda tenet;  
 Includitque pari me mors æquæua sepulcro:  
 Sic equidem voueo, sed vetat asper Amor.  
 Ah raptum decus! ah igitur mea gaudia rupes,  
 Et premit affectus liuida petra meos?  
 Bruta filix seruat, nec habet sua Magdala IESVM?  
 Magdalis an saxo durior ergo filix?

## L I X.

M A G D A L E N A *ab* C H R I S T O  
*absente tenebras, à presente lucem*  
*accipit.*

Q V O D super, & quod fas fuerit, dabo vota  
 sepulcro;  
 Et sacro cineri dona suprema feram.  
 O nimium felix marmor! domus hospita leto,  
 Quæ claudis grauido marmore feta Deum!  
 Delicias cape læta meas, cape pignus Amoris;  
 Nobile depositum, quod tuearis, habes.  
 Orbita dum refugis teritur Phœbea quadrigis,  
 Et mea cum Phœbo spes redeunte redit:  
 Hæc inter Domini, sine luce, sine igne vel aurâ  
 Aetheriâ, ad tumulum Magdalis orba gemet.  
 Aspicias hanc serâ quæ noctis oberrat in umbrâ;  
 Ah animi speculum conscia Luna mei est.  
 Obuia Phœbeos Phœbe si concipit ignes,  
 Oppositoque bibit fratris ab ore iubar;  
 Cynthia fraternis ardet soror æmula flammis,

Mentiturque notho Sole superba diem :  
 At simul inde cauos auerterit auia vultus,  
 Vmbra nigrans omni lumine cassa flet.  
 Sic ego fidereum quem nox premit inuida vultū,  
 Liquero; lucis inops, mortis vt vmbra, querar:  
 Ast vbi vicino tangam mox lumine Numen,  
 Tota micans isto sidere sidus ero.  
 Dat mihi mors CHRISTI, nox vt sim nubila  
 luctu;  
 Vt sim Luna redux, mox noua vita dabit.

## L X.

*Libripens Amor de vitâ aut morte M A G -  
 D A L E N A E ad sepulcrum.*

**A**SPICE, luctificum quæ prospicit ægra se-  
 pulcrum,  
 Vt gemit, & passas tendit ad astra manus:  
 Vt vox torpet iners, vt hiant suspiria anhelâ  
 Hauſta animâ, vt mœſtus ſerpit in ora color:  
 Vt ſtat ceu rupes, vt pallet tota vel ipſo  
 Marmore frigidior, Biſtoniâque niue.  
 Quæ rerû hæc facies? mors hîc, an vita ſuperſtes?  
 Corpore Magdaleo Magdalis omnis abeſt.  
 Cor ſi ſpecto, flagrat; viſ viuida flammat Amoris:  
 Sin corpus; gelido pallet in ore dolor.  
 Altera pars vitæ, pars altera mortis imago eſt.  
 Sic ſibi par diſcors Magdala tota perit.  
 O ſortem ſine ſorte! pari diſcrimine fati  
 Mors hîc alget hiems, & calet æſtus Amor.  
 Anxia dic vtri cedet iam Magdala parti?  
 Tota ſtet alterutri? tota an vtrique cadat?

Par



Par vtrunque pari dirimit ius pondere lances :  
 Quod dat huic, illi non negat æqua bilanx.  
 Libra necem vitamque pari stans pondere fallit;  
 Et quod vtrique dedit, ius id vtrique negat.  
 Nónne necē fraudat corpus, quod triste cadauer;  
 Viua tamen cordis cui modò flamma micat?  
 Nónne suo & viduam fraudat cor munere vitam,  
 Cui sua vita merum non nisi funus alit ?  
 Quòd si mortis hiems corpus, cur ardet amore  
 Cor veges, & medio funere flamma micat?  
 Sin cor ardet amans, & Sirius incoquit æstus,  
 Cur hiemant pigro cetera membra gelu?  
 Vt sensit dubio pugnantes pectore curas;  
 Pax, pax, inquit Amor: fors rata cuique manet.  
 Pars si viua viget, nigra cur cadat hostia morti?  
 Sin pars hîc mera mors, cur ea vita foret?  
 Mittite pugnaces discordi examine lances;  
 Vtraque lanx pondus datque negatque suum,  
 Libra sed alterutri parti cùm fluctuat anceps;  
 Singula quæ non dat, Vis mihi cuncta dedit.  
 Si corpus gelat, ille meo cinis ortus ab igne est:  
 Sin cor flagrat amans, fax facis ista meæ est.

## L X I.

*Vox in lacrymis.*

**M**AGDALIN effreni vt delusit fanna cauillo;  
 In lacrymas, oris nobile soluit ebur:  
 Cui Pudor arridens, & Amor comes ipse Pudori:  
 Et tibi sunt voces hîc, vbi flendo siles ?  
 Mitte precor gemitus, mea Magdala, mitte  
 dolores,

Quos acuit mœstis turbida cura modis.  
 Crede mihi, plures gena distat aquosa querelas,  
 Quàm queat innumero murmure lingua  
 queri.

Mutus enim loquitur vocis cum pondere fletus,  
 Vocaleſque sonant lumina muta preces.  
 Si cordis pia lingua, fluit lacrymosus ocellus;  
 An malè vox cordis lacryma tristis erit?

## L X I I.

MAGDALENA *peccata suis unguen-  
 tis & fletibus expiat.*

Q V I D tibi vis mulier trepidis obnoxia votis,  
 Frigida sollicitus cui quatit ossa pauor?  
 Mitte minas, crudâque metum de Numinis irâ:  
 Pax mergit lacrymas, quas tonat ira faces.  
 Nardus odorato quem lenit & ungit oliuo,  
 Unguine de medico cur neget Vnctus opem?  
 Crede mihi, Stygiâ quas de pice flammât E-  
 rynnīs,  
 Mistâ tuæ nardo vincet oliua faces.  
 Quid tibi non voueat de cœlite *Xeus* oliuo,  
 Vnde fluet flammis altera flamma tuis?  
 Si qua caput fuscant veteris vestigia flammæ,  
 Sidereo delet igne vel imbre dolor.  
 Cincinni, lacrymæ, crocus, oscula, nardus, a-  
 momum,  
 Quas non expugnent ad sua philtrea minas?

MAGDA-

## L X I I I.

MAGDALENA *monstrum mutatur  
in Dinam pulcherrimam.*

**V**T septena nocens Lernæi cornua monstri  
Monstrifero speculo vidit, & erubuit  
Magdalis, (ah-miseram!) tot inhorruit ilicet  
hydriis,

Prompta mori, nisi spes alma secundet opem.  
Protinus accurrit lacrymosa doloris ad vndas,

Balnea quò puro flumine pura bibat.

Funeſtâ quam forte premit ius mortis & Orci,  
Eripiet Stygio mox pia lymphæ lacu.

Illa potis calido fera monſtra deurere fletu,  
Illa potis blandis vincere Numen aquis.

Illa vouet faciles non duro in Numine vultus,  
Illa nouum caſto ſpondet ab imbre decus.

Quàm trahit intus amans arcano ſidere IESVS,  
Tam foris humano ſuſcipit vltro ſinu,

Inuitatque ream: nec ſeciùs illa benignum  
Influit in gremium, Numine iuſſa frui.

Quàm flagrat intus Amor viſ imperioſa pudoris,  
Tam foris os pingit purpura caſta pudor.

Cui citimo radio ſimul ac caput icit I E S V S,  
Frons modò ſilua feris, iam roſa viuæ rubet.

Vndique, cerne, comis fluxère virentibus hydri;  
Quaque fluunt hydri, crimina fœda cadunt.

Terror abit, rugæque graues, ſeniumque doloris,  
Et frontem nitido pumicat ore Charis.

Candida cygneis obnubit tempora vittis,  
Qui ſedet ingenuo pectore virgo Pudor.

Sic aliam ex aliâ iam Magdalin ambit I E S V S  
E Stygio monstro, sponsa fit apta Deo.

## X L I V.

*Pia fraus Amoris.*

**N**YMPHA verecundis gena cui micat illita  
guttis,  
Quæque bipertito diluis amne pedes;  
Falleris, & nescis. nec falleris. alba gemello  
Te dare fonte putas balneat flendo capis:  
Teque lauas lacrymis, ( an & hæ quoque fallere  
doctæ? )  
Quin etiam lymphas imbibis ipsa tuas.  
Oscula nam riguis ubi figis hiantia plantis,  
Crinis & ora bibunt quas gena fundit aquas.  
Cerne, tuas rigat vnda genas prius illita plantis:  
Sic redit ad fontem riuus vterque suum.

*Pœnitentia exscindit vlcus Conscientiæ.*

**Q**UO te pennigeris super euchis astra qua-  
drigis?  
Siste, precor, volucres ad tua frena rotas.  
Siste, precor, seu tela placent, seu termes oliuæ:  
Magdalis alternâ præmia sorte leget.  
Vfus erit telis, pacalibus vsus oliuis:  
Magdalis icta gemit, & noua sæcla trahet.  
Hinc Amor, inde dolor, concors stat cura me-  
dæ:  
Hic ferrum, medicas suggerit alter aquas.  
Vindice sub ferro crudum dolor exsecat vlcus,  
Sed medico succo Magdalin vngit Amor.

Sic

Sic vrente manu qui plectit acerbus, & idem  
 Parcit amans dulci mistus amore dolor.  
 Quàm dolor vrit atrox ferro qui sæuit & igni,  
 Tam lenit liquido rore suavis Amor.

## L X V.

*Epulum spirituale* CHRISTVS  
 MAGDALENÆ *adornat.*

**A**D cœnam noua cœna venit, noua gaudia  
 manant;

Dispare sed missu, par vbi mensa sedet.

Hic epulum Simon, epulum struit ipse I E S V S:

Iste suum nectar promit, at ille merum.

Plumbeus ille magis plumbo, hic magis aureus  
 auro est:

Hic trahit, ille fugat: gaudet hic, ille fremit;

Meque super rodens, mordaci dente laceffit,

Nectareaque nigro felle venenat opes.

Et licet inuidiæ fera ructet Echidna venenum,

Musca de puro nectare pocla sequar.

Cælite me musto, dape cælite pascit I E S V S.

Pectus, & ora natant hausta tot illecebris.

## L X V I.

*Dulcedo è lacrymis.*

**I**TÆ lyra quondam malè gaudia, & omina  
 luctus:

Ite ioci, vitæ seria damna meæ.

Ite leues curæ volucris de pulueris umbrâ:

Ite stolæ probi conscia vela mei.

I s

Ite

Ite graues torques, seruo modò vincula collo:

Ite rosæ, leto spinea silua meo.

Denique quotquot opes vitreo dat mundus a-  
ceruo,

Ite, mei fontes & seges atra mali.

Ab Domini pede læta bibo, simul erogo fletum:

Deque piis lacrymis ebria pocla lego.

Mæror enim quasi lætitiæ sator vbere botro,

Cùm biberit lacrymas, mustea pocla vouet.

Vndat inexhausto vindemia macta Lyæo,

Hoc de fonte satur si bibat hospes Amor.

## L X V I I.

M A G D A L E N A *animo linquitur*

C H R I S T I *tractans vulnera.*

P E R T E N T A T trepidante manu, digitosque  
retractat

Anxia, & in crudo vulnere læsa tremit.

Nunc labra, nunc pectus, fractos nunc luminis  
orbes,

Nunc mulcent laceros oscula blanda pedes.

Ora, genas, oculosque, latusque, necisq; cauernas,

Abruptosque pedes, diuiduasque manus,

Rursus hiant legiti animâ, & rimatur auaris

Rursus hians oculis; rursus & ægra gemit.

Rursus & includunt suspiria muta querelas,

Singultimque secat murmur inane dolor.

Iamq; adeò viuum C H R I S T O fit tota sepulcrum

Magdala, Magdalco viuat vt ille sinu:

Cumq; Dei de morte nouam det vulnera mortē,

Ipsa suo C H R I S T V M corde dat vsque mori.

MAGDA-

## L X V I I I.

MAGDALENA *salutem è nardo  
reperit.*

**T**E fera febris edit tacitas depasta medullas,  
Sanguine defecto vita cadauer olet;  
Ulceraque aspra tument obscœni conscia tabi:  
Verminat impuro pure situque sinus.  
Quære quod halat Arabs fors silua, vel affiat  
odoro  
Indus onyx folio: nardina spica placet.  
Ecce, caput nardo roras bene-olentis I E S V:  
Ambrosijs diues stillat aroma comis.  
Quò medeare tuis ardens & faucia plagis,  
Nunc tua queis vnxti, nardina CHRISTVS  
habet;  
Inque vicem dio te nunc rigat vnctus oliuo:  
Quas pluis ægra, capis sana salutis opes.

## L X I X.

*Momi consuitium.*

**Q**UID QUID id est, animum scedis quod  
prægrauat ausis,  
Hoc infans tenero sustinet ore pudor.  
Et sua probra palàm casto frons publicat ostro,  
Quæ clàm cor tacito celat operta sinu.  
Hinc tenebras & vela suo frons nuda rubori  
Quærit, & obscœnum vult tegat vmbra caput.  
Nunc igitur tibi si qua sacri sit cura pudoris,  
Casta verecundis flammea quære genis.

Sed tibi purpuræ frons abdicat improba nubem,  
 Nec nisi fœda leues spargis in ora comas.  
 Quale nefas! nudi probra quò piet ista pudoris,  
 Nunc opus hîc alius qui tegat ora pudor.

## L X X.

*Modestia respondet Momo.*

**M**OMOVS an in læuam ridendas despuit iras  
 Crudus, & atra nigro cum sale probra  
 vomit?

Despue inurbani fera iurgia & orgia Momi:  
 Nolo tuas abdat textilis vmbra genas.  
 Si frontem sine fronte pudor tibi perfricat orbis  
 Sindone; sic nudam dedecuisse decet.  
 Qui sua sic nudat inuesti crimina vultu,  
 Nec scelus erubuit; crimine liber abit.  
 Nec benè quis soluit, què debet noxa, pudorem;  
 Anxia ni soluat frena pudoris Amor.

## L X X I.

**MAGDALENA** *animo linquitur*  
**CHRISTI** *explorans vulnera.*

**A**RCANAS tacito suspendens ore querelas  
 Magdalis aspectat lugubre mortis opus:  
 Exceptumque sinu frigentem lustrat IESVM;  
 Rimaturque oculis, vulnera quanta secant.  
 Osculaque effusis dat & eripit vda labellis:  
 Rursus hians oculis vlcera mille legit.  
 O quoties libuit votis accersere mortem,  
 Vt toties vidit membra cruenta mori!

Panè



Pænè graues leti sopor opprimit improbus artus:

Sed propè labentem sustinet acer Amor;

Inque pedes animo linquentem surrigit. cheu!

Lapsa, relapsa labat pectore semianimis;

Aspergitque (calix ut tum propè stabat) aceto,

Cui nondum cruciæ fella remissa necis.

Tum demum sua mens rediit, rapidusque currit

Ima per ossa calor, serpsit in ora color;

Abruptasque gemens geminat, geminatque querelas,

Inferiasque parat officiosa Deo.

Antè tamen mortis scrutatur obitque latebras,

Diues ut inde suas eruat augur opes:

Exploratque, sibi vitæ quod spondeat omen, —

Qui flagrat in gelido funere viuus Amor.

## L X X I I.

*Lacrymis iram Numinis placat*

MAGDALENA.

**O**BVIA quid spectas ardentem Magdala  
IESUM?

Tunc pati tantam parua fauilla facem?

Hinc iubar an speras? nimbosum sidus ab isto

Sole tonat; flammæ sed sine nube tonat:

Inflamatque minas: nec enim sedet vlla Tonanti

Cura prior, iustas quàm properare faeces;

Vindicibusque rogis attras exurere noxas:

Et piceum obiectas noxia tota caput?

Mille rubet circum flammæ, flammantque tribunal

I 7

Igni-

Igniuomum: & spectas bis rea facta Deum?  
 Hoc oculo (nescis?) ferali luce cometes  
 Fulgurat, vnde necis conscia signa flagent.  
 O miseram! quæ cura tuæ nunc prima salutis,  
 Quæve secunda? tuæ num data porta fugæ?  
 In quascumque voles caput anxia conde la-  
 tebras;  
 Deprensa in medio crimine semper eris.  
 Quid facies? sæuis tot Vindicis ignibus, cheu?  
 Vrimur. Vltorem vicimus, inquit Amor.  
 Vicisti lacrymis placabile fulmen IESV:  
 Quod modò triste iubar, lampas Amoris erit.

## L X X I I.

CHRISTVS *spiritali nardo ungit*  
 MAGDALENAM.

Qvò tibi flos myrrhæ? quò nardus amica  
 corollis,  
 Quò tibi munificâ balsama fusa manu?  
 Quò tibi ros oleæ, pingui qui nubit amomo,  
 Quemque Cilix flauâ dote maritat odor?  
 Ungere vin' CHRISTVM? non illi vespera  
 vitæ  
 Incubat, aut ægro corpore vita fugit.  
 At tu putre cales viuaci morte cadauer,  
 Quam scelus & febris noxia mœror edit.  
 Tange manu venam, mors incubat ignea pectus:  
 Et dotes medicas morbida tota geris?  
 Eia, crocum myrrhamque tuo transcribe Ma-  
 giftro:  
 Ille salus medicum *Χεῖρς* in vnguen abit.  
 Relli-

Reliquias animæ si pestifer exedit ardor;  
 Qui nocuas flammæ temperet, humor erit.  
 Ex sanguine in macie modò pallida mortis imago,  
 Succida mox pleno flore iuuenta fluet.  
 Quid brevis hora facit? puncto quot fenerat  
 annos,  
 Tam citò de morbo cui fata longa salus!

## L X X I V.

MAGDALENA *lacrymas suas  
 capillis exsiccatur.*

L V M I N A nimboſas vertèrè doloris in urnas,  
 Hinc Amor, inde pari miſtus in imbre  
 Pudor.  
 Quas oculus vomit imbricator cœu nubilus  
 Auſter,  
 Mox ſitiente comâ ſicca relambis aquas.  
 Ipſa tibi pugnas diſcordi diſſona voto,  
 Et liſ diuiduum pectus iniqua ſecat.  
 Si ſiccas, alios oculus cur turget in imbres?  
 Sin fluſis, has lymphas cur coma parca bibit?  
 In bibulam telâm ſparſos ne verte capillos,  
 Stricta vel imbriferis iniſce frena genis.  
 Sed rigat & ſiccatur labor alter & alter I E S V M:  
 Apta pio diſcors hæc in Amore rota eſt.  
 Si coma caſta bibit, pia quos gena depluit,  
 imbres;  
 Num malè potat Amor, quas dolor vndat,  
 aquas?

*Ligo*

## L X X V.

*Ligo in manu CHRISTI hortulani fist  
umbraticum horologium MAGDA-  
LENÆ.*

**M**AGDALIS incertas rapiens per devia curas,  
Venatur profugi conscia signa pedis:  
Nec longum venata, pedes deprendit IESVS,  
Cui radiat gnauâ marra colona manu.  
Hæsit inassuetâ Domini defixa figura:  
Longus enim viridẽ sarculus umbrat humum.  
Sarculus umbrat humum, quem Crux transfuersa  
pererrat  
Ad caput; & CHRISTI sedula dextra regit.  
Hunc quem quadra Crucis detornat imago li-  
gonem,  
Stare solo vt vidit; Dos mea, dixit, erit.  
Vt benè nunc horas Crucis indice metiar umbrâ,  
Iste ligo solers horologion ager:  
Quem superirradiat sol pulcher Amoris IESVS,  
Mortis ad eclipsim qui modò nimbus erat.

## L X X V I.

*CHRISTVS sitit in Cruce lacrymas.*

**V**ERIS odora sequor vestigia sub Crucis  
umbrâ,  
Quæ pede purpureo pulcher adumbrat Amor.  
Quæ sequor, abducunt feralem mortis ad aram:  
Hic reperi caluo nata rosæta iugo:  
Qualia pænè serit spinæ de pubere telo.

Asper

Asper Amor, leti quem seges aspra iuuat.  
 Hic etiam lentâ deprendi rupe gementem  
 Magdalin, & diræ conscia saxa necis.  
 Spina tenax vnco morfu defixit euntem :  
 Fixa stat: icta genis plurima lymphæ fugit.  
 Quæq; fugit, crescit dolor, & comes vnda doloris.  
 Roscida iam nubes Magdala tota fluit.  
 Rorat enim lacrymas, (fructus qui summus  
 Amoris)  
 Quas Iesæ Solymo flos sitit æger agro.

## L X X V I I.

*Eclipsis MAGDALENÆ.*

**N** VPER ad Hesperij funesta cubilia Solis,  
 Vesperina specuâ quem sepeliuit humo,  
 Quæris adhuc audis incerta per omina votis,  
 Nubilaque vmbrosus funerat ora dolor.  
 En tacitos lacrymâ cor exprimit indice questus,  
 Et queritur longas noctibus ire moras.  
 Siste sed ô lacrymasque, gradumque, grauesque  
 querelas,  
 Et fuge nocturnis tædia vineta moris :  
 Iam debellato redit inclytus ultor Auerno;  
 Vt redit Oceanis Sol rediuius aquis.  
**C** H R I S T V S ab occiduis necis emicat, emicat  
 vmbriis,  
 Illustrique nouum parturit ore diem.  
 Obuius ecce tuis oculis iubar afflat & ignes:  
 Obuia iam plenum concipe Luna globum.  
 Vt quid adhuc fraudas lumen radiantis IESV?  
 Crescentem ô felix hinc lege Diua diem.  
 Rursus

Rursus at vmbroso palles ceu Cynthia vultu,  
 Quam propior rapidis torret Eois equis:  
 Nescia nam tangis, nec conscia tangis I E S V M,  
 Et paris hinc noctem, dux inbar vnde legas:  
 Vitalesque tui Solis redeuntis ad ignes  
 Luna files. heu! te mortis eclipsis habet.

## L X X V I I I.

*Violas sub Cruce legens M A G D A L E -  
 N A ab spinâ vulneratur.*

**M**A G D A L I S infestis circum vallata sarissis,  
 Mors ubi ferali sub trabe dira sedet,  
 Carpebat violas, quas Martius educat annus;  
 Carpentem violas improba spina ferit:  
 (Hæc Crucis exciderat spinosâ fortè coronâ:)  
 Magdalis exclamat saucia, clamat amans:  
 Sentio dulce mei pignus dotale doloris,  
 Spinigerâ è siluâ quod mihi misit Amor.  
 Omen ab euentu: blando cruor emicat ictu;  
 Cumque cruore, pari lacryma rore fluit.  
 Opto, simul voueo, mihi dos comes omnibus  
 horis  
 Sit pia spina; meus iam rosa sanguis erit.

## L X X I X.

*Officinam vnguentariam Amor  
 instituit.*

**H**IRSVTVM malè culta caput, malè compta  
 capillos,  
 Quò quæso proripis gradum,  
 Præ-

Præcipitiq̃ue ruis cursu per devia rerum?

Ad nundinas, ad nundinas?

Et quasnam? ambitio tibi an empturit aurea  
gemmas,

Siue annulos cum torquibus?

Anne foro Cyprio speculum & cum pectine  
plac̃trum

Vis emptitare, & spongiam?

Tale nihil spiras. insana choragia mundi

Fastidiosa desp̃uis.

Te nouus ardor edit: sagi canis instar, odoras

Venaris auras vndevis;

Arabicasq̃ue sagax passim rimare tabernas,

Et officinas Indicas.

Quid tantum satagis rerum, & fora cuncta per-  
erras,

Par mobili trocho & rotæ?

Institor ecce sedet bene-olens, bene-olente ta-  
bernâ,

Indisq̃ue inerrat mercibus.

Haud vlli vberiore seges fuit Inda paratu,

Manusve manat largior.

Heus tu! non audis? surdas Amor adstrepit aures,

Prensans laciniâ stolam;

Inclamatq̃; frequens: En raro è germine myrrha,

Nardus, crocusq̃ue, & cinnamum.

Quis siet hic rogitas? Amor ille venustus I e s v

Alumnus, & Diuûm decus.

Hîc casia, hîc costus, crocus hîc, & puber amomû,

Hîc cinnamomum, & balsamum.

Et quot Amor tibi verba serit fragrans labello,

Tot crede fundi aromata.

Sat

Sat scio te Sponsus pulcherrimus vrit, & vrit  
Cor faucium grauis pudor.

Quid tibi vis? edic. Amor indicat, esse fidelem  
Nardum; an liceris nardinum?

Sic est: quo pretio? Totū cedò Magdali mundum,  
Si nundinari mens fiet.

Turbida num palles? totū das prodiga mundum,  
Venale nardi in præmium;

Commutatque chelyn, pepla, plectra, monilia,  
torques,

Cum nardinâ spicâ, & croco.

Sic iam dotis inops, comptu sine, & indiga cultus,  
Nudo vagaris vertice;

Non retinens pictis Sicyonia dædala plantis  
Obstragulo sub aureo,

Nec tereti vittâ gemmantes vincta capillos,  
Nec torque amœna gemmeo.

Et vaga sicut eras, sine torque, peplôve vel ostro,  
Præceps Dei inuolas torum:

Nec nisi cinnameos apportas nudâ liquores,  
Queis perpluas Dei caput.

Credo, pio cum lata croco sic vngis amantem,  
Fragrans in vnguen verteris,

Nónne tibi cerâ cor mollius ardet, & omni  
Nardo suauius liquet?

Castus odoratos certè tibi fletus in imbres  
Distillat orbe in vitreo.

Quotquot enim sacer haurit Amor, funditque  
liquores,

Succis odoris imbuat.

*Semi-*



## L X X X.

*Semianimis MAGDALENA illa-  
crymat sepulcro.*

**C**V R gemit ad tumulum, ceu consona mortis  
imago,  
Præmoriente Deo, Magdala prompta mori?  
Et piceas auidæ mortis procumbit in vlnas,  
Ceu tumuli confors, quo sua vita iacet?  
Vult noua mors de morte fluat, de funere funus,  
Noxa nouâ noxâ, deq̃ue dolore dolor?  
Hæret adhuc certè ceu saxum immobile saxo  
Magdalis, & tristi rupe sepulta iacet.  
Languet amans; nec Amoris erit reperire medelâ?  
Quærit amans; nec erit qui sibi promat openi?  
Ardet amans; & adhuc rapidis Amor auolat alis?  
Pulsat amans; & adhuc limina surda silent?  
Tun' potis ah mi C H R-I S T E pati tot acerba  
doloris?  
Tun' potis ah lentæ tædia cruda necis?  
Tu mera lux; & adhuc nox Magdalîn umbrat,  
& error?  
Tu via; & errat amans? vita es; & ægra peris?

## L X X X I.

*Vult iterum ungere.*

**Q**V I D tibi cum myrrhâ? properas vinctura  
sepultum?  
Viuit: odoratâ cinnama mitte manu.  
Exsequias viuo duxti lacrymosa: secundis  
Nil

Nil opus inferiis, mors vbi iussa mori est.  
 Cur ergo vngendi noua cura recurfat IESV?  
 Vis iterum viuos tergere crine pedes?

## L X X X I I.

*Speculum purpureum CHRISTI  
 vulnera.*

**I**MMEMOR ipsa sui passis in vota lacertis,  
 Stabat inornatum Magdalis hirta caput.  
 Vidit Amor stantem sine more, decore, vel auro,  
 Non peplus os umbrat, vitta nec vlla comas.  
 Euge! quid, ô! dixit, sparsis in honora capillis,  
 Ceu Lothis Solymâ Magdala caute gemis?  
 Si lubet, excelso speculum tibi subrige saxo,  
 Formosoque nouum duc licet orbe decus.  
 Rasile crystallû si quæris; id, auspice CHRISTO,  
 Erigit in caluo silua cruenta iugo.  
 Suspiciis aëriæ mortis lacrymabile pignus,  
 Hic tibi funestæ viuit imago necis.  
 Vulnera purpureis quot cernis hiantia labris,  
 Tot roseis speculis pictus inerrat Amor.  
 Si memor hæc legis ora; tuis inscribet ocellis  
 Sanguineo radio vulnera viua dolor.

## L X X X I I I.

*MAGDALENA lacrymis vult rigare  
 Crucis surculum insitum cordi B. VIR-  
 GINIS.*

**A**RBOR opaca comis, viret arbor opima ra-  
 cemis,  
 Quâ Solymos colles frondifer umbrat honos.  
 CRUX

CruX erat, humanæ CruX arbor amica salutis,  
CruX malè-securis hospita silua reis;  
Vberior palmâ, platano formosior arbor,  
Fertilior citro, nobiliorque cedro:  
Durior hæc ebeno, buxiqûe perennior vmbra,  
Quæ sibi pomiferum sola sit apta nemus.  
Hac sibi Virgo parens delibat ab arbore surclum,  
Quem serat, & Solymâ prouida pangat humo.  
Frondeus vnde nepos, ramusqûe virente iuentâ  
Ducat adoptiuis sæcula cana comis:  
Deqûe rudi virgâ surgant plantaria filuis,  
Vnde memor carpat poma cruenta dolor.  
Magdalis vt vidit, siquidem comes illa Parenti  
Ibat, & in caluo flebat, vt illa, iugo;  
Obstupuit tristi defixa labore Parentis,  
Donec Amor vocem soluit, & infit amans:  
Alma Parès grauido vis germine pullulet arbor?  
Affundam riguas, fetus vt imber, aquas.  
En lacrymæ: cordi viuam Crucis insere plantam;  
Miscebit socias mutuus vsus opes.  
Quam seris ægra tuo victuram pectore siluam,  
Prouida Magdaleis lymphæ rigabit aquis.  
Hæc vbi subriguis arbor adoleuerit vndis,  
Et tulerit largo pabula læta sinu:  
Lacryma tunc quæ cruda, viret iam lymphæ do-  
loris,  
Musteus ambrosij succus Amoris erit.  
Et scribam lacrymis, quæ sese hæc educat arbor:  
Hoc pomum tepidis Magdala fouit aquis.

*Optat*

## L X X X I V.

*Optat cum* CHRISTO *mori* M A G -  
D A L E N A.

**S**ICCINE? CHRISTE tuæ rupit mors  
vincula vitæ,

Et mihi vita nouo stamine pensa trahit?  
Magdalin ah! gelidus gelidi tu marmoris hospes  
Deferis, & Solymis Magdalis errat agris?

Cur ego non tecum concordi iuncta sepulcro,  
Hac in rupe pari nube sepulta tegor?

Tristis Hymen nūc cerne, dolor præludit Amori.  
Pro thalamo, hīc tumulum mortis adornat  
Amor.

Si necis & vitæ par copula iungit amantes,  
Et ligat æquus Amor; lex iubet æqua mori.

Quam discors series sic impare diuidit æuo,  
Morte mihi grauior vita superstes erit.

Ne viuam: ah! viuo, cui pars perit optima vitæ.  
Nōne mori totam est, viuere dimidio?

Imò neces mihi mille necis mora parturit. cheu!  
Nolo dimidio viuere, nolo mori.

## L X X X V.

CHRISTO *triumphante de morte &*  
*Orco*, M A G D A L E N A E *mæror.*

**T**AENARVS abrupto rictum disclufit hiatu,  
Demugitque cauo gens Erebea specu.  
Quin etiam latè populi gemuere silentes,  
Victor ut ad Stygias canduit ultor aquas.

Semi-

Semita collucet vocali persona ludo,  
 Quà nouus ignotum rescidit ultor iter.  
 Iamque triumphato spoliū deportat Auerno,  
 Limina qui quadra rupit athena trabe;  
 Quaque triumphalem longo trahit agmine  
 pompam

CHRISTVS ouans, socio te iubet ire choro.  
 Mille Duces inter solus spectatur IESVS;  
 Nec comes hic festā Magdala fronde vires?  
 Curarum heu! tibi mille serit noua cura catenas;  
 Teque nigrā mortis compede vincla grauant.  
 Quid tibi vis, luctu quæ vertis acerba triumphū?  
 Alterius palmas cur tua damna facis?  
 Cerne, cauo saxo spoliū tibi liquit Auerni;  
 Et moreris victæ mortis ad exuias?  
 Quod genus hoc luctus? raptæ modò pignora  
 vitæ,  
 Quæ tibi vis pariat spes, peperisse doles?  
 Hoc Amor? Inuidia est: & adhuc mentiris A-  
 morem?  
 Quis furor hic, vitā sospite velle mori?

## LXXXVI.

*Angor absente CHRISTO.*

PRIMA venit, postrema redit, cassamque se-  
 pulcro  
 Larga vouet, parili pænè sepulta specu  
 Magdalis. elingui vox hæret vincta palato;  
 Et brutæ statuae par, sine mente stupet.  
 Scilicet absentem cruciat procul ardor IESVS  
 Dissitus, & lento decoquit igne iccur.

K

Eminus

Eminus absentem si sic Deus angit & vrit;  
Quid facit, os flammâ dum propiore ferit?

## L X X X V I I.

*Navis inermis MAGDALENAM  
deportat in exsilium.*

**C**YMB A vehit Martham, fragili quæ textitur  
alno;

Par Mariam curâ stans trabe cymba vehit.  
Et par cymba vehit iusto cum pondere fratrem;  
Cui soror alternum cingit vtrisque latus.  
Iamquæ natat ponto, Zephyri crispante flabello:  
Ludicra veliuolos ventilat aura sinus;  
Spumeaque impellit æquatis marmora remis,  
Spumofumquæ secat clauus arator iter.  
Sic equidem rebar. sed tonsa hîc nulla, nec vllus  
Remus, & infidis anchora fida vadis.  
Nónne procellosis pila ludicra voluitur Austris  
Linter, & incertis errat vt aura fretis?  
Imbellisquæ abies ventos irritat, & æquor,  
Vt trepidam vincant ad sua bella ratem?  
Vt lubet, Astræos acue in fera prælia fratres  
Acole, fluctifónas adijce Caure minas:  
Haud tamen vndiuagis Eurûsve Notûsve qua-  
drigis  
Subruet errantem per freta sæua ratem.  
Nónne vides? victrix per inhospita regna timoris  
Labitur inuito pûppis inerma mari.  
Cur ratis hæc velit armamenta? natatile ponto  
Ipsa sibi Cælum fit ratis: astra vehit.

*Cale-*

## L X X X V I I I.

*Cælestes delicia in Contemplatione.*

**C**OR vbi pennatum superas euibrat in auras  
 Fortis Amor, limo quæ pigra fixit humus;  
 Ille leui volitat, volitat super æthera pennâ,  
 Ignotis meditans ausa & inausa viis:  
 Donec ouans animus, terræ iam victor & æthræ,  
 Eluctans luteo glutine, summa petat.  
 Liber enim vinclis enodes explicat alas,  
 Gestit iô! cœnâ cælite iugè frui:  
 Irrumpitque Dei thalamum, gremioque To-  
 nantis

Dulcè sedens, nectar dulcius inde bibit:  
 Massilioque solo superas Sionis ad arces  
 Migrat; ouans epulo, quale ministrat Amor.  
 Ambrosias struit ille dapes, nectarque propinat,  
 Aurea cui rutilas sufficit æthra faces.  
 Quid ni Diua queat epulis accumbere Diuûm,  
 Quæ conuiuia Deo, promaque conda fuit?  
 Quæ tot opima Deo terris modò prandia  
 struxit,  
 An malè iam cœnat cælite Diua toro?

## L X X X I X.

*Cur MAGDALENA sileat coram  
 Simone & Judâ.*

**S**I quæris hospes, & Magister hospitis,  
 Inhospitali vt Magdalis sterit toro,  
 Quo verpus asper incubat, nec quid boni

Dextrâ approbatione sternuit præbe:  
 Cur vox hiantem Magdalin frusttat metu,  
 Et muta plorat? obuius sedet lupus.

## X C.

*Quid M A G D A L E N A scribat  
 in conuiuio.*

**L**AETVS vbi madidas inuitat Tacchus ad aras  
 Conuiuiam, & roseo scriptitat imbre sales,  
 Arguto Conuiua mero quid nescio surdum  
 Pingit, & humenti ducit in orbe notas.  
 Inspeci, tacito nota quid linat ebria Baccho:  
 Furile quid garrit scripta litura mero.  
 At tibi facundo quid scripturit vda Lyxo  
 Littera? tota siles sicca: Lyxus abest.  
 Quid tu sicca siles? te siccus an ebriat error  
 Absque mero? quamuis sobria, tota makes.  
 Sed purisceu Nympha makes abstemia lymphis,  
 Illita cui lacrymis littera scribit: A M O.

## X C I.

*Annulum M A G D A L E N A  
 C H R I S T O suspendit.*

**A**SPECTVS anguineo lentescens orbe me-  
 tallum,  
 Candida cui puro lux adamante micat?  
 Munus id augustis pia Magdala dedicat aris:  
 Fida Deo vixit, vult quoque fida mori.  
 Annulus hic, quem Sponsa suo suspendit Iesu,  
 Irruptæ fidei testis & obsecrit.

Magdali



Magdali solus Amor CHRISTVS, dum vixit  
& idem

Vt leto occubuit, Magdali solus Amor.

## X C I I.

*Imago MAGDALENÆ ex Amore.*

**M**AGDALEAM viuo mihi pinge colore  
figuram,

Quale decus Zeuxis Parrhasiusve parit:

Sidereumque Dei vultu duc cælite vultum,

Vt Diuum archetypo Diua venusta fluat.

Ducis Apelleo spirantia lumina succo.

Aspexi: in tabulâ Diua renata sedet.

Fronte nitet nix pura, micat coma concolor auro,

Lumina purus onyx, labra pyropus habet.

Magdalis hæc diâ simulans sub imagine Diuam,

Cui tantum inuideat vel Charis ipsa decus.

Me rapit in flammæ rapidi sacer ardor Amoris,

Vt primum radij cor tetigere meum.

## X C I I I.

## P A L I N O D I A.

*Imago MAGDALENÆ ex Dolorē.*

**V**T Dolor has sedit de Magdali crescere tedas;

Hoc mihi pictor, ait, texe, retexe caput.

Non oculos, non ora, genas non quæro, nec

artus;

Nec volo, vt hic viuât æmula Diua Deæ:

Vnica; & hæc ingens sit lacryma tota, vel imber,

Magdala; & hic tantum flebilis humor eat.

K. 3.

Ros.

Ros labra, ros coma, ros vultus, ros luminis  
orbes,

Ros gena, ros pectus, ros sit & oris ebur.

## X C I V.

MAGDALENA *nuntia re-  
surrectionis.*

MAGDALA quem furdo venaris auara se-  
pulcro,

Anne putas furto diuite prædo tenet?

Iamque nouâ sub nocte premit sepelitque se-  
pultum,

Vt duplus vnus funere luctus eat?

Siste fugam pia Diua, tuasque retexe querelas:

Quò rapit errantes deuia cura pedes?

Nec patulo saxo pignus iam quære salutis,

Quam sata vere nouo sospitat ipsa Salus.

Pullulat è grauido vitæ spes alma sepulcro:

Ecce tibi patræ nuntia prima spei.

Hoc est quod vacuâ rimaris anhelâ cauernâ:

Sit satis hoc; volucris curre, recurre pede.

Huc ideò ab Solymâ cursus fuit: illius ergò

Itur, & in Solymum deinde reditur iter.

En solito mulier vitæ iam lætior augur,

Iam positis curis omina fausta canit.

Sic malè - suada viro necis heu! interpret &  
auctor,

Femina fit vitæ nuntia læta viris.

Quàm felix ea noxa! parit mors ipsa salutem.

Sæua quod Eua patrat, Magdalis æqua piat.

*Terrâ*

## X C V.

*Terrâ CHRISTO resurgenti gratulan-  
tante, mœret MAGDALENA.*

**V**T Crucis opprobrium florente redemit Eoo  
CHRISTVS, & extinxit vita bis orta  
necem;

Terra nouum, simul æthra nouum profundit  
amomum:

Rore suo hæc spirat, flore quod illa suo.

Ipse sibi flores, flos aureus ille salutis

Vendicat, & mundi gaudia verna serit.

Nempe suo florens IESVS aspirat honori,

Et lustrat radio nobiliore diem.

Terra novos cultus, Tyriosque superba paratus

Induitur, Domino sic placitura suo:

Intexitque sacram læto de flore corollam,

Et, mutat teneris spinea ferta rosis.

Scilicet illa pio redimit nunc blanda roseto,

Vulnera quæ fixit spina cruenta Deo.

Nil nisi spinosos legis hoc de vere dolores?

Stare nouam CHRISTO vis redeunte  
Crucem?

## X C V I.

*MAGDALENA nauigans ad Calum,  
velum è crinibus suis detexit.*

**M**AGDALA Tænario quondam male-nau-  
fraga fluctu,

Et mundi tumidis sæpè sepulta vadis,

Ut tandem Stygiis emerfit inerma procellis,  
 Quas agitant diris horrida monstra fretis;  
 Attendit iam salua caput, cirrosque comantes,  
 Quasque secat, stricto colligit vngue comas:  
 Et dicit, lacrymans: Queis sparsi retia mundo,  
 His ego de cinis prouida vela struam.  
 Si cincinnatus laqueus deuinxit IASVM,  
 Et dabit astringere carbasa fida rati.  
 Apti comæ hæc tramæ est lentus quam macerat  
 humor,  
 Ut licuit crispo tangere crine Deum.  
 Byrsa Libyssa suos si vertit in arma capillos;  
 Cur pia cæsaries texere lina neget?  
 Altera stagna sequar, sequar altera regna: sa-  
 lutis  
 Ibo mari; salsum sed mare fletus erit.  
 Insanas Boreæ furias, Nerei que furores,  
 Fulmineosque globos, monstrificasque feras;  
 Et Noton, & vis si qua Noto violentior vrget,  
 Indomitæ vincent linæa texta comis.  
 Ocyor & terras, & porrò diffusa regna  
 Aeolidum, & pluuium spes mea scandet  
 iter:  
 Aetheriasque vias puppis tranabit, & ignem;  
 Donec ouans Cælo classica læta canam.  
 Attigero fidum cælesti littore portum,  
 Cui Pharos & pernox stat Cynosura Deus;  
 Carbasa veliuolis olim detexta capillis,  
 Sidereo appendam tunc anathema tholo.

*Geminu*

## X. C. V. I. I.

*Genius ad famam MAGDALENAR  
toto orbe peruagantem.*

**Q**uò gentium fugaci  
Pennâ vagaris exsul,  
Incompta, muta, sparsis  
Sic hispidosa cirris?  
Te solitudo malim  
Abdat tuis latebris;  
Et Magdalena casto  
Hic ingemas dolori.  
Ah! denuò laceſſent  
Te dente viperino  
Scribæ, genus proteruum:  
Et vipersas tot inter,  
Hydras, feras, leones,  
Rurſum vagaris exsul?  
Et vndeuis recurſas  
Surſum, ſimul deorſum?  
Quid Nympha, nuda Nympha,  
Et delicata Virgo,  
Sus deſque fers tot vngues,  
Morſus, venena, dentes,  
Rixas, minas, & iras?  
Heu! iſta deliqueſcis  
In lacrymas perennes,  
In lacrymas edaces,  
In lacrymas amaras.

## X C V I I I.

*Pulchritudinem suam in lacrymas vertit*

MAGDALENA.

**A**RGV T I S oculis picto sub flore corollæ  
 Lufit amœnus Amor, lufit amœna Charis.  
 Iſta breuî ſed ſcena cadit. Amor hiſtrio vitæ,  
 Qui modò Comœdus, ritè Tragœdus erit.  
 Ite procul Veneres, blandiquè Cupidinis ignes:  
 Serius in lacrymas Magdalin vrget Amor.  
 Ah pudet: hinc duri contuſa ad pectora planctus,  
 Hinc pudor, hinc gelidus plumbea larua  
 metus.

Lapſa fluit coma, & ipſa comis dilapſa corolla,  
 Lapſaque dilapſis flaua iuuenta comis.  
 Qui roſco flos ore ſtetit, flos aureus æui,  
 Excidit in triſtes iam cinis vduſ aquas:  
 Quæque priuſ niueo candebant lilia vultu,  
 Purpureis mutat flamma pudica roſis.  
 Sic licet ægra cadat formoſi gratia vultus,  
 Gratiôr informi ridet in ore Charis.  
 Diuitiſ animoſa ſuis, nil indiga cultus,  
 Ipſa ſui pretium, munus & ipſa ſuum.  
 Cui tamen in lacrymiſ maior perlucet imago,  
 Et noua adoptiuſ gratia floret aquis.  
 En vbi perſpicuiſ lucetque paterque ſub vndiſ  
 Annuluſ, aut vitreiſ nummiſ inerrat aquis;  
 Siue virens latet herba, ſegèſve, terèſve lapilluſ,  
 Naiſ vbi puriſ ridet amœna vadiſ;  
 Quam ſibi mendaci fons pictor adumbrat in  
 vndâ,

Nôanc

Nónne suo maior corpore forma natat?  
 Sorte pari, medio dilucet gratia fletu  
 Pulchrior, & maius fenerat aucta decus.

## X C I X.

MAGDALENA CHRISTI  
*verbis pascitur.*

**I**M B V I T irriguas fecundis imbribus aures,  
 Nectareisque rigat torrida corda fauis  
**C**H R I S T V S, inexhaustæ felix cui copia lingue  
 Vndat, & ambrosio Magdalin ore trahit.  
 Illa inhians, totum cupidâ bibit aure, Magistro;  
 Ac saturam pleno proluit ore sitim:  
 Et mirer fatuas Marthæ si despuat ollas,  
 Nectar & ambrosiam vox cui dia facit?

## C.

*Certamen MAGDALENÆ cum Sole,  
 vter prior CHRISTVM resurgentem  
 comitetur.*

**C**V R S V corusco Sol leues rapit rotas,  
**I**E S V ut triumphum spectet auratâ in togâ:  
 Et Magdalena corripit leuem gradum.  
 Cælo soloque curritur curâ pari.  
 Vter duorum contigit metam prior?  
 Vt Solem **I**E S V S, Magdalin sic Sol præit,  
 Eamque cursu vincit, ut canat prior:  
 Io! triumpho! victor exurgis Deus.

## C I.

*Palinodia.*

**A**BERRO: oberrat Magdalis **CHRISTO**  
comes.

Quocumque **CHRISTVS** obuium flectit  
pedem,

Illuc, vt vmbra, Magdalis vertit fugam.

Miraris? illum corde fert clausum suo,

Spectansque vbiuis vndeuisque, quem sequi

Stat vsquequaque, quã præt, premit gradum;

Obses, comesque nescia abduci Dco.

Dic ergo: Magdalena pennipes,

Solis quadrigas cum suo præt Duce.

## C I I.

**MAGDALENA** cor suum pro sepulcro  
*offert* **IOSEPHO**.

**C**AEDVA Ioseph marmora sculpis  
Tumulo **CHRISTI** desine curæ.

Quod tibi pando, discute pectus:

Cor ibi verno pulchrius horto,

Cor ibi claustro tutius omni,

Cor ibi custos fidus **IESV**.

Hic vbi **CHRISTI** nobile funus

Prouida condam.

**MAGDA**



## C I I I.

MAGDALENA *citharain Coniunio.**Ad SIMONEM.*

**D**A s epulum; laudo. sed abest lyra nuntia:  
gaudi:

Hoc ego non laudo: si sapias, adde chorum.

Fabula sed furdo narratur, & abnuis auris

Delicias; Verbum cui tamen hospes adest.

Plus sapit ista, tuo licet importuna Lyæo;

Arguto digito fila canora teret.

Magdala quot nervis intexit & ossibus artus,

Tot numerat viuas ad sua pleetra fides.


Hic vario in numero vocum discordia concors;

Innumeros diâ temperat arte modos.

Sed chelys hæc sonat absque sono: se vertit  
eburnam

Magdalis in citharam, cui citharædus Amor.

F I N I S.



F A.

## FACULTAS SUPERIORVM.

**E**GO *infra scriptus* *Præpositus* *Provincia-*  
*lis Societatis IESV per Flandro-Belgi-*  
*cam, cum* MAGDALENAM à P. BAL-  
DVINO CABILLIAVO *Societatis*  
*IESV Sacerdote conscriptam, quatuor de-*  
*signati eiusdem Societatis Patres legerint*  
*probarintque, potestate ab Admod. Rene-*  
*rendo Patre nostro MVTIO VITEL-*  
*ESCO ad hoc mihi factâ, ut typis excuda-*  
*tur, permitto. In quorum fidem has litteras*  
*manu meâ subscriptas, officij mei sigillo muni-*  
*ni. Antuerpia x x x. Ianuarij M. DC. XXV.*

• Florentius de Montmorency.

AP-

## APPROBATIO CENSORIS.

**C**ARMEN *hoc* BALDVINI CABILLIAVI, Societatis IESV Presbyteri, quo MAGDALENAM diuersimodè affectam depingit, eruditum est, ingeniosum, & numeris omnibus absolutum; quinimò robusta quadam ac mascula oratio in eo spirat, in quo tot propè miranda, quot versus: ea propter quantum calamporum pro eo Auctor mereatur, quantum chartarum, proborum Lectorum iudicia aestimabunt. Datum Bruxella pridie Nonas Ianuarias, M. DC. XXV.

Henricus Smeyers, S. Th. Licentiatuſ, & Scholasticus Bruxellensis, Librorum Cenſor.

S.V.M.

## SVMMA PRIVILEGII.

**P**HILIPPVS IV. Hispaniarum Rex Catholicus, & Potentissimus Belgarum Princeps, Diplomate suo sanxit, nequis BALDVINI CABILLIAVI è Soc. IESV MAGDALENAM præter Balthazaris Moreti voluntatem vlllo modo intra sexennium imprimat, aut alibi terrarum impressam in Belgicæ ditiones importet, vcnalémve habeat. Qui secùs faxit, confiscatione librorum, & aliâ graui pœnâ mulctabitur; vti latiùs patet in litteris datis Bruxellæ xxvri. Ianuarij, M. DC. xxv.

Signat.

*Steenbreyse.*

ANTVERPIAE,  
EX OFFICINA PLANTINIANA  
BALTHASARIS MORETI.  
M. DC. XXV.









